

॥ ऋग्वेदः मण्डलं ९ ॥

.. Rigveda Mandala 9 ..

sanskritdocuments.org

November 12, 2017

---

.. Rigveda Mandala 9 ..

॥ ऋग्वेदः मण्डलं ९ ॥

Sanskrit Document Information



---

Text title : Rigveda Mandalam 9

File name : r09.itx

Category : veda, rigveda, svara

Location : doc\_veda

Author : Vedic Tradition

Transliterated by : 1. Source: Aufrecht/van Nooten/Holland (Samhita), 2. Final transliteration: Detlef Eichler

Proofread by : Detlef Eichler detlefeichler at gmail.com

Latest update : July 2, 2013

Send corrections to : detlefeichler@googlemail.com, sanskrit@cheerful.com

---

This text is prepared by volunteers and is to be used for personal study and research. The file is not to be copied or reposted without permission, for promotion of any website or individuals or for commercial purpose.

**Please help to maintain respect for volunteer spirit.**

---

November 12, 2017

*sanskritdocuments.org*



---

.. Rigveda Mandala 9 ..

॥ ऋग्वेदः मण्डलं ९ ॥



स्वादिष्ठया मदिष्ठया पवस्व सोम धारया ।  
इन्द्राय पातवे सुतः ॥ १.००१.०१  
रक्षोहा विश्वचर्षणिरभि योनिमयोहतम् ।  
द्रुणा सधस्थमासदत् ॥ १.००१.०२  
वरिवोधातमो भव मंहिष्ठो वृत्रहन्तमः ।  
पर्षि राधो मघोनाम् ॥ १.००१.०३  
अभ्यर्ष महानां देवानां वीतिमन्धसा ।  
अभि वाजमुत श्रवः ॥ १.००१.०४  
त्वामच्छा चरामसि तदिदर्थं दिवेदिवे ।  
इन्द्रो त्वे न आशसः ॥ १.००१.०५  
पुनाति ते परिस्तुतं सोमं सूर्यस्य दुहिता ।  
वारेण शश्वता तना ॥ १.००१.०६  
तमीमण्वीः समर्य आ गृभ्णन्ति योषणो दश ।  
स्वसारः पायं दिवि ॥ १.००१.०७  
तमीं हिन्वन्त्यश्रुवो धमन्ति बाकुरं दृतिम् ।  
त्रिधातु वारणं मधु ॥ १.००१.०८  
अभी३ममघ्या उत श्रीणन्ति धेनवः शिशुम् ।  
सोममिन्द्राय पातवे ॥ १.००१.०९  
अस्येदिन्द्रो मदेष्वा विश्वा वृत्राणि जिघ्रते ।  
शूरो मघा च मंहते ॥ १.००१.१०  
पवस्व देववीरति पवित्रं सोम रंह्या ।

इन्द्रमिन्दो वृषा विश ॥ १.००२.०१  
 आ वच्यस्व महि प्सरो वृषेन्दो द्युम्रवत्तमः ।  
 आ योनिं धर्णसिः सदः ॥ १.००२.०२  
 अधुक्षत प्रियं मधु धारा सुतस्य वेधसः ।  
 अपो वसिष्ठ सुक्रतुः ॥ १.००२.०३  
 महान्तं त्वा महीरन्वापो अर्षन्ति सिन्धवः ।  
 यद्गोभिर्वासयिष्यसे ॥ १.००२.०४  
 समुद्रो अप्सु मामृजे विष्टम्भो धरुणो दिवः ।  
 सोमः पवित्रे अस्मयुः ॥ १.००२.०५  
 अचिक्रदद्वृषा हरिर्महान्मित्रो न दर्शतः ।  
 सं सूर्येण रोचते ॥ १.००२.०६  
 गिरस्त इन्द्र ओजसा मर्मृज्यन्ते अपस्युवः ।  
 याभिर्मदाय शुम्भसे ॥ १.००२.०७  
 तं त्वा मदाय घृष्वय उ लोककृत्तुमीमहे ।  
 तव प्रशस्तयो महीः ॥ १.००२.०८  
 अस्मभ्यमिन्दविन्द्रयुर्मध्वः पवस्व धारया ।  
 पर्जन्यो वृष्टिमाँ इव ॥ १.००२.०९  
 गोषा इन्दो नृषा अस्यश्वसा वाजसा उत ।  
 आत्मा यज्ञस्य पूर्व्यः ॥ १.००२.१०  
 एष देवो अमर्त्यः पर्णवीरिव दीयति ।  
 अभि द्रोणान्यासदम् ॥ १.००३.०१  
 एष देवो विपा कृतोऽति ह्यरासि धावति ।  
 पवमानो अदाभ्यः ॥ १.००३.०२  
 एष देवो विपन्युभिः पवमान ऋतायुभिः ।  
 हरिर्वाजाय मृज्यते ॥ १.००३.०३  
 एष विश्वानि वार्या शूरो यन्निव सत्वभिः ।

पवमानः सिषासति ॥ १.००३.०४  
 एष देवो रथर्यति पवमानो दशस्यति ।  
 आविष्कृणोति वग्वनुम् ॥ १.००३.०५  
 एष विप्रैरभिष्टुतोऽपो देवो वि गाहते ।  
 दधद्रत्नानि दाशुषे ॥ १.००३.०६  
 एष दिवं वि धावति तिरो रजांसि धारया ।  
 पवमानः कनिक्रदत् ॥ १.००३.०७  
 एष दिवं व्यासरत्तिरो रजांस्यस्पृतः ।  
 पवमानः स्वध्वरः ॥ १.००३.०८  
 एष प्रत्नेन जन्मना देवो देवेभ्यः सुतः ।  
 हरिः पवित्रे अर्षति ॥ १.००३.०९  
 एष उ स्य पुरुव्रतो जज्ञानो जनयन्निषः ।  
 धारया पवते सुतः ॥ १.००३.१०  
 सना च सोम जेषि च पवमान महि श्रवः ।  
 अथा नो वस्यसस्कृधि ॥ १.००४.०१  
 सना ज्योतिः सना स्वर्विश्वा च सोम सौभगा ।  
 अथा नो वस्यसस्कृधि ॥ १.००४.०२  
 सना दक्षमुत क्रतुमप सोम मृधो जहि ।  
 अथा नो वस्यसस्कृधि ॥ १.००४.०३  
 पवीतारः पुनीतन सोममिन्द्राय पातवे ।  
 अथा नो वस्यसस्कृधि ॥ १.००४.०४  
 त्वं सूर्ये न आ भज तव क्रत्वा तवोतिभिः ।  
 अथा नो वस्यसस्कृधि ॥ १.००४.०५  
 तव क्रत्वा तवोतिभिर्ज्योक्पश्येम सूर्यम् ।  
 अथा नो वस्यसस्कृधि ॥ १.००४.०६  
 अभ्यर्ष स्वायुध सोम द्विबर्हसं रयिम् ।  
 अथा नो वस्यसस्कृधि ॥ १.००४.०७

अ॒भ्य॑र्षा॒नप॑च्युतो र॒यिं स॒मत्सु॑ सा॒सहिः॑ ।  
 अथा॑ नो वस्यसस्कृधि ॥ १.००४.०८  
 त्वां य॒ज्ञैर॑वीवृ॒धन्प॑वमान॒ विध॑र्मणि ।  
 अथा॑ नो वस्यसस्कृधि ॥ १.००४.०९  
 र॒यिं न॑श्चि॒त्रम॑श्चि॒नमि॑न्दो वि॒श्वायु॑मा भर ।  
 अथा॑ नो वस्यसस्कृधि ॥ १.००४.१०  
 समि॑द्धो वि॒श्वत॑स्पतिः पव॒मानो॑ वि रा॒जति॑ ।  
 प्री॒णन्वृ॑षा क॒निक्र॑दत् ॥ १.००५.०१  
 त॒नून॑पा॒त्पव॑मानः शृ॒ङ्गे शि॑शानो अर्षति ।  
 अ॒न्तरि॑क्षेण रा॒रजत् ॥ १.००५.०२  
 ई॒ळेन्यः॑ पव॒मानो॑ र॒यिर्वि॑ राजति द्यु॒मान् ।  
 मधो॑र्धाराभि॒रोज॑सा ॥ १.००५.०३  
 ब॒र्हिः प्रा॑ची॒नमो॑जसा पव॒मानः॑ स्तृण॒न्हरिः॑ ।  
 दे॒वेषु॑ दे॒व इ॑यते ॥ १.००५.०४  
 उ॒दातै॑र्जिहते बृह॒द्द्वारो॑ दे॒वीर्हि॑र॒ण्ययीः॑ ।  
 पव॑माने॒न सु॑ष्टुताः ॥ १.००५.०५  
 सु॒शिल्पे॑ बृह॒ती म॒ही पव॑मानो वृषण्यति ।  
 न॒क्तोषा॑सा न दर्शते ॥ १.००५.०६  
 उ॒भा दे॒वा नृ॑चक्षसा हो॒तारा॑ दै॒व्या हु॑वे ।  
 पव॑मान॒ इन्द्रो॑ वृषा ॥ १.००५.०७  
 भा॒रती॑ पव॒मानस्य॑ सर॒स्वती॑ळा म॒ही ।  
 इ॒मं नो॑ य॒ज्ञमा॑ ग॒मन्ति॑स्रो दे॒वीः सु॑पेशसः ॥ १.००५.०८  
 त्वष्टा॑रम॒ग्रजां॑ गो॒पां पु॑रो॒यावा॑नमा हुवे ।  
 इ॒न्दुरि॑न्द्रो वृषा हरिः पव॒मानः॑ प्र॒जाप॑तिः ॥ १.००५.०९  
 व॒नस्प॑तिं पव॒मान॑ म॒ध्वा स॑म॒ङ्घ्रि॑ धारया ।  
 स॒हस्र॑वल्शं हरि॒तं भ्रा॑ज॒मानं॑ हि॒रण्य॑यम् ॥ १.००५.१०

विश्वे देवाः स्वाहाकृतिं पवमानस्या गत ।  
 वायुर्बृहस्पतिः सूर्योऽग्निरिन्द्रः सजोषसः ॥ १.००५.११  
 मन्द्रया सोम धारया वृषा पवस्व देवयुः ।  
 अव्यो वारेष्वस्मयुः ॥ १.००६.०१  
 अभि त्यं मद्यं मदमिन्द्रविन्द्र इति क्षर ।  
 अभि वाजिनो अर्वतः ॥ १.००६.०२  
 अभि त्यं पूर्यं मदं सुवानो अर्ष पवित्र आ ।  
 अभि वाजमुत श्रवः ॥ १.००६.०३  
 अनु द्रप्सास इन्द्रव आपो न प्रवतासरन् ।  
 पुनाना इन्द्रमाशत ॥ १.००६.०४  
 यमत्यमिव वाजिनं मृजन्ति योषणो दश ।  
 वने क्रीळन्तमत्यविम् ॥ १.००६.०५  
 तं गोभिर्वृषणं रसं मदाय देववीतये ।  
 सुतं भराय सं सृज ॥ १.००६.०६  
 देवो देवाय धारयेन्द्राय पवते सुतः ।  
 पयो यदस्य पीपयत् ॥ १.००६.०७  
 आत्मा यज्ञस्य रंह्या सुष्वाणः पवते सुतः ।  
 प्रलं नि पाति काव्यम् ॥ १.००६.०८  
 एवा पुनान इन्द्रयुर्मदं मदिष्ठ वीतये ।  
 गुहा चिदधिषे गिरः ॥ १.००६.०९  
 असृग्रमिन्द्रवः पथा धर्मनृतस्य सुश्रियः ।  
 विदाना अस्य योजनम् ॥ १.००७.०१  
 प्र धारा मध्वो अग्रियो महीरपो वि गाहते ।  
 हविर्हविष्णु वन्द्यः ॥ १.००७.०२  
 प्र युजो वाचो अग्रियो वृषाव चक्रदद्वने ।  
 सन्नाभि सत्यो अध्वरः ॥ १.००७.०३

परि यत्काव्या कविर्नुम्णा वसानो अर्षति ।  
स्वर्वाजी सिषासति ॥ १.००७.०४  
पवमानो अभि स्पृधो विशो राजेव सीदति ।  
यदीमृण्वन्ति वेधसः ॥ १.००७.०५  
अव्यो वारे परि प्रियो हरिर्वनेषु सीदति ।  
रेभो वनुष्यते मती ॥ १.००७.०६  
स वायुमिन्द्रमश्विना साकं मदेन गच्छति ।  
रणा यो अस्य धर्मभिः ॥ १.००७.०७  
आ मित्रावरुणा भगं मध्वः पवन्त ऊर्मयः ।  
विदाना अस्य शक्त्रभिः ॥ १.००७.०८  
अस्मभ्यं रोदसी रयिं मध्वो वाजस्य सातये ।  
श्रवो वसूनि सं जितम् ॥ १.००७.०९  
एते सोमा अभि प्रियमिन्द्रस्य काममक्षरन् ।  
वर्धन्तो अस्य वीर्यम् ॥ १.००८.०१  
पुनानासश्वमूषदो गच्छन्तो वायुमश्विना ।  
ते नो धान्तु सुवीर्यम् ॥ १.००८.०२  
इन्द्रस्य सोम राधसे पुनानो हार्दि चोदय ।  
ऋतस्य योनिमासदम् ॥ १.००८.०३  
मृजन्ति त्वा दश क्षिपो हिन्वन्ति सप्त धीतयः ।  
अनु विप्रा अमादिषुः ॥ १.००८.०४  
देवेभ्यस्त्वा मदाय कं सृजानमति मेष्यः ।  
सं गोभिर्वासयामसि ॥ १.००८.०५  
पुनानः कलशेष्वा वस्त्राण्यरुषो हरिः ।  
परि गव्यान्यव्यत ॥ १.००८.०६  
मघोन आ पवस्व नो जहि विश्वा अप द्विषः ।  
इन्दो सखायमा विश ॥ १.००८.०७  
वृष्टिं दिवः परि स्रव द्युमं पृथिव्या अधि ।



सहो॑ नः सोम॑ पु॒त्सु॑ धाः ॥ १.००८.०८  
न॒चक्ष॑सं त्वा व॒यमिन्द्र॑पीतं स्व॒र्विद॑म् ।  
भ॒क्षी॑महि॒ प्र॒जामि॑षम् ॥ १.००८.०९  
परि॑ प्रि॒या दि॒वः क॒विर्वया॑सि न॒त्योर्हि॑तः ।  
सु॒वा॒नो या॑ति क॒विक्र॑तुः ॥ १.००९.०१  
प्र॒प्र क्षया॑य प॒न्यसे॑ ज॒नाय॑ जुष्टो अ॒द्रुहे॑ ।  
वी॒त्यर्ष॑ च॒निष्ठ॑या ॥ १.००९.०२  
स सु॒नु॒र्मा॒तरा॑ शु॒चिर्जा॑तो जा॒ते अ॒रोच॑यत् ।  
म॒हान्म॑ही ऋ॒तावृ॑धा ॥ १.००९.०३  
स स॒प्त धी॑तिभिर्हि॒तो न॒द्यो अ॒जिन्व॑द॒द्रुहः॑ ।  
या ए॒कम॑क्षि वावृ॒धुः ॥ १.००९.०४  
ता अ॒भि स॒न्तम॑स्त्व॒तं म॒हे यु॒वान॑मा द॒धुः ।  
इ॒न्दुमिन्द्र॑ तव व्र॒ते ॥ १.००९.०५  
अ॒भि वहि॑रम॒र्त्यः स॒प्त प॑श्यति वाव॒हिः ।  
क्रि॒वि॒र्दे॒वीर॑तर्पयत् ॥ १.००९.०६  
अवा॑ क॒ल्पेषु॑ नः पु॒मस्त॑मा॒सि सोम॑ यो॒ध्या ।  
तानि॑ पु॒नान॑ जङ्घ॒नः ॥ १.००९.०७  
नू न॒व्यसे॑ न॒वीय॑से सू॒क्ताय॑ साधया प॒थः ।  
प्र॒ल॒व॒द्रोच॑या रुचः ॥ १.००९.०८  
पव॑मान॒ महि॑ श्रवो॒ गाम॑श्च॒ रासि॑ वी॒रव॑त् ।  
सना॑ मे॒धां स॒ना स्वः॑ ॥ १.००९.०९  
प्र स्व॑ानासो रथा इ॒वाव॑न्तो न श्रव॒स्यवः॑ ।  
सोमा॑सो रा॒ये अ॒क्रमुः॑ ॥ १.०१०.०१  
हि॒न्वा॒नासो॑ रथा इ॒व द॑धन्विरे ग॒भस्त्योः॑ ।  
भरा॑सः का॒रिणा॑मिव ॥ १.०१०.०२  
राजा॑नो न प्र॒शस्ति॑भिः सोमा॑सो गो॒भिर॑ञ्जते ।

यज्ञो न सप्त धातृभिः ॥ १.०१०.०३  
 परि सुवानास इन्द्रवो मदाय बर्हणा गिरा ।  
 सुता अर्षन्ति धारया ॥ १.०१०.०४  
 आपानासो विवस्वतो जनन्त उषसो भगम् ।  
 सूरा अप्वं वि तन्वते ॥ १.०१०.०५  
 अप द्वारा मतीनां प्रत्ना ऋण्वन्ति कारवः ।  
 वृष्णो हरस आयवः ॥ १.०१०.०६  
 समीचीनास आसते होतारः सप्तजामयः ।  
 पदमेकस्य पिप्रतः ॥ १.०१०.०७  
 नाभा नाभिं न आ ददे चक्षुश्चित्सूर्ये सचा ।  
 कवेरपत्यमा दुहे ॥ १.०१०.०८  
 अभि प्रिया दिवस्पदमध्वर्युभिर्गुहा हितम् ।  
 सूरः पश्यति चक्षसा ॥ १.०१०.०९  
 उपास्मै गायता नरः पवमानायेन्द्रवे ।  
 अभि देवाँ इयक्षते ॥ १.०११.०१  
 अभि ते मधुना पयोऽथर्वाणो अशिश्रयुः ।  
 देवं देवाय देवयु ॥ १.०११.०२  
 स नः पवस्व शं गवे शं जनाय शमर्वते ।  
 शं राजन्नोषधीभ्यः ॥ १.०११.०३  
 बभ्रवे नु स्वतवसेऽरुणाय दिविस्पृशे ।  
 सोमाय गाथमर्चत ॥ १.०११.०४  
 हस्तच्युतेभिरद्विभिः सुतं सोमं पुनीतन ।  
 मधावा धावता मधु ॥ १.०११.०५  
 नमसेदुप सीदत दध्रेदभि श्रीणीतन ।  
 इन्दुमिन्द्रे दधातन ॥ १.०११.०६  
 अमित्रहा विचर्षणिः पवस्व सोम शं गवे ।

दे॒वेभ्यो॑ अनु॒काम॑कृत् ॥ ९.०११.०७  
 इन्द्रा॑य सोम॒ पात॑वे मदा॒य परि॑ षिच्यसे ।  
 मन॑श्चिन्मन॒सस्पतिः॑ ॥ ९.०११.०८  
 पव॑मान सु॒वीर्यं॑ रयिं सोम॒ रिरि॑हि नः ।  
 इन्द्र॑विन्द्रेण नो यु॒जा ॥ ९.०११.०९  
 सोमा॑ असृ॒ग्रमिन्द्र॑वः सु॒ता ऋ॒तस्य॑ सादने ।  
 इन्द्रा॑य मधु॒मत्त॑माः ॥ ९.०१२.०१  
 अ॒भि वि॒प्रा अनु॑षत गावो॒ वत्सं॑ न मा॒तरः॑ ।  
 इन्द्रं॑ सोमस्य पी॒तये॑ ॥ ९.०१२.०२  
 म॒दच्यु॑त्क्षेति सादने॒ सिन्धो॑रूर्मा वि॒पश्चित् ।  
 सोमो॑ गौरी॒ अधि॑ श्रितः ॥ ९.०१२.०३  
 दि॒वो ना॒भा वि॒चक्ष॑णोऽव्यो॒ वारं॑ महीयते ।  
 सोमो॑ यः सु॒क्रतुः॑ क॒विः ॥ ९.०१२.०४  
 यः सोमः॑ क॒लशे॑ष्वँ अ॒न्तः प॒वित्र॑ आ॒हितः॑ ।  
 तमिन्द्रुः॑ परि॒ षस्व॑जे ॥ ९.०१२.०५  
 प्र वा॒चमिन्द्रु॑रिष्यति स॒मुद्र॑स्याधि॒ विष्ट॑पि ।  
 जिन्व॑न्कोशं मधु॒श्वत॑म् ॥ ९.०१२.०६  
 नित्य॑स्तोत्रो॒ वन॑स्पति॒र्धीना॑मन्तः स॒बर्दु॑घः ।  
 हिन्वा॑नो मानु॒षा यु॒गा ॥ ९.०१२.०७  
 अ॒भि प्रि॒या दि॒वस्प॑दा सोमो॒ हिन्वा॑नो अ॒र्षति॑ ।  
 वि॒प्रस्य॑ धारया क॒विः ॥ ९.०१२.०८  
 आ प॑वमान धारय रयिं स॒हस्र॑वर्चसम् ।  
 अ॒स्मे इन्द्रो॑ स्वा॒भुव॑म् ॥ ९.०१२.०९  
 सोमः॑ पु॒नानो॑ अ॒र्षति॑ स॒हस्र॑धा॒रो अत्य॑विः ।  
 वा॒यो रिन्द्र॑स्य निष्कृ॒तम् ॥ ९.०१३.०१  
 प॑वमानमवस्यवो॒ विप्र॑मभि प्र गायत ।

सु॒ष्वा॒णं दे॒ववी॑तये ॥ ९.०१३.०२  
पव॑न्ते वा॒जसा॑तये सोमाः स॒हस्र॑पाजसः ।  
गृ॒णा॒ना दे॒ववी॑तये ॥ ९.०१३.०३  
उ॒त नो॑ वा॒जसा॑तये पव॑स्व बृ॒हती॑रिषः ।  
द्यु॒मदि॑न्दो सु॒वीर्य॑म् ॥ ९.०१३.०४  
ते नः॑ स॒हस्रि॑णं रयिं पव॑न्ता॒मा सु॒वीर्य॑म् ।  
सु॒वा॒ना दे॒वास॑ इ॒न्द्रवः॑ ॥ ९.०१३.०५  
अ॒त्या हि॒या॒ना न हे॒तृभि॑रसृ॒ग्रं वा॑जसा॒तये ।  
वि वा॑र॒मव्य॑माशवः ॥ ९.०१३.०६  
वा॒श्रा अ॑र्प॒न्ती॒न्दवो॑ऽभि व॒त्सं न धे॒नवः॑ ।  
द॒धन्वि॑रे ग॒भस्त्योः॑ ॥ ९.०१३.०७  
जुष्ट॑ इ॒न्द्राय॑ मत्स॒रः पव॑मान॒ कनि॑क्रदत् ।  
वि॒श्वा अप॑ द्वि॒षो ज॑हि ॥ ९.०१३.०८  
अ॒प॒घ्नन्तो॑ अ॒राव्यः॑ पव॑मानाः स्व॒र्दृशः॑ ।  
यो॒नावृ॑तस्य सीदत ॥ ९.०१३.०९  
परि॑ प्रा॒सिष्य॑दत्क॒विः सि॒न्धो॒रू॒र्मावधि॑ श्रि॒तः ।  
का॒रं बिभ्र॑त्पु॒रुस्पृ॑हम् ॥ ९.०१४.०१  
गि॒रा यदी॑ स॒बन्ध॑वः प॒ञ्च ब्रा॑ता॒ अप॒स्यवः॑ ।  
परि॑ष्कृ॒ण्वन्ति॑ धर्णा॒सिम् ॥ ९.०१४.०२  
आ॒दस्य॑ शु॒ष्मिणो॑ रसे वि॒श्वे दे॒वा अ॑मत्सत ।  
यदी॑ गोभिर्वसा॒यते॑ ॥ ९.०१४.०३  
नि॒रि॒णानो॑ वि धावति॑ ज॒हृच्छ॑याणि॒ तान्वा॑ ।  
अत्रा॑ सं जिघ्रते यु॒जा ॥ ९.०१४.०४  
न॒प्तीभि॑र्यो॒ विव॑स्वतः शु॒भ्रो न मा॑मृजे युवा ।  
गाः कृ॒ण्वानो॑ न नि॒र्णिज॑म् ॥ ९.०१४.०५  
अति॑ श्रि॒ती ति॑र॒श्चता॑ ग॒व्या जि॑गात्य॒ण्व्या ।

व॒श्रु॒मि॒य॒र्ति॒ यं॒ वि॒दे ॥ १.०१४.०६  
 अ॒भि॒ क्षि॒पः॒ स॒म॒ग्म॒त॒ म॒र्ज॒य॒न्ती॒रि॒ष॒स्प॒ति॒म् ।  
 पृ॒ष्ठा॒ गृ॒भ्ण॒त॒ वा॒जिनः॑ ॥ १.०१४.०७  
 परि॑ दि॒व्यानि॑ म॒मृ॒श॒द्वि॒श्वानि॑ सोम॒ पार्थि॑वा ।  
 व॒सूनि॑ या॒ह्य॒स्म॒युः ॥ १.०१४.०८  
 ए॒ष॒ धि॒या॒ या॒त्य॒ण्व्या॒ शू॒रो॒ रथे॑भि॒रा॒शु॒भिः ।  
 ग॒च्छ॒न्नि॒न्द्र॒स्य॒ नि॒ष्कृ॒त॒म् ॥ १.०१५.०१  
 ए॒ष॒ पु॒रू॒ धि॒या॒य॒ते॒ बृ॒ह॒ते॒ दे॒व॒ता॒त॒ये ।  
 य॒त्रा॒मृ॒ता॒स॒ आ॒स॒ते ॥ १.०१५.०२  
 ए॒ष॒ हि॒तो॒ वि॒ नी॒य॒ते॒ऽन्तः॑ शु॒भ्रा॒व॒ता॒ प॒था ।  
 य॒दी॒ तु॒ञ्ज॒न्ति॑ भू॒र्ण॒यः ॥ १.०१५.०३  
 ए॒ष॒ शृ॒ङ्गा॒णि॒ दो॒धु॒व॒च्छि॒शी॒ते॒ यू॒थ्यो॑ऽ३ वृ॒षा ।  
 नृ॒म्या॒ द॒धा॒न॒ ओ॒ज॒सा ॥ १.०१५.०४  
 ए॒ष॒ रु॒क्मि॑भि॒री॒य॒ते॒ वा॒जी॑ शु॒भ्रे॑भि॒रं॒शु॒भिः ।  
 प॒तिः॒ सि॒न्धू॒नां॒ भ॒व॒न् ॥ १.०१५.०५  
 ए॒ष॒ व॒सूनि॑ पि॒ब॒द॒ना॒ परु॑षा॒ य॒यि॒वाँ॑ अ॒ति॑ ।  
 अ॒व॒ शा॒दे॒षु॒ ग॒च्छ॒ति ॥ १.०१५.०६  
 ए॒तं॑ मृ॒ज॒न्ति॑ म॒र्ज्य॑मु॒प॒ द्रो॒णे॑ष्व॒य॒वः ।  
 प्र॒च॒क्रा॒णं॑ म॒ही॒रि॒षः ॥ १.०१५.०७  
 ए॒त॒मु॒ त्यं॑ द॒श॒ क्षि॒पो॑ मृ॒ज॒न्ति॑ स॒प्त॒ धी॒त॒यः ।  
 स्वा॒यु॒धं॑ म॒दि॒न्त॒म॒म् ॥ १.०१५.०८  
 प्र॒ ते॑ सो॒तार॑ ओ॒ण्यो॑ऽ३ र॒सं॑ म॒दा॒य॒ घृ॒ष्व॒ये ।  
 स॒र्गो॑ न॒ त॒त्त्वे॑त॒शः ॥ १.०१६.०१  
 ऋ॒त्वा॒ द॒क्ष॒स्य॑ र॒थ्य॑म॒पो॒ व॒सा॒न॒म॒न्ध॒सा ।  
 गो॒षा॒म॒ण्वे॑षु॒ स॒श्चि॒म ॥ १.०१६.०२  
 अ॒न॒स॒म॒प्सु॑ दु॒ष्ट॒रं॒ सोमं॑ प॒वि॒त्र॒ आ॒ सृ॒ज ।

पुनीहीन्द्राय पातवे ॥ १.०१६.०३  
 प्र पुनानस्य चेतसा सोमः पवित्रे अर्षति ।  
 ऋत्वा सधस्थमासदत् ॥ १.०१६.०४  
 प्र त्वा नमोभिरिन्दव इन्द्र सोमा असृक्षत ।  
 महे भराय कारिणः ॥ १.०१६.०५  
 पुनानो रूपे अव्यये विश्वा अर्षन्नभि श्रियः ।  
 शूरो न गोषु तिष्ठति ॥ १.०१६.०६  
 दिवो न सानु पिप्युषी धारा सुतस्य वेधसः ।  
 वृथा पवित्रे अर्षति ॥ १.०१६.०७  
 त्वं सोम विपश्चितं तना पुनान आयुषु ।  
 अव्यो वारं वि धावसि ॥ १.०१६.०८  
 प्र निम्नेनेव सिन्धवो घ्नन्तो वृत्राणि भूर्णयः ।  
 सोमा असृग्रमाशवः ॥ १.०१७.०१  
 अभि सुवानास इन्दवो वृष्टयः पृथिवीमिव ।  
 इन्द्रं सोमासो अक्षरन् ॥ १.०१७.०२  
 अत्यूर्मिर्मत्सरो मदः सोमः पवित्रे अर्षति ।  
 विघ्नन्नक्षांसि देवयुः ॥ १.०१७.०३  
 आ कलशेषु धावति पवित्रे परि पिच्यते ।  
 उक्थैर्यज्ञेषु वर्धते ॥ १.०१७.०४  
 अति त्री सोम रोचना रोहन्न भ्राजसे दिवम् ।  
 इष्णन्सूर्यं न चोदयः ॥ १.०१७.०५  
 अभि विप्रा अनूपत मूर्धन्यज्ञस्य कारवः ।  
 दधानाश्चक्षसि प्रियम् ॥ १.०१७.०६  
 तमु त्वा वाजिनं नरो धीभिर्विप्रा अवस्यवः ।  
 मृजन्ति देवतातये ॥ १.०१७.०७  
 मधोर्धारामनु क्षर तीव्रः सधस्थमासदः ।

चारु॑ऋ॒ताय॑ पी॒तये॑ ॥ ९.०१७.०८  
 परि॑ सु॒वानो॑ गिरि॒ष्ठाः प॒वित्रे॑ सोमो॑ अक्षाः ।  
 म॒देषु॑ सर्व॒धा अ॑सि ॥ ९.०१८.०१  
 त्वं वि॒प्र॒स्त्वं क॒वि॒र्मधु॑ प्र॒ जा॒तम॒न्धसः॑ ।  
 म॒देषु॑ सर्व॒धा अ॑सि ॥ ९.०१८.०२  
 तव॑ वि॒श्वे स॒जोष॑सो दे॒वासः पी॑तिमा॒शत॑ ।  
 म॒देषु॑ सर्व॒धा अ॑सि ॥ ९.०१८.०३  
 आ यो॑ वि॒श्वानि॑ वार्या॒ वसू॑नि ह॒स्तयो॑र्दधे ।  
 म॒देषु॑ सर्व॒धा अ॑सि ॥ ९.०१८.०४  
 य इ॒मे रो॑दसी॒ मही॑ सं मा॒तरे॑व दो॒हते॑ ।  
 म॒देषु॑ सर्व॒धा अ॑सि ॥ ९.०१८.०५  
 परि॑ यो रो॑दसी उ॒भे स॒द्यो वा॒जेभि॑रर्षति ।  
 म॒देषु॑ सर्व॒धा अ॑सि ॥ ९.०१८.०६  
 स शु॒ष्मी क॒लशे॑ष्वा पु॒नानो॑ अ॒चि॒क्रदत् ।  
 म॒देषु॑ सर्व॒धा अ॑सि ॥ ९.०१८.०७  
 यत्सो॑म चि॒त्रमु॒क्थ्य दि॒व्यं पा॒थि॒वं वसु॑ ।  
 तन्नः॑ पु॒नान॑ आ भर ॥ ९.०१९.०१  
 यु॒वं हि स्थः॑ स्व॒र्पती॑ इन्द्रश्च॒ सोम॑ गो॒पती॑ ।  
 ई॒शाना॑ पि॒प्यतं॑ धियः ॥ ९.०१९.०२  
 वृषा॑ पु॒नान॑ आ॒युषु॑ स्त॒नय॑न्नधि॒ ब॒र्हिषि॑ ।  
 हरिः॑ स॒न्योनि॑मा॒सदत् ॥ ९.०१९.०३  
 अवा॑वशन्त॒ धी॒तयो॑ वृष॒भस्या॑धि॒ रेत॑सि ।  
 सू॒नोर्व॑त्सस्य॒ मा॒तरः ॥ ९.०१९.०४  
 कु॒वि॒द्वृष॑ण्यन्ती॒भ्यः पु॒नानो॑ गर्भ॒मा॒दधत् ।  
 याः शु॒क्रं दु॑हते॒ पयः॑ ॥ ९.०१९.०५  
 उप॑ शि॒क्षाप॑त॒स्थुषो॑ भि॒यस॑मा॒ धेहि॑ शत्रुषु ।

पवमान॑ वि॒दा र॒यिम् ॥ १.०१९.०६  
 नि शत्रोः॑ सोम॑ वृष्ण्यं॑ नि शुष्मं॑ नि वयस्तिर ।  
 दूरे॑ वा स॒तो अ॒न्ति वा ॥ १.०१९.०७  
 प्र क॒विर्दे॒ववी॑तयेऽव्यो॑ वारेभिरर्षति ।  
 साह्वा॑न्वि॒श्वा अ॒भि स्पृ॑धः ॥ १.०२०.०१  
 स हि ष्मा॑ ज॒रितृ॑भ्य आ वाजं॑ गोमन्तमिन्वति ।  
 पवमानः॑ सह॒स्त्रिण॑म् ॥ १.०२०.०२  
 परि॑ वि॒श्वानि॑ चेतसा॒ मृश॑से पवसे॒ मती ।  
 स नः॑ सोम॑ श्रवो॒ विदः ॥ १.०२०.०३  
 अ॒भ्यर्ष॑ बृहद्यशो॒ मघ॑वद्भ्यो ध्रुवं॒ रयि॑म् ।  
 इषं॑ स्तोतृ॒भ्य आ भर ॥ १.०२०.०४  
 त्वं राजे॑व सु॒व्रतो॑ गिरः॒ सोमा॑ विवेशिथ ।  
 पु॒नानो॑ वह्ने अद्भुत ॥ १.०२०.०५  
 स वहि॑रप्सु दुष्टरो॒ मृज्य॑मानो॒ गभ॑स्त्योः ।  
 सोम॑श्चमूषु॒ सीद॑ति ॥ १.०२०.०६  
 क्री॒ळ्मखो॑ न मंहयुः पवित्रं॑ सोम गच्छसि ।  
 दध॑त्स्तो॒त्रे सु॒वीर्य॑म् ॥ १.०२०.०७  
 ए॒ते धा॑वन्ती॒न्दवः॑ सोमा॒ इन्द्रा॑य घृष्वयः ।  
 म॒त्स॒रासः॑ स्वर्विदः ॥ १.०२१.०१  
 प्रवृ॑ष्वन्तो॒ अभि॑युजः सुष्वये वरिवो॒विदः ।  
 स्वयं॑ स्तो॒त्रे वय॑स्कृतः ॥ १.०२१.०२  
 वृथा॑ क्रीळन्त इ॒न्दवः॑ स॒धस्थ॑म॒भ्येक॑मि॒त् ।  
 सि॒न्धो॒रूर्मा॑ व्यक्षरन् ॥ १.०२१.०३  
 ए॒ते वि॒श्वानि॑ वार्या॒ पव॑मानास आशत ।  
 हि॒ता न स॑सयो रथे ॥ १.०२१.०४  
 आ॒स्मिन्पि॒शङ्ग॑मि॒न्दवो॑ दधा॒ता वे॒नमा॑दिशे ।



यो अ॒स्मभ्य॒मरा॑वा ॥ १.०२१.०५  
 ऋ॒भुर्न रथ्यं॑ नवं॑ दधा॑ता के॒तमा॑दि॒शे ।  
 शु॒क्राः प॑वध्व॒मर्णा॑सा ॥ १.०२१.०६  
 ए॒त उ॒ त्ये अ॑वीव॒शन्का॑ष्ठा वा॒जिनो॑ अ॒क्रत ।  
 स॒तः प्रा॑सा॒विषु॑र्म॒तिम् ॥ १.०२१.०७  
 ए॒ते सो॑मा॒स आ॑श॒वो रथा॑ इ॒व प्र वा॑जिनः ।  
 सर्गाः॑ सु॒ष्टा अ॑हेष॒त ॥ १.०२२.०१  
 ए॒ते वा॑ता इ॒वोर॑वः प॒र्जन्य॑स्येव वृ॒ष्टयः॑ ।  
 अ॒ग्नेरि॑व भ्र॒मा वृ॑था ॥ १.०२२.०२  
 ए॒ते पू॒ता वि॑प॒श्चितः॑ सो॒मासो॑ द॒ध्याशि॑रः ।  
 वि॒पा व्या॑नशु॒र्धियः॑ ॥ १.०२२.०३  
 ए॒ते मृ॒ष्टा अ॑म॒र्त्याः स॑सृ॒वांसो॑ न श॒श्रमुः॑ ।  
 इ॒यक्ष॑न्तः प॒थो र॑जः ॥ १.०२२.०४  
 ए॒ते पृ॒ष्ठानि॑ रो॒दसो॑र्वि॒प्रय॑न्तो व्या॒नशुः॑ ।  
 उ॒तेद॑मु॒त्तमं॑ र॒जः ॥ १.०२२.०५  
 तन्तुं॑ त॒न्वान॑मु॒त्तम॑मनु प्र॒वत॑ आ॒शत ।  
 उ॒तेद॑मु॒त्तमा॑य्यम् ॥ १.०२२.०६  
 त्वं सो॑म प॒णिभ्य॑ आ वसु॒ गव्या॑नि धा॒रयः॑ ।  
 ततं॑ तन्तु॒मचि॑क्र॒दः ॥ १.०२२.०७  
 सो॒मा अ॑सृ॒ग्रमा॑श॒वो म॒धोर्म॑द॒स्य धा॑रया ।  
 अ॒भि वि॑श्वानि॒ काव्या॑ ॥ १.०२३.०१  
 अनु॑ प्र॒त्नास॑ आ॒यवः॑ प॒दं न॑वीयो अ॒क्रमुः॑ ।  
 रु॒चे ज॑नन्त॒ सूर्य॑म् ॥ १.०२३.०२  
 आ प॑व॒मान॑ नो भ॒रार्यो॑ अ॒दाशु॑षो ग॒यम् ।  
 कृ॒धि प्र॑जा॒वती॑रिषः ॥ १.०२३.०३  
 अ॒भि सो॑मा॒स आ॑यवः प॒वन्ते॑ म॒द्यं म॑दम् ।

अ॒भि॒ को॒शं॑ मधु॒श्चु॒तम् ॥ १.०२३.०४  
 सोमो॑ अ॒र्षति॑ ध॒र्ण॒सि॒र्द॒धान॑ इन्द्रि॒यं र॒सम् ।  
 सु॒वी॒रो अ॒भि॒श॒स्ति॒पाः ॥ १.०२३.०५  
 इन्द्रा॑य सोम पवसे दे॒वेभ्यः॑ स॒ध॒मा॒द्यः ।  
 इन्द्रो॑ वाजं॑ सि॒षास॑सि ॥ १.०२३.०६  
 अ॒स्य पी॒त्वा म॒दाना॑मिन्द्रो॑ वृ॒त्राण्य॑प्रति ।  
 ज॒घान॑ ज॒घन॑च्च नु ॥ १.०२३.०७  
 प्र सोमा॑सो अध॒न्विषुः॑ पव॒माना॑स इन्द्र॒वः ।  
 श्री॒णा॒ना अ॒प्सु मृ॒ञ्जत ॥ १.०२४.०१  
 अ॒भि गा॒वो अध॒न्विषु॑रापो न प्र॒वता॑ य॒तीः ।  
 पु॒ना॒ना इन्द्र॑माशत ॥ १.०२४.०२  
 प्र पव॑मान ध॒न्वसि॑ सोमेन्द्रा॒य पा॒तवे॑ ।  
 नृ॒भि॒र्यतो॑ वि नी॒यसे ॥ १.०२४.०३  
 त्वं सोम॑ नृ॒माद॑नः पव॒स्व च॑र्षणी॒सहे॑ ।  
 स॒स्त्रि॒र्यो अनु॑माद्यः ॥ १.०२४.०४  
 इन्द्रो॑ यद॒द्रिभिः॑ सु॒तः प॒वित्रं॑ परि॒धाव॑सि ।  
 अ॒रमिन्द्र॑स्य धा॒म्ने ॥ १.०२४.०५  
 पव॑स्व वृ॒त्रह॑न्तमो॒क्थेभि॑रनु॒माद्यः॑ ।  
 शु॒चिः पा॒वको॑ अ॒द्भुतः॑ ॥ १.०२४.०६  
 शु॒चिः पा॒वक॑ उच्यते सोमः सु॒तस्य॑ मध्वः ।  
 दे॒वा॒वी॒र॒घशं॑सहा ॥ १.०२४.०७  
 पव॑स्व दक्ष॒साध॑नो दे॒वेभ्यः॑ पी॒तये॑ ह॒रे ।  
 म॒रु॒द्भ्यो वा॒यवे॑ म॒दः ॥ १.०२५.०१  
 पव॑मान धि॒या हि॒तो॒ऽभि योनिं॑ क॒निक्र॑दत् ।  
 ध॒र्मणा॑ वा॒युमा॑ विश ॥ १.०२५.०२  
 सं दे॒वैः शो॑भते वृषा॑ क॒विर्यो॑ना॒वधि॑ प्रि॒यः ।

वृत्रहा देववीतमः ॥ १.०२५.०३  
 विश्वा रूपाण्याविशन्पुनानो याति हर्यतः ।  
 यत्रामृतास आसते ॥ १.०२५.०४  
 अरुषो जनयन्गिरः सोमः पवत आयुषक् ।  
 इन्द्रं गच्छन्कविक्रतुः ॥ १.०२५.०५  
 आ पवस्व मदिन्तम पवित्रं धारया कवे ।  
 अर्कस्य योनिमासदम् ॥ १.०२५.०६  
 तममृक्षन्त वाजिनमुपस्थे अदितेरधि ।  
 विप्रासो अण्व्या धिया ॥ १.०२६.०१  
 तं गावो अभ्यनूषत सहस्रधारमक्षितम् ।  
 इन्दु धर्तारमा दिवः ॥ १.०२६.०२  
 तं वेधां मेधयाह्यन्पवमानमधि द्यवि ।  
 धर्णसिं भूरिधायसम् ॥ १.०२६.०३  
 तमह्यन्भुरिजोर्धिया संवसानं विवस्वतः ।  
 पतिं वाचो अदाभ्यम् ॥ १.०२६.०४  
 तं सानावधि जामयो हरिं हिन्वन्त्यद्रिभिः ।  
 हर्यतं भूरिचक्षसम् ॥ १.०२६.०५  
 तं त्वा हिन्वन्ति वेधसः पवमान गिरावृधम् ।  
 इन्द्रविन्द्राय मत्सरम् ॥ १.०२६.०६  
 एष कविरभिष्टुतः पवित्रे अधि तोशते ।  
 पुनानो घन्नप स्त्रिधः ॥ १.०२७.०१  
 एष इन्द्राय वायवे स्वर्जित्परि पिच्यते ।  
 पवित्रे दक्षसाधनः ॥ १.०२७.०२  
 एष नृभिर्वि नीयते दिवो मूर्धा वृषा सुतः ।  
 सोमो वनेषु विश्ववित् ॥ १.०२७.०३  
 एष गव्युरचिक्रदत्पवमानो हिरण्ययुः ।

इ॒न्दुः स॒त्रा॒जि॒दस्तु॑तः ॥ १.०२७.०४  
 ए॒ष सू॒र्येण॑ हा॒सते॑ प॒वमा॒नो अ॒धि द्यवि॑ ।  
 प॒वि॒त्रे म॒त्सरो॑ म॒दः ॥ १.०२७.०५  
 ए॒ष शु॒ष्यसि॒ष्यद॒न्तरि॑क्षे वृ॒षा हरिः॑ ।  
 पु॒ना॒न इ॒न्दुरि॒न्द्रमा ॥ १.०२७.०६  
 ए॒ष वा॒जी हि॒तो नृ॒भिर्वि॑श्ववि॒न्मन॑स॒स्पतिः॑ ।  
 अ॒व्यो वा॒रं वि॑ धावति ॥ १.०२८.०१  
 ए॒ष प॒वि॒त्रे अ॒क्षर॑त्सोमो॒ देवे॒भ्यः सु॒तः ।  
 विश्वा॑ धा॒मान्या॒विश॑न् ॥ १.०२८.०२  
 ए॒ष दे॒वः शु॒भाय॑तेऽधि॒ योना॑वम॒र्त्यः ।  
 वृ॒त्रहा॑ दे॒ववी॑तमः ॥ १.०२८.०३  
 ए॒ष वृ॒षा क॒निक्र॑दद्द॒शभि॑र्जा॒मिभि॑र्यतः ।  
 अ॒भि द्रो॑णानि धावति ॥ १.०२८.०४  
 ए॒ष सू॒र्यम॑रोच॒यत्प॑व॒मानो॒ विच॑र्षणिः ।  
 विश्वा॑ धा॒मानि॒ विश्व॑वित् ॥ १.०२८.०५  
 ए॒ष शु॒ष्यदा॑भ्यः सोमः पु॒नानो॑ अ॒र्षति॑ ।  
 दे॒वावी॑रघ॒शंस॑हा ॥ १.०२८.०६  
 प्रा॒स्य धा॒रा अ॒क्षर॑न्वृ॒ष्णः सु॒तस्यो॑जसा ।  
 दे॒वाँ अ॒नु प्र॒भूष॑तः ॥ १.०२९.०१  
 स॒प्तिं मृ॑जन्ति वे॒धसो॑ गृ॒णन्तः का॑र॒वा गि॒रा ।  
 ज्योति॑र्ज॒ज्ञान॑मुक्थ्यम् ॥ १.०२९.०२  
 सु॒षहा॑ सोम॒ तानि॑ ते पु॒नाना॑य प्र॒भूव॑सो ।  
 व॒धा॑ स॒मुद्र॑मुक्थ्यम् ॥ १.०२९.०३  
 विश्वा॑ व॒सूनि॑ सं॒जय॑न्प॒वस्व॑ सोम॒ धार॑या ।  
 इ॒नु द्वे॑षा॒सि स॒ध्र्यक् ॥ १.०२९.०४  
 र॒क्षा सु॒ नो अ॑ररुषः स्व॒नात्स॑मस्य॒ कस्य॑ चित् ।

नि॒दो यत्र॑ मु॒मु॒च॒महे॑ ॥ १.०२१.०५  
ए॒न्दो पा॑रि॒थिवं॑ र॒यिं दि॒व्यं प॑व॒स्व धा॑रया ।  
द्यु॒मन्तं॑ शु॒ष्ममा॑ भर ॥ १.०२१.०६  
प्र धा॑रा अ॒स्य शु॒ष्मिणो॑ वृ॒था प॑वि॒त्रे अ॒क्षर॑न् ।  
पु॒नानो॑ वाच॒मिष्य॑ति ॥ १.०३०.०१  
इ॒न्दुर्हि॑यानः सो॒तृभि॑र्मु॒ज्यमा॑नः क॒निक्र॑दत् ।  
इ॒यति॑ व॒भ्रुमि॑न्द्रि॒यम् ॥ १.०३०.०२  
आ नः॑ शु॒ष्मं नृ॑षा॒ह्य वी॑र॒वन्तं॑ पु॒रुस्पृ॑हम् ।  
प॑व॒स्व सो॑म धा॒रया ॥ १.०३०.०३  
प्र सो॑मो अ॒ति धा॑रया प॒वमा॑नो अ॒सिष्य॑दत् ।  
अ॒भि द्रो॑णा॒न्यास॑दम् ॥ १.०३०.०४  
अ॒प्सु त्वा॑ म॒धुम॑त्त॒मं हरि॑ हि॒न्वन्त्या॑द्रि॒भिः ।  
इ॒न्द्रवि॑न्द्राय पी॒तये ॥ १.०३०.०५  
सु॒नोता॑ म॒धुम॑त्त॒मं सो॑म॒मिन्द्रा॑य व॒ज्रिणे॑ ।  
चा॒रुं श॑र्धाय म॒त्सर॑म् ॥ १.०३०.०६  
प्र सो॑मा॒सः स्वा॑ध्य॒ः प॑व॒माना॑सो अ॒क्रमुः॑ ।  
र॒यिं कृ॑ण्वन्ति॒ चेत॑नम् ॥ १.०३१.०१  
दि॒वस्पृ॑थि॒व्या अ॒धि भ॑व॒न्दो द्यु॑म॒वर्ध॑नः ।  
भ॒वा वा॑जा॒नां प॑तिः ॥ १.०३१.०२  
तु॒भ्यं वा॑ता अ॒भिप्रि॑यस्तु॒भ्यम॑र्षन्ति॒ सिन्ध॑वः ।  
सो॑म॒ वर्ध॑न्ति॒ ते महः॑ ॥ १.०३१.०३  
आ प्या॑य॒स्व स॑मे॒तु ते॑ वि॒श्वतः॑ सो॒म वृ॑ष्ण्यम् ।  
भ॒वा वा॑ज॒स्य सं॑ग॒थे ॥ १.०३१.०४  
तु॒भ्यं गा॑वो घृ॒तं प॑यो ब॒भ्रौ दु॑दु॒हे अ॑क्षि॒तम् ।  
व॒षिष्ठे॑ अ॒धि सा॑न॒वि ॥ १.०३१.०५  
स्वा॒युध॑स्य॒ ते स॒तो भु॑व॒नस्य॑ प॒ते व॑यम् ।

इन्द्रो॑ सखि॒त्वमु॑श्मसि ॥ ९.०३१.०६  
 प्र सोमा॑सो म॒दच्यु॑तः श्रव॑से नो म॒घोनः॑ ।  
 सु॒ता वि॑दथे अ॒क्रमुः ॥ ९.०३२.०१  
 आदी॑ त्रि॒तस्य॑ योष॒णो हरि॑ हि॒न्वन्त्य॑द्विभिः ।  
 इन्द्रु॑मिन्द्राय पी॒तये ॥ ९.०३२.०२  
 आदी॑ हंसो॒ यथा॑ ग॒णं विश्व॑स्यावीवशन्मतिम् ।  
 अत्यो॑ न गोभिरज्यते ॥ ९.०३२.०३  
 उ॒भे सो॑माव॒चाक॑शन्मु॒गो न त॒क्तो अ॑र्षसि ।  
 सीद॑न्नृतस्य योनि॒मा ॥ ९.०३२.०४  
 अ॒भि गा॑वो अनू॒षत॑ योषा॒ जार॑मिव प्रियम् ।  
 अ॒गत्रा॑जिं यथा हि॒तम् ॥ ९.०३२.०५  
 अ॒स्मे धे॑हि द्युमद्य॒शो म॑घव॒ञ्चश्च॑ मह्यं च ।  
 स॒निं मे॑धामु॒त श्रवः॑ ॥ ९.०३२.०६  
 प्र सोमा॑सो वि॒पश्चितो॑ऽपां न य॒न्त्यूर्मयः॑ ।  
 वना॑नि म॒हिषा॑ इव ॥ ९.०३३.०१  
 अ॒भि द्रो॑णानि ब॒भ्रवः॑ शु॒क्रा ऋ॑तस्य धारया ।  
 वाजं॑ गोमन्तमक्षरन् ॥ ९.०३३.०२  
 सु॒ता इन्द्राय॑ वा॒यवे॑ वरु॒णाय॑ म॒रुद्भ्यः॑ ।  
 सोमा॑ अर्षन्ति विष्णवे ॥ ९.०३३.०३  
 तिस्रो॑ वाच उदीरते गा॒वो मि॑मन्ति धे॒नवः॑ ।  
 हरि॑रिति क॒निक्र॑दत् ॥ ९.०३३.०४  
 अ॒भि ब्र॑ह्मीरनू॒षत॑ य॒ह्वीर्ऋ॑तस्य मा॒तरः॑ ।  
 म॒र्म॒ज्यन्ते॑ दि॒वः शि॑शुम् ॥ ९.०३३.०५  
 रा॒यः स॒मुद्राँश्च॑तुरोऽस्मभ्यं सोम वि॒श्वतः॑ ।  
 आ॑ पवस्व स॒हस्रि॑णः ॥ ९.०३३.०६  
 प्र सु॒वानो॑ धारया॒ तनेन्द्रु॑र्हि॒न्वानो॑ अर्षति ।

रुजद्वृष्हा व्योजसा ॥ १.०३४.०१  
 सुत इन्द्राय वायवे वरुणाय मरुद्भ्यः ।  
 सोमो अर्षति विष्णवे ॥ १.०३४.०२  
 वृषाणं वृषभिर्यतं सुन्वन्ति सोममद्रिभिः ।  
 दुहन्ति शकम्ना पयः ॥ १.०३४.०३  
 भुवन्नितस्य मर्ज्यो भुवदिन्द्राय मत्सरः ।  
 सं रूपैरज्यते हरिः ॥ १.०३४.०४  
 अभीमृतस्य विष्टपं दुहते पृश्निमातरः ।  
 चारु प्रियतमं हविः ॥ १.०३४.०५  
 समेनमहुता इमा गिरो अर्षन्ति सस्रुतः ।  
 धेनूर्वाश्रो अवीवशत् ॥ १.०३४.०६  
 आ नः पवस्व धारया पवमान रयिं पृथुम् ।  
 यया ज्योतिर्विदासि नः ॥ १.०३५.०१  
 इन्दो समुद्रमीङ्क्ष्वय पवस्व विश्वमेजय ।  
 रायो धर्ता न ओजसा ॥ १.०३५.०२  
 त्वया वीरेण वीरवोऽभि प्याम पृतन्यतः ।  
 क्षरा णो अभि वार्यम् ॥ १.०३५.०३  
 प्र वाजमिन्दुरिष्यति सिषासन्वाजसा ऋषिः ।  
 व्रता विदान आयुधा ॥ १.०३५.०४  
 तं गीर्भिर्वाचमीङ्क्ष्वयं पुनानं वासयामसि ।  
 सोमं जनस्य गोपतिम् ॥ १.०३५.०५  
 विश्वो यस्य व्रते जनो दाधार धर्मणस्पतेः ।  
 पुनानस्य प्रभूवसोः ॥ १.०३५.०६  
 असर्जि रथ्यो यथा पवित्रे चम्बोः सुतः ।  
 कार्ष्मन्वाजी न्यक्रमीत् ॥ १.०३६.०१  
 स वह्निः सोम जागृविः पवस्व देववीरति ।

अ॒भि॒ को॒शं॑ मधु॒श्चु॒तम् ॥ १.०३६.०२  
 स॒ नो॒ ज्यो॒ती॒षि॒ पू॒र्व्यं॑ पव॒मान॒ वि॒ रो॒चय॑ ।  
 ऋ॒त्वे॒ द॒क्षाय॑ नो॒ हि॒नु ॥ १.०३६.०३  
 शु॒म्भ॒मा॒न॒ ऋ॒ता॒यु॒भि॒र्मृ॒ज्य॒मा॒नो॒ ग॒भ॒स्त्योः॑ ।  
 प॒व॒ते॒ वारे॑ अ॒व्यये॑ ॥ १.०३६.०४  
 स॒ विश्वा॑ दा॒शु॒षे॒ वसु॑ सोमो॒ दि॒व्या॒नि॒ पा॒थि॒वा ।  
 प॒व॒ता॒मा॒न्त॒रि॒क्ष्या ॥ १.०३६.०५  
 आ॒ दि॒व॒स्पृ॒ष्ठम॑श्च॒यु॒ग॒व्य॒युः॑ सोम॒ रो॒ह॒सि॑ ।  
 वी॒र॒युः॑ श॒व॒स॒स्प॒ते ॥ १.०३६.०६  
 स॒ सु॒तः॑ पी॒तये॑ वृषा॒ सोमः॑ प॒वि॒त्रे॑ अ॒र्ष॒ति॑ ।  
 वि॒घ्न॒त्र॒क्षा॑सि॒ दे॒व॒युः ॥ १.०३७.०१  
 स॒ प॒वि॒त्रे॑ वि॒च॒क्ष॒णो॒ हरि॑र॒र्ष॒ति॒ ध॒र्णा॑सिः ।  
 अ॒भि॒ यो॒निं॑ क॒नि॒ऋ॒दत् ॥ १.०३७.०२  
 स॒ वा॒जी॒ रो॒च॒ना॒ दि॒वः॑ प॒व॒मा॒नो॒ वि॒ धा॑वति ।  
 र॒क्षो॒हा॒ वार॑म॒व्य॒यम् ॥ १.०३७.०३  
 स॒ त्रि॒त॒स्या॒धि॒ सा॒न॒वि॒ प॒व॒मा॒नो॒ अ॒रो॒च॒यत् ।  
 जा॒मि॒भिः॑ सू॒र्यं॑ स॒ह ॥ १.०३७.०४  
 स॒ वृ॒त्र॒हा॒ वृषा॑ सु॒तो॒ व॒रि॒वो॒वि॒द॒दा॒भ्यः॑ ।  
 सोमो॒ वा॒ज॒मि॒वा॒सर॑त् ॥ १.०३७.०५  
 स॒ दे॒वः॑ क॒वि॒ने॒षि॒तो॒ऽभि॑ द्रो॒णा॒नि॒ धा॑वति ।  
 इ॒न्दु॒रि॒न्द्रा॒य॒ मं॒ह॒ना ॥ १.०३७.०६  
 ए॒ष उ॒ स्य॑ वृषा॒ रथो॑ऽव्यो॒ वारे॑भि॒र॒र्ष॒ति॑ ।  
 ग॒च्छ॒न्वा॒जं॑ स॒ह॒स्रि॒णम् ॥ १.०३८.०१  
 ए॒तं त्रि॒त॒स्य॑ योष॒णो॒ हरिं॑ हि॒न्व॒न्त्य॒द्रि॒भिः॑ ।  
 इ॒न्दु॒मि॒न्द्रा॒य॒ पी॒तये॑ ॥ १.०३८.०२  
 ए॒तं त्वां॑ ह॒रि॒तो॒ दश॑ म॒र्मृ॒ज्य॒न्ते॒ अ॒प॒स्यु॒वः॑ ।



याभिर्मदाय शुम्भते ॥ १.०३८.०३  
एष स्य मानुषीष्वा श्येनो न विक्षु सीदति ।  
गच्छञ्जारो न योषितम् ॥ १.०३८.०४  
एष स्य मद्यो रसोऽव चष्टे दिवः शिशुः ।  
य इन्दुर्वारमाविशत् ॥ १.०३८.०५  
एष स्य पीतये सुतो हरिरर्षति धर्णसिः ।  
ऋन्दन्योनिमभि प्रियम् ॥ १.०३८.०६  
आशुर्ष बृहन्मते परि प्रियेण धाम्ना ।  
यत्र देवा इति ब्रवन् ॥ १.०३९.०१  
परिष्कृण्वन्ननिष्कृतं जनाय यातयन्निषः ।  
वृष्टिं दिवः परि स्रव ॥ १.०३९.०२  
सुत एति पवित्र आ त्विषिं दधान ओजसा ।  
विचक्षाणो विरोचयन् ॥ १.०३९.०३  
अयं स यो दिवस्परि रघुयामा पवित्र आ ।  
सिन्धोरूर्मा व्यक्षरत् ॥ १.०३९.०४  
आविवासम्परावतो अथो अर्वावतः सुतः ।  
इन्द्राय सिच्यते मधु ॥ १.०३९.०५  
समीचीना अनूषत हरिं हिन्वन्त्यद्रिभिः ।  
योनावृतस्य सीदत ॥ १.०३९.०६  
पुनानो अक्रमीदभि विश्वा मृधो विचर्षणिः ।  
शुम्भन्ति विप्रं धीतिभिः ॥ १.०४०.०१  
आ योनिमरुणो रुहद्गमदिन्द्रं वृषा सुतः ।  
ध्रुवे सदसि सीदति ॥ १.०४०.०२  
नू नो रयिं महामिन्दोऽस्मभ्यं सोम विश्वतः ।  
आ पवस्व सहस्रिणम् ॥ १.०४०.०३  
विश्वा सोम पवमान द्युम्नानीन्दवा भर ।

वि॒दाः स॒हस्रिणी॑रिषः ॥ १.०४०.०४  
स नः पु॒नान॑ आ भर॒ रयिं॑ स्तो॒त्रे सु॒वीर्य॑म् ।  
ज॒रितु॑र्व॒र्धया॑ गिरः ॥ १.०४०.०५  
पु॒नान॑ इ॒न्दवा॑ भर॒ सोम॑ द्वि॒बर्ह॑सं रयिम् ।  
वृष॑न्नि॒न्दो न उ॒क्थ्य॑म् ॥ १.०४०.०६  
प्र ये गा॒वो न भूर्ण॑यस्त्वेषा अ॒यासो॑ अ॒क्रमुः॑ ।  
घ्नन्तः॑ कृ॒ष्णाम॑प॒ त्वच॑म् ॥ १.०४१.०१  
सु॒वि॒तस्य॑ म॒नाम॑हेऽति॒ सेतु॑ दुरा॒व्यम् ।  
सा॒ह्वांसो॑ दस्युम॒व्रत॑म् ॥ १.०४१.०२  
शृ॒ण्वे वृ॒ष्टेरि॑व॒ स्वनः॑ पव॒मान॑स्य शु॒ष्मिणः॑ ।  
चर॑न्ति वि॒द्युतो॑ दि॒वि ॥ १.०४१.०३  
आ प॑वस्व म॒हीमि॑षं गोमदि॒न्दो हि॑रण्यवत् ।  
अ॒श्वव॑द्वाजवत्सुतः ॥ १.०४१.०४  
स प॑वस्व विच॒र्षण॑ आ म॒ही रो॑दसी पृण ।  
उ॒षाः सूर्यो॑ न र॒श्मिभिः॑ ॥ १.०४१.०५  
परि॑ णः शर्म॒यन्त्या॑ धारया सोम वि॒श्वतः॑ ।  
सरा॑ र॒सेव॑ वि॒ष्टप॑म् ॥ १.०४१.०६  
ज॒नय॑न्नो॒चना॑ दि॒वो ज॒नय॑न्न॒प्सु सूर्य॑म् ।  
व॒सानो॑ गा अ॒पो हरिः॑ ॥ १.०४२.०१  
ए॒ष प्र॒त्नेन॑ म॒न्मना॑ दे॒वो दे॒वेभ्य॑स्प॒रि ।  
धा॒रया॑ पवते सु॒तः ॥ १.०४२.०२  
वा॒वृधा॑नाय॒ तूर्व॑ये पव॒न्ते वा॑जसातये ।  
सोमाः॑ स॒हस्र॑पाजसः ॥ १.०४२.०३  
दु॒हानः॑ प्र॒त्नमित्प॑यः प॒वित्रे॑ परि॒ षिच्य॑ते ।  
ऋ॒न्द॒न्देवाँ॑ अजीजनत् ॥ १.०४२.०४  
अ॒भि वि॒श्वानि॑ वा॒र्याभि॑ दे॒वाँ ऋ॒तावृ॑धः ।

सोमः पुनानो अर्षति ॥ १.०४२.०५  
गोमन्नः सोम वीरवदश्ववद्वाजवत्सुतः ।  
पवस्व बृहतीरिषः ॥ १.०४२.०६  
यो अत्य इव मृज्यते गोभिर्मदाय हर्यतः ।  
तं गीर्भिर्वासयामसि ॥ १.०४३.०१  
तं नो विश्वा अवस्युवो गिरः शुम्भन्ति पूर्वथा ।  
इन्दुमिन्द्राय पीतये ॥ १.०४३.०२  
पुनानो याति हर्यतः सोमो गीर्भिः परिष्कृतः ।  
विप्रस्य मेध्यातिथेः ॥ १.०४३.०३  
पवमान विदा रयिमस्मभ्य सोम सुश्रियम् ।  
इन्दो सहस्रवर्चसम् ॥ १.०४३.०४  
इन्दुरत्यो न वाजसृत्कनिक्रन्ति पवित्र आ ।  
यदक्षारति देवयुः ॥ १.०४३.०५  
पवस्व वाजसातये विप्रस्य गृणतो वृधे ।  
सोम रास्व सुवीर्यम् ॥ १.०४३.०६  
प्र ण इन्दो महे तन ऊर्मिं न बिभ्रदर्षसि ।  
अभि देवाँ अयास्यः ॥ १.०४४.०१  
मती जुष्टो धिया हितः सोमो हिन्वे परावति ।  
विप्रस्य धारया कविः ॥ १.०४४.०२  
अयं देवेषु जागृविः सुत एति पवित्र आ ।  
सोमो याति विचर्षणिः ॥ १.०४४.०३  
स नः पवस्व वाजयुश्चक्राणश्चारुमध्वरम् ।  
बर्हिष्माँ आ विवासति ॥ १.०४४.०४  
स नो भगाय वायवे विप्रवीरः सदावृधः ।  
सोमो देवेष्वा यमत् ॥ १.०४४.०५  
स नो अद्य वसुत्तये ऋतुविद्वातुवित्तमः ।

वाजं जेषि श्रवो बृहत् ॥ १.०४४.०६  
 स पवस्व मदाय कं नृचक्षा देववीतये ।  
 इन्द्रविन्द्राय पीतये ॥ १.०४५.०१  
 स नो अर्षाभि दूत्यं त्वमिन्द्राय तोशसे ।  
 देवान्सखिभ्य आ वरम् ॥ १.०४५.०२  
 उत त्वामरुणं वयं गोभिरञ्जो मदाय कम् ।  
 वि नो राये दुरो वृधि ॥ १.०४५.०३  
 अत्यू पवित्रमक्रमीद्वाजी धुरं न यामनि ।  
 इन्दुर्देवेषु पत्यते ॥ १.०४५.०४  
 समी सखायो अस्वरन्वने क्रीळन्तमत्यविम् ।  
 इन्दु नावा अनूषत ॥ १.०४५.०५  
 तया पवस्व धारया यया पीतो विचक्षसे ।  
 इन्दो स्तोत्रे सुवीर्यम् ॥ १.०४५.०६  
 असृग्रन्देववीतयेऽत्यासः कृत्व्या इव ।  
 क्षरन्तः पर्वतावृधः ॥ १.०४६.०१  
 परिष्कृतास इन्द्रवो योषेव पित्र्यावती ।  
 वायुं सोमा असृक्षत ॥ १.०४६.०२  
 एते सोमास इन्द्रवः प्रयस्वन्तश्चमू सुताः ।  
 इन्द्रं वर्धन्ति कर्मभिः ॥ १.०४६.०३  
 आ धावता सुहस्त्यः शुक्रा गृष्णीत मन्थिना ।  
 गोभिः श्रीणीत मत्सरम् ॥ १.०४६.०४  
 स पवस्व धनंजय प्रयन्ता राधसो महः ।  
 अस्मभ्यं सोम गातुवित् ॥ १.०४६.०५  
 एतं मृजन्ति मर्ज्यं पवमानं दश क्षिपः ।  
 इन्द्राय मत्सरं मदम् ॥ १.०४६.०६  
 अया सोमः सुकृत्यया महश्चिदभ्यवर्धत ।

म॒न्दान॑ उ॒द्वृषाय॑ते ॥ १.०४७.०१  
कृ॒तानी॑दस्य॒ कर्त्वा॑ चेत॒न्ते दस्यु॑तर्हणा ।  
ऋ॒णा च धृ॑ष्णुश्चयते ॥ १.०४७.०२  
आत्सोम॑ इन्द्रि॒यो रसो॑ वज्रः॒ सहस्र॑सा भुवत् ।  
उ॒क्थं यद॑स्य जायते ॥ १.०४७.०३  
स्वयं॑ क॒विवि॑ध॒र्तारि॑ वि॒प्राय॑ रत्नमिच्छति ।  
यदी॑ मर्मृ॒ज्यते धियः॑ ॥ १.०४७.०४  
सि॒षास॑तू रयी॒णां वाजे॑ष्व॒र्वता॑मिव ।  
भरेषु॑ जि॒ग्युषाम॑सि ॥ १.०४७.०५  
तं त्वा॑ नृ॒म्णानि॑ बिभ्र॒तं स॒धस्थेषु॑ म॒हो दि॒वः ।  
चारु॑ सु॒कृत्ये॑महे ॥ १.०४८.०१  
सं॒वृक्त॑धृष्णु॒मुक्थ्यं॑ म॒हाम॑हि॒व्रतं॑ म॒दम् ।  
श॒तं पुरो॑ रुरु॒क्षणि॑म् ॥ १.०४८.०२  
अत॑स्त्वा र॒यिम॑भि॒ राजानं॑ सु॒क्रतो॑ दि॒वः ।  
सु॒पर्णो॑ अ॒व्यधि॑र्भरत् ॥ १.०४८.०३  
विश्व॑स्मा॒ इत्स्व॑र्दृ॒शे सा॑धा॒रणं॑ र॒जस्तु॑रम् ।  
गो॒पामू॑तस्य॒ विर्भ॑रत् ॥ १.०४८.०४  
अधा॑ हि॒न्वान॑ इन्द्रि॒यं ज्यायो॑ महि॒त्वमा॑नशे ।  
अ॒भिष्टि॑कृद्वि॒चर्ष॑णिः ॥ १.०४८.०५  
पव॑स्व वृष्टि॒मा सु॒नोऽपामूर्मि॑ दि॒वस्प॑रि ।  
अ॒यक्ष्मा॑ बृ॒हती॑रिषः ॥ १.०४९.०१  
तया॑ पव॑स्व धार॒या यया॑ गाव॒ इहा॑गमन् ।  
ज॒न्यास॑ उप॒ नो गृ॑हम् ॥ १.०४९.०२  
घृ॒तं पव॑स्व धार॒या य॒ज्ञेषु॑ दे॒ववी॑तमः ।  
अ॒स्मभ्य॑ वृष्टि॒मा पव॑ ॥ १.०४९.०३  
स न॑ ऊ॒र्जे व्य॑व्यय॒ पवि॑त्रं धाव॒ धार॑या ।

दे॒वासः॑ शृ॒णव॑न्हि॒ कम् ॥ १.०४९.०४  
 पव॑मानो॒ असि॑ष्यद॒द्रक्षा॑स्य॒पज॑ङ्घनत् ।  
 प्र॒त्नव॑द्रोच॒यन्नुचः॑ ॥ १.०४९.०५  
 उ॒त्ते शु॑ष्मास॒ ईर॑ते॒ सिन्धो॑रू॒र्मेरि॑व॒ स्वनः॑ ।  
 वा॒णस्य॑ चोदया॒ पवि॑म् ॥ १.०५०.०१  
 प्र॒सवे॑ त॒ उदी॑रते॒ तिस्रो॑ वाचो॒ मख॑स्युवः ।  
 यद॒व्य ए॑षि॒ सान॑वि ॥ १.०५०.०२  
 अ॒व्यो वा॑रे॒ परि॑ प्रि॒यं हरि॑ं हि॒न्वन्त्य॑द्रिभिः ।  
 पव॑मानं॒ मधु॑श्चुतम् ॥ १.०५०.०३  
 आ॒ पव॑स्व मदि॒न्तम॑ पवि॒त्रं धा॑रया॒ कवे॑ ।  
 अ॒र्कस्य॑ योनि॒मास॑दम् ॥ १.०५०.०४  
 स॒ पव॑स्व मदि॒न्तम॑ गोभि॒रञ्जानो॑ अ॒क्तुभिः॑ ।  
 इ॒न्द्रवि॑न्द्राय॒ पीत॑ये ॥ १.०५०.०५  
 अ॒ध्वर्यो॑ अ॒द्रिभिः॑ सु॒तं सोमं॑ पवि॒त्र आ॑ सृ॒ज ।  
 पु॒नीही॑न्द्राय॒ पात॑वे ॥ १.०५१.०१  
 दि॒वः पी॑यूषमु॒त्तमं॑ सोम॒मिन्द्राय॑ व॒ज्रिणे॑ ।  
 सु॒नोता॑ मधु॒मत्त॑मम् ॥ १.०५१.०२  
 तव॑ त्य॒ इन्द्रो॑ अ॒न्धसो॑ दे॒वा मधो॑व्य॒श्रते॑ ।  
 पव॑मानस्य॒ मरु॑तः ॥ १.०५१.०३  
 त्वं हि॑ सोम॒ वर्ध॑यन्सुतो॒ मदा॑य॒ भूर्ण॑ये ।  
 वृष॑न्स्तो॒तार॑मू॒तये॑ ॥ १.०५१.०४  
 अ॒भ्यर्ष॑ वि॒चक्षण॑ पवि॒त्रं धा॑रया॒ सुतः॑ ।  
 अ॒भि वा॑जमु॒त श्रवः॑ ॥ १.०५१.०५  
 परि॑ द्यु॒क्षः स॒नद्र॑यि॒र्भर॑द्वाजं॒ नो अ॒न्धसा॑ ।  
 सु॒वानो॑ अ॒र्ष पवि॑त्र आ ॥ १.०५२.०१  
 तव॑ प्र॒त्नेभि॑रध्व॒भिर्व्यो॑ वा॒रे परि॑ प्रि॒यः ।

सहस्रधारो यात्तना ॥ १.०५२.०२  
चरुर्न यस्तमीङ्घ्र्येन्दो न दानमीङ्घ्रय ।  
वधैर्वधस्त्रवीङ्घ्रय ॥ १.०५२.०३  
नि शुष्ममिन्दवेषां पुरुहूत जनानाम् ।  
यो अस्माँ आदिदेशति ॥ १.०५२.०४  
शतं न इन्द ऊतिभिः सहस्रं वा शुचीनाम् ।  
पवस्व मंहयद्रयिः ॥ १.०५२.०५  
उत्ते शुष्मासो अस्थू रक्षो भिन्दन्तो अद्रिवः ।  
नुदस्व याः परिस्पृधः ॥ १.०५३.०१  
अया निजघ्निरोजसा रथसंगे धने हिते ।  
स्तवा अबिभ्युषा हृदा ॥ १.०५३.०२  
अस्य व्रतानि नाधृषे पवमानस्य दूढ्या ।  
रुज यस्त्वा पृतन्यति ॥ १.०५३.०३  
तं हिन्वन्ति मदच्युतं हरिं नदीषु वाजिनम् ।  
इन्दुमिन्द्राय मत्सरम् ॥ १.०५३.०४  
अस्य प्रत्नामनु द्युतं शुक्रं दुदुहे अहयः ।  
पयः सहस्रसामृषिम् ॥ १.०५४.०१  
अयं सूर्य इवोपदृगयं सरासि धावति ।  
सप्त प्रवत् आ दिवम् ॥ १.०५४.०२  
अयं विश्वानि तिष्ठति पुनानो भुवनोपरि ।  
सोमो देवो न सूर्यः ॥ १.०५४.०३  
परि णो देववीतये वाजाँ अर्षसि गोमतः ।  
पुनान इन्दविन्द्रयुः ॥ १.०५४.०४  
यवयवं नो अन्धसा पुष्टम्पुष्टं परि स्रव ।  
सोम विश्वा च सौभगा ॥ १.०५५.०१  
इन्दो यथा तव स्तवो यथा ते जातमन्धसः ।

नि ब॒र्हिषि॑ प्रि॒ये स॒दः ॥ १.०५५.०२  
उ॒त नो॑ गो॒विद॑श्च॒वित्प॑व॒स्व सो॒मान्ध॑सा ।  
म॒क्षूत॑मेभि॒रह॑भिः ॥ १.०५५.०३  
यो जि॒नाति॑ न जी॒यते॑ ह॒न्ति श॑त्रु॒मभी॑त्य ।  
स प॑व॒स्व स॒हस्र॑जित् ॥ १.०५५.०४  
परि॑ सोम॒ ऋतं॑ ब॒ृहदा॑शुः प॒वित्रे॑ अ॒र्षति॑ ।  
वि॒घ्नत्र॑क्षा॒सि दे॒वयुः॑ ॥ १.०५६.०१  
यत्सो॒मो वाज॑म॒र्षति॑ श॒तं धा॑रा अ॒प॒स्युवः॑ ।  
इन्द्र॑स्य स॒ख्यमा॑वि॒शन् ॥ १.०५६.०२  
अ॒भि त्वा॒ योष॑णो दश॒ जारं॑ न क॒न्या॑नूषत ।  
मृ॒ज्यसे॑ सोम॒ सात॑ये ॥ १.०५६.०३  
त्वमिन्द्रा॑य विष्ण॒वे स्वा॑दु॒रिन्दो॑ परि॒ स्रव॑ ।  
नृ॒न्तोतृ॑न्पा॒ह्यंह॑सः ॥ १.०५६.०४  
प्र ते॑ धा॒रा अस॑श्च॒तो दि॒वो न॑ य॒न्ति वृ॑ष्टयः ।  
अ॒च्छा वाजं॑ स॒हस्रि॑णम् ॥ १.०५७.०१  
अ॒भि प्रि॒याणि॑ का॒व्या विश्वा॑ च॒क्षाणो॑ अ॒र्षति॑ ।  
हरि॑स्तु॒ञ्जान॑ आयु॒धा ॥ १.०५७.०२  
स म॑र्म॒जान॑ आ॒युभि॑रि॒भो राजे॑व सु॒व्रतः॑ ।  
श॒येनो॑ न वंसु॒ षी॑दति ॥ १.०५७.०३  
स नो॑ विश्वा॒ दिवो॑ वसू॒तो पृ॑थि॒व्या अधि॑ ।  
पु॒नान॑ इन्द्र॒वा भर॑ ॥ १.०५७.०४  
तर॑त्स म॒न्दी धा॑वति॒ धारा॑ सु॒तस्या॑न्ध॒सः ।  
तर॑त्स म॒न्दी धा॑वति ॥ १.०५८.०१  
उ॒स्रा वे॑द वसू॒नां म॑र्त॒स्य दे॒व्यव॑सः ।  
तर॑त्स म॒न्दी धा॑वति ॥ १.०५८.०२  
ध्व॒स्रयोः॑ पुरु॒षन्त्यो॑रा स॒हस्रा॑णि द॒द्महे॑ ।



तर॒त्स म॒न्दी धा॑वति ॥ १.०५८.०३  
 आ ययो॑स्त्रिंश॒तं तना॑ सह॒स्राणि च॑ द॒द्महे ।  
 तर॒त्स म॒न्दी धा॑वति ॥ १.०५८.०४  
 पव॑स्व गो॒जिद॑श्च॒जिद्वि॑श्च॒जित्सो॑म रण्य॒जित् ।  
 प्र॒जाव॑द्र॒त्नमा॑ भर ॥ १.०५९.०१  
 पव॑स्वा॒द्भ्यो अदा॑भ्यः पव॑स्वौष॒धीभ्यः ।  
 पव॑स्व धि॒षणा॑भ्यः ॥ १.०५९.०२  
 त्वं सोम॑ पव॒मानो॑ विश्वानि॒ दुरि॑ता तर ।  
 क॒विः सी॒द नि ब॑र्हिषि ॥ १.०५९.०३  
 पव॑मान॒ स्वर्वि॑दो जाय॒मानोऽभ॑वो म॒हान् ।  
 इ॒न्दो विश्वाँ॑ अ॒भीद॑सि ॥ १.०५९.०४  
 प्र गा॑य॒त्रेण॑ गा॒यत॑ पव॒मानं॑ विच॒र्षणि॑म् ।  
 इ॒न्दु सह॑स्र॒चक्ष॑सम् ॥ १.०६०.०१  
 तं त्वा॑ सह॒स्रच॑क्ष॒समथो॑ सह॒स्रभ॑र्ण॒सम् ।  
 अति॑ वार॒मपा॑विषुः ॥ १.०६०.०२  
 अति॑ वारा॒न्पव॑मानो असि॒ष्यदत्क॑लशाँ॒ अ॒भि धा॑वति ।  
 इ॒न्द्रस्य॑ हा॒द्यावि॑शन् ॥ १.०६०.०३  
 इ॒न्द्रस्य॑ सोम॒ राध॑से॒ शं पव॑स्व विच॒र्षणे॑ ।  
 प्र॒जाव॑द्रे॒त आ भर॑ ॥ १.०६०.०४  
 अ॒या वी॑ती परि॒ स्रव॑ यस्त॒ इन्दो॑ म॒देष्वा ।  
 अ॒वाह॑न्न॒वती॑र्न॒व ॥ १.०६१.०१  
 पुरः॑ स॒द्य इ॒त्थाधि॑ये दि॒वोदा॑साय॒ शम्ब॑रम् ।  
 अध॑ त्यं तु॒र्वशं॑ यदुम् ॥ १.०६१.०२  
 परि॑ णो अ॒श्वम॑श्च॒विद्वो॑मदि॒न्दो हिर॑ण्यवत् ।  
 क्षरा॑ सह॒स्त्रिणी॑रिषः ॥ १.०६१.०३  
 पव॑मानस्य ते व॒यं प॑वि॒त्रम॑भ्यु॒न्दतः॑ ।

सखित्वमा वृणीमहे ॥ १.०६१.०४  
ये ते पवित्रमूर्मयोऽभिक्षरन्ति धारया ।  
तेभिर्नः सोम मृळय ॥ १.०६१.०५  
स नः पुनान आ भर रयिं वीरवतीमिषम् ।  
ईशानः सोम विश्वतः ॥ १.०६१.०६  
एतमु त्यं दश क्षिपो मृजन्ति सिन्धुमातरम् ।  
समादित्येभिरख्यत ॥ १.०६१.०७  
समिन्द्रेणोत वायुना सुत एति पवित्र आ ।  
सं सूर्यस्य रश्मिभिः ॥ १.०६१.०८  
स नो भगाय वायवे पूष्णे पवस्व मधुमान् ।  
चारुर्मित्रे वरुणे च ॥ १.०६१.०९  
उच्चा ते जातमन्धसो दिवि षड्भूम्या ददे ।  
उग्रं शर्म महि श्रवः ॥ १.०६१.१०  
एना विश्वान्यर्य आ द्युम्नानि मानुषाणाम् ।  
सिषासन्तो वनामहे ॥ १.०६१.११  
स न इन्द्राय यज्यवे वरुणाय मरुद्भ्यः ।  
वरिवोवित्परि स्रव ॥ १.०६१.१२  
उपो षु जातमसुरं गोभिर्भङ्गं परिष्कृतम् ।  
इन्दु देवा अयासिषुः ॥ १.०६१.१३  
तमिद्वर्धन्तु नो गिरो वत्सं संशिश्वरीरिव ।  
य इन्द्रस्य हृदंसनिः ॥ १.०६१.१४  
अषा णः सोम शं गवे धुक्षस्व पिप्युषीमिषम् ।  
वधा समुद्रमुक्थ्यम् ॥ १.०६१.१५  
पवमानो अजीजनद्विवश्चित्रं न तन्यतुम् ।  
ज्योतिर्वैश्वानरं बृहत् ॥ १.०६१.१६  
पवमानस्य ते रसो मदो राजन्नदुच्छ्रुनः ।  
वि वारमव्यमर्षति ॥ १.०६१.१७

पवमान॑ रस॑स्तव दक्षो॑ वि राज॑ति द्यु॒मान् ।  
 ज्योति॑र्विश्वं स्व॑र्दृशे ॥ १.०६१.१८  
 यस्ते॑ मदो॒ वरे॑ण्यस्तेना॑ पव॒स्वान्ध॑सा ।  
 देवा॑वीरघ॑शंसहा ॥ १.०६१.१९  
 जघ्नि॑र्वृत्रम॑मित्रि॒यं स॑स्त्रि॒र्वाजं॑ दि॒वेदि॑वे ।  
 गोषा॑ उ अश्व॑सा अ॒सि ॥ १.०६१.२०  
 सम्मि॑श्लो अरु॒षो भव॑ सूप॒स्थाभि॑र्न धे॒नुभिः॑ ।  
 सीद॑ञ्छे॒नो न यो॑निमा ॥ १.०६१.२१  
 स पव॑स्व य आ॒विथे॑न्द्र॒ वृत्राय॑ हन्त॒वे ।  
 व॒त्रिवांसं॑ म॒हीर॑पः ॥ १.०६१.२२  
 सु॒वीरा॑सो व॒यं धना॑ ज॒येम॑ सोम मी॒ढ्वः ।  
 पु॒नानो॑ वर्ध॒ नो गि॑रः ॥ १.०६१.२३  
 त्वोता॑सस्तवावसा॒ स्याम॑ व॒न्वन्त॑ आ॒मुरः॑ ।  
 सोम॑ व्र॒तेषु॑ जागृ॒हि ॥ १.०६१.२४  
 अ॒प॒घ्नन्प॑वते मृ॒धोऽप॑ सोमो अ॒राव्णः॑ ।  
 गच्छ॑न्निन्द्र॒स्य निष्कृ॑तम् ॥ १.०६१.२५  
 म॒हो नो॑ रा॒य आ भ॑र॒ पव॑मान॒ ज॒ही मृ॑धः ।  
 रास्वे॑न्दो वी॒रव॑द्यशः ॥ १.०६१.२६  
 न त्वा॑ श॒तं च॑न हु॒तो रा॒धो दि॑त्सन्त॒मा मि॑नन् ।  
 यत्पु॑नानो म॒खस्य॑से ॥ १.०६१.२७  
 पव॑स्वेन्दो वृषा॑ सु॒तः कृ॒धी नो॑ य॒शसो॑ जने ।  
 विश्वा॑ अ॒प द्वि॑षो ज॒हि ॥ १.०६१.२८  
 अस्य॑ ते स॒ख्ये व॑यं तवे॒न्दो द्यु॒म्न उ॑त्त॒मे ।  
 सा॒स॒ह्याम॑ पृ॒तन्य॑तः ॥ १.०६१.२९  
 या ते॑ भी॒मान्या॑यु॒धा ति॑ग्मानि॒ सन्ति॑ धू॒वणे॑ ।  
 रक्षा॑ समस्य॒ नो नि॑दः ॥ १.०६१.३०

ए॒ते अ॒सृ॒ग्रमि॒न्दव॒स्तिरः॑ प॒वित्र॑मा॒शवः॑ ।  
 विश्वा॑न्यभि सौ॒भगा ॥ १.०६२.०१  
 वि॒घ्नन्तो॑ दु॒रिता॑ पु॒रु सु॒गा तो॒काय॑ वा॒जिनः॑ ।  
 तना॑ कृ॒ण्वन्तो॑ अ॒वते ॥ १.०६२.०२  
 कृ॒ण्वन्तो॑ वरि॒वो ग॒वेऽभ्य॑र्षन्ति सु॒ष्टुति॑म् ।  
 इ॒ळा॒म॒स्मभ्य॑ सं॒यत॑म् ॥ १.०६२.०३  
 असा॑व्यंशु॒र्मदा॑याप्सु दक्षो॑ गि॒रि॒ष्ठाः ।  
 श्ये॒नो न॑ यो॒निमा॑सदत् ॥ १.०६२.०४  
 शु॒भ्रम॒न्यो दे॒ववा॑तमप्सु धू॒तो नृ॑भिः सु॒तः ।  
 स्व॒दन्ति॑ गा॒वः प॒योभिः ॥ १.०६२.०५  
 आ॒दी॒म॒श्वं न॑ हे॒तारो॑ऽशू॒शुभ्र॑न्मृ॒ताय॑ ।  
 मध्वो॑ रसं स॒धमा॑दे ॥ १.०६२.०६  
 यास्ते॑ धा॒रा मधु॑श्रुतोऽसृ॒ग्रमि॒न्द ऊ॒तये॑ ।  
 ताभिः॑ प॒वित्र॑मा॒सदः ॥ १.०६२.०७  
 सो अ॒र्षेन्द्रा॑य पी॒तये॑ ति॒रो रो॒मा॒ण्यव्य॑या ।  
 सी॒द॒न्योना॑ वने॒ष्वा ॥ १.०६२.०८  
 त्वमि॒न्दो परि॑ स्र॒व स्वा॑दिष्ठो अ॒ङ्गिरो॑भ्यः ।  
 वरि॒वोवि॑द्धृतं प॒यः ॥ १.०६२.०९  
 अ॒यं वि॒चर्ष॑णिर्हितः प॒वमा॑नः स चै॒तति॑ ।  
 हि॒न्वान॑ आ॒प्यं बृ॑हत् ॥ १.०६२.१०  
 ए॒ष वृ॑षा वृष॒व्रतः॑ प॒वमा॑नो अश॒स्तिहा॑ ।  
 क॒र॒द्वसू॑नि दा॒शुषे॑ ॥ १.०६२.११  
 आ प॒वस्व॑ स॒हस्रि॑णं र॒यिं गो॑म॒न्तम॑श्चि॒नम् ।  
 पु॒रुश्च॑न्द्रं पु॒रुस्पृ॑हम् ॥ १.०६२.१२  
 ए॒ष स्य॑ परि॑ पि॒च्यते॑ म॒र्मज्य॑मान आ॒युभिः॑ ।  
 उ॒रुगा॑यः क॒वि॒क्रतुः॑ ॥ १.०६२.१३  
 स॒हस्रौ॑तिः श॒ताम॑घो वि॒मानो॑ रज॒सः क॒विः ।

इन्द्राय पवते मदः ॥ १.०६२.१४  
 गिरा जात इह स्तुत इन्दुरिन्द्राय धीयते ।  
 विर्योना वसताविव ॥ १.०६२.१५  
 पवमानः सुतो नृभिः सोमो वाजमिवासरत् ।  
 चमूषु शक्मनासदम् ॥ १.०६२.१६  
 तं त्रिपृष्ठे त्रिवन्धुरे रथे युञ्जन्ति यातवे ।  
 ऋषीणां सप्त धीतिभिः ॥ १.०६२.१७  
 तं सोतारो धनस्पृतमाशुं वाजाय यातवे ।  
 हरिं हिनोत वाजिनम् ॥ १.०६२.१८  
 आविशन्कलशं सुतो विश्वा अर्षन्नभि श्रियः ।  
 शूरो न गोषु तिष्ठति ॥ १.०६२.१९  
 आ त इन्दो मदाय कं पयो दुहन्त्यायवः ।  
 देवा देवेभ्यो मधु ॥ १.०६२.२०  
 आ नः सोमं पवित्र आ सृजता मधुमत्तमम् ।  
 देवेभ्यो देवश्रुत्तमम् ॥ १.०६२.२१  
 एते सोमा असृक्षत गृणानाः श्रवसे महे ।  
 मदिन्तमस्य धारया ॥ १.०६२.२२  
 अभि गव्यानि वीतये नृम्णा पुनानो अर्षसि ।  
 सनद्वाजः परि स्रव ॥ १.०६२.२३  
 उत नो गोमतीरिषो विश्वा अर्ष परिष्टुभः ।  
 गृणानो जमदग्निना ॥ १.०६२.२४  
 पवस्व वाचो अग्निः सोमं चित्राभिरूतिभिः ।  
 अभि विश्वानि काव्या ॥ १.०६२.२५  
 त्वं समुद्रिया अपोऽग्निः वाच ईरयन् ।  
 पवस्व विश्वमेजय ॥ १.०६२.२६  
 तुभ्येमा भुवना कवे महिम्ने सोम तस्थिरे ।  
 तुभ्यमर्षन्ति सिन्धवः ॥ १.०६२.२७

प्र ते दिवो न वृष्टयो धारा यन्त्यसश्चतः ।  
 अभि शुक्रामुपस्तिरम् ॥ १.०६२.२८  
 इन्द्रायेन्दु पुनीतनोग्रं दक्षाय साधनम् ।  
 ईशानं वीतिराधसम् ॥ १.०६२.२९  
 पवमान ऋतः कविः सोमः पवित्रमासदत् ।  
 दधत्स्तोत्रे सुवीर्यम् ॥ १.०६२.३०  
 आ पवस्व सहस्रिणं रयिं सोम सुवीर्यम् ।  
 अस्मे श्रवांसि धारय ॥ १.०६३.०१  
 इषमूर्जं च पिन्वस इन्द्राय मत्सरिन्तमः ।  
 चमूष्वा नि षीदसि ॥ १.०६३.०२  
 सुत इन्द्राय विष्णवे सोमः कलशे अक्षरत् ।  
 मधुमाँ अस्तु वायवे ॥ १.०६३.०३  
 एते असृग्रमाशवोऽति ह्वरांसि बभ्रवः ।  
 सोमा ऋतस्य धारया ॥ १.०६३.०४  
 इन्द्रं वर्धन्तो असुरः कृण्वन्तो विश्वमार्यम् ।  
 अपघ्नन्तो अराव्यः ॥ १.०६३.०५  
 सुता अनु स्वमा रजोऽभ्यर्षन्ति बभ्रवः ।  
 इन्द्रं गच्छन्त इन्दवः ॥ १.०६३.०६  
 अया पवस्व धारया यया सूर्यमरोचयः ।  
 हिन्वानो मानुषीरपः ॥ १.०६३.०७  
 अयुक्तं सूर एतशं पवमानो मनावधि ।  
 अन्तरिक्षेण यातवे ॥ १.०६३.०८  
 उत त्या हरितो दश सूरौ अयुक्तं यातवे ।  
 इन्दुरिन्द्र इति ब्रुवन् ॥ १.०६३.०९  
 परीतो वायवे सुतं गिर इन्द्राय मत्सरम् ।  
 अव्यो वारेषु सिञ्चत ॥ १.०६३.१०

पवमान विदा रयिमस्मभ्यं सोम दुष्टरम् ।  
 यो दूणाशो वनुष्यता ॥ १.०६३.११  
 अभ्यर्ष सहस्रिणं रयिं गोमन्तमश्विनम् ।  
 अभि वाजमुत श्रवः ॥ १.०६३.१२  
 सोमो देवो न सूर्योऽद्रिभिः पवते सुतः ।  
 दधानः कलशे रसम् ॥ १.०६३.१३  
 एते धामान्यायां शुक्रा ऋतस्य धारया ।  
 वाजं गोमन्तमक्षरन् ॥ १.०६३.१४  
 सुता इन्द्राय वज्रिणे सोमासो दध्याशिरः ।  
 पवित्रमत्यक्षरन् ॥ १.०६३.१५  
 प्र सोम मधुमत्तमो राये अर्ष पवित्र आ ।  
 मदो यो देववीतमः ॥ १.०६३.१६  
 तमी मृजन्त्यायवो हरिं नदीषु वाजिनम् ।  
 इन्दुमिन्द्राय मत्सरम् ॥ १.०६३.१७  
 आ पवस्व हिरण्यवदश्ववत्सोम वीरवत् ।  
 वाजं गोमन्तमा भर ॥ १.०६३.१८  
 परि वाजे न वाजयुमव्यो वारेषु सिञ्चत ।  
 इन्द्राय मधुमत्तमम् ॥ १.०६३.१९  
 कविं मृजन्ति मर्ज्यं धीभिर्विप्रा अवस्यवः ।  
 वृषा कनिक्रदर्षति ॥ १.०६३.२०  
 वृषणं धीभिरसुरं सोममृतस्य धारया ।  
 मती विप्राः समस्वरन् ॥ १.०६३.२१  
 पवस्व देवायुषगिन्द्र गच्छतु ते मदः ।  
 वायुमा रोह धर्मणा ॥ १.०६३.२२  
 पवमान नि तोशसे रयिं सोम श्रवाय्यम् ।  
 प्रियः समुद्रमा विश ॥ १.०६३.२३  
 अपघ्नन्पवसे मृधः ऋतुवित्सोम मत्सरः ।

नुदस्वादेवयुं जनम् ॥ १.०६३.२४  
 पवमाना असृक्षत सोमाः शुक्रास इन्दवः ।  
 अभि विश्वानि काव्या ॥ १.०६३.२५  
 पवमानास आशवः शुभ्रा असृग्रमिन्दवः ।  
 घ्नन्तो विश्वा अप द्विषः ॥ १.०६३.२६  
 पवमाना दिवस्पर्यन्तरिक्षादसृक्षत ।  
 पृथिव्या अधि सानवि ॥ १.०६३.२७  
 पुनानः सोम धारयेन्दो विश्वा अप स्निधः ।  
 जहि रक्षांसि सुक्रतो ॥ १.०६३.२८  
 अपघ्नन्सोम रक्षसोऽभ्यर्ष कनिक्रदत् ।  
 द्युमन्तं शुष्ममुत्तमम् ॥ १.०६३.२९  
 अस्मे वसूनि धारय सोम दिव्यानि पार्थिवा ।  
 इन्दो विश्वानि वार्या ॥ १.०६३.३०  
 वृषा सोम द्युमाँ असि वृषा देव वृषव्रतः ।  
 वृषा धर्माणि दधिषे ॥ १.०६४.०१  
 वृष्णास्ते वृष्ण्यं शवो वृषा वनं वृषा मदः ।  
 सत्यं वृषन्वृषेदसि ॥ १.०६४.०२  
 अश्वो न चक्रदो वृषा सं गा इन्दो समर्वतः ।  
 वि नो राये दुरो वृधि ॥ १.०६४.०३  
 असृक्षत प्र वाजिनो गव्या सोमासो अश्वया ।  
 शुक्रासो वीरयाशवः ॥ १.०६४.०४  
 शुम्भमाना ऋतायुभिर्मृज्यमाना गभस्त्योः ।  
 पवन्ते वारे अव्यये ॥ १.०६४.०५  
 ते विश्वा दाशुषे वसु सोमा दिव्यानि पार्थिवा ।  
 पवन्तामान्तरिक्ष्या ॥ १.०६४.०६  
 पवमानस्य विश्ववित्प्र ते सर्गा असृक्षत ।



सूर्यस्येव न रश्मयः ॥ १.०६४.०७  
केतुं कृण्वन्दिवस्परि विश्वा रूपाभ्यर्षसि ।  
समुद्रः सोम पिन्वसे ॥ १.०६४.०८  
हिन्वानो वाचमिष्यसि पवमान विधर्मणि ।  
अक्रान्देवो न सूर्यः ॥ १.०६४.०९  
इन्दुः पविष्ट चेतनः प्रियः कवीनां मती ।  
सृजदश्वं रथीरिव ॥ १.०६४.१०  
ऊर्मिर्यस्ते पवित्र आ देवावीः पर्यक्षरत् ।  
सीदन्नृतस्य योनिमा ॥ १.०६४.११  
स नो अर्ष पवित्र आ मदो यो देववीतमः ।  
इन्दविन्द्राय पीतये ॥ १.०६४.१२  
इषे पवस्व धारया मुज्यमानो मनीषिभिः ।  
इन्दो रुचाभि गा इहि ॥ १.०६४.१३  
पुनानो वरिवस्कृध्यूर्जं जनाय गिर्वणः ।  
हरं सृजान आशिरम् ॥ १.०६४.१४  
पुनानो देववीतय इन्द्रस्य याहि निष्कृतम् ।  
द्युतानो वाजिभिर्यतः ॥ १.०६४.१५  
प्र हिन्वानास इन्दवोऽच्छा समुद्रमाशवः ।  
धिया जूता असृक्षत ॥ १.०६४.१६  
मर्मृजानास आयवो वृथा समुद्रमिन्दवः ।  
अगमन्नृतस्य योनिमा ॥ १.०६४.१७  
परि णो याह्यस्मयुर्विश्वा वसून्योजसा ।  
पाहि नः शर्म वीरवत् ॥ १.०६४.१८  
मिमाति वहिरेतशः पदं युजान ऋक्भिः ।  
प्र यत्समुद्र आहितः ॥ १.०६४.१९  
आ यद्योनिं हिरण्ययमाशुर्ऋतस्य सीदति ।  
जहात्यप्रचेतसः ॥ १.०६४.२०

अ॒भि वे॒ना अ॒नू॒ष॒ते॒य॒क्ष॒न्ति॒ प्र॒चे॒त॒सः ।  
 म॒ञ्ज॒न्त्य॒वि॒चे॒त॒सः ॥ १.०६४.२१  
 इ॒न्द्रा॒ये॒न्दो म॒रु॒त्व॒ते प॒व॒स्व म॒धु॒म॒त्त॒मः ।  
 ऋ॒त॒स्य॒ यो॒नि॒मा॒स॒द॒म् ॥ १.०६४.२२  
 तं त्वा वि॒प्रा व॒चो॒वि॒दः परि॑ ष्कृ॒ण्व॒न्ति वे॒ध॒सः ।  
 सं त्वा मृ॒ज॒न्त्या॒यवः ॥ १.०६४.२३  
 र॒सं ते मि॒त्रो अ॒र्य॒मा पि॒ब॒न्ति वरु॑णः कवे ।  
 प॒व॒मा॒न॒स्य म॒रु॒तः ॥ १.०६४.२४  
 त्वं सो॒म वि॒प॒श्चितं॑ पु॒ना॒नो वा॒चमि॒ष्य॒सि ।  
 इ॒न्दो स॒ह॒स्र॒भ॒र्ण॒सम् ॥ १.०६४.२५  
 उ॒तो स॒ह॒स्र॒भ॒र्ण॒सं वा॒चं सो॒म म॒ख॒स्यु॒वम् ।  
 पु॒ना॒न इ॒न्द्र॒वा भ॒र ॥ १.०६४.२६  
 पु॒ना॒न इ॒न्द्र॒वे॒षां पु॒रु॒हू॒त ज॒ना॒नाम् ।  
 प्रि॒यः स॒मु॒द्र॒मा वि॒श ॥ १.०६४.२७  
 द॒वि॒द्यु॒त॒त्या रु॒चा परि॑ष्टो॒भ॒न्त्या कृ॒पा ।  
 सो॒माः शु॒क्रा ग॒वा॒शि॒रः ॥ १.०६४.२८  
 हि॒न्वा॒नो हे॒तृभि॑र्य॒त आ वा॒जं वा॒ज्य॒क्र॒मी॒त् ।  
 सी॒द॒न्तो व॒नु॒षो य॒था ॥ १.०६४.२९  
 ऋ॒ध॒क्सो॒म स्व॒स्तये॑ सं॒ज॒ग्मा॒नो दि॒वः क॒विः ।  
 प॒व॒स्व सू॒र्यो दृ॒शे ॥ १.०६४.३०  
 हि॒न्व॒न्ति सू॒र॒मु॒स्र॒यः स्व॒सा॒रो जा॒म॒य॒स्पति॑म् ।  
 म॒हा॒मि॒न्दु म॒ही॒यु॒वः ॥ १.०६५.०१  
 प॒व॒मा॒न रु॒चा॒रु॒चा दे॒वो दे॒वेभ्य॑स्प॒रि ।  
 वि॒श्वा व॒सू॒न्या वि॒श ॥ १.०६५.०२  
 आ प॒व॒मा॒न सु॒ष्टु॒तिं वृ॒ष्टिं दे॒वेभ्यो॑ दु॒वः ।  
 इ॒षे प॒व॒स्व सं॒य॒त॒म् ॥ १.०६५.०३

वृषा ह्यसि भानुना द्युमन्तं त्वा हवामहे ।  
 पवमान स्वाध्यः ॥ १.०६५.०४  
 आ पवस्व सुवीर्यं मन्दमानः स्वायुध ।  
 इहो ष्विन्दवा गहि ॥ १.०६५.०५  
 यदद्भिः परिषिच्यसे मृज्यमानो गभस्त्योः ।  
 द्रुणा सधस्थमश्रुषे ॥ १.०६५.०६  
 प्र सोमाय व्यश्ववत्पवमानाय गायत ।  
 महे सहस्रचक्षसे ॥ १.०६५.०७  
 यस्य वर्णं मधुश्चतं हरिं हिन्वन्त्यद्भिभिः ।  
 इन्दुमिन्द्राय पीतये ॥ १.०६५.०८  
 तस्य ते वाजिनो वयं विश्वा धनानि जिग्युषः ।  
 सखित्वमा वृणीमहे ॥ १.०६५.०९  
 वृषा पवस्व धारया मरुत्वते च मत्सरः ।  
 विश्वा दधान ओजसा ॥ १.०६५.१०  
 तं त्वा धर्तारिमोण्योः पवमान स्वर्दशम् ।  
 हिन्वे वाजेषु वाजिनम् ॥ १.०६५.११  
 अया चित्तो विपानया हरिः पवस्व धारया ।  
 युजं वाजेषु चोदय ॥ १.०६५.१२  
 आ न इन्दो महीमिषं पवस्व विश्वदर्शतः ।  
 अस्मभ्यं सोम गातुवित् ॥ १.०६५.१३  
 आ कलशा अनूषतेन्दो धाराभिरोजसा ।  
 एन्द्रस्य पीतये विश ॥ १.०६५.१४  
 यस्य ते मद्यं रसं तीव्रं दुहन्त्यद्भिभिः ।  
 स पवस्वाभिमातिहा ॥ १.०६५.१५  
 राजा मेधाभिरीयते पवमानो मनावधि ।  
 अन्तरिक्षेण यातवे ॥ १.०६५.१६  
 आ न इन्दो शतग्विनं गवां पोषं स्वश्व्यम् ।

वहा भगत्तिमूतये ॥ १.०६५.१७  
 आ नः सोम सहो जुवो रूपं न वर्चसे भर ।  
 सुष्वाणो देववीतये ॥ १.०६५.१८  
 अर्षा सोम द्युमत्तमोऽभि द्रोणानि रोरुवत् ।  
 सीदञ्छेनो न योनिमा ॥ १.०६५.१९  
 अप्सा इन्द्राय वायवे वरुणाय मरुद्भ्यः ।  
 सोमो अर्षति विष्णवे ॥ १.०६५.२०  
 इषं तोकाय नो दधदस्मभ्यं सोम विश्वतः ।  
 आ पवस्व सहस्रिणम् ॥ १.०६५.२१  
 ये सोमासः परावति ये अर्वावति सुन्विरे ।  
 ये वादः शर्यणावति ॥ १.०६५.२२  
 य आर्जीकेषु कृत्वसु ये मध्ये पस्त्यानाम् ।  
 ये वा जनेषु पञ्चसु ॥ १.०६५.२३  
 ते नो वृष्टिं दिवस्परि पवन्तामा सुवीर्यम् ।  
 सुवाना देवास इन्द्रवः ॥ १.०६५.२४  
 पवते हर्यतो हरिर्गृणानो जमदग्निना ।  
 हिन्वानो गोरधि त्वचि ॥ १.०६५.२५  
 प्र शुक्रासो वयो जुवो हिन्वानासो न सप्तयः ।  
 श्रीणाना अप्सु मृञ्जत ॥ १.०६५.२६  
 तं त्वा सुतेष्वाभुवो हिन्विरे देवतातये ।  
 स पवस्वानया रुचा ॥ १.०६५.२७  
 आ ते दक्षं मयोभुवं वह्निमद्या वृणीमहे ।  
 पान्तमा पुरुस्पृहम् ॥ १.०६५.२८  
 आ मन्द्रमा वरेण्यमा विप्रमा मनीषिणम् ।  
 पान्तमा पुरुस्पृहम् ॥ १.०६५.२९  
 आ रयिमा सुचेतुनमा सुक्रतो तनूष्वा ।  
 पान्तमा पुरुस्पृहम् ॥ १.०६५.३०

पव॑स्व विश्व॑चर्षणेऽभि विश्वानि॑ काव्या ।  
 सखा॑ सखि॑भ्य ईड्यः॑ ॥ ९.०६६.०१  
 ताभ्यां॑ विश्व॑स्य राज॑सि ये पव॑मान धाम॑नी ।  
 प्र॒तीची॑ सोम॒ तस्थुः॑ ॥ ९.०६६.०२  
 परि॑ धामानि॒ यानि॑ ते त्वं सोमा॑सि विश्व॑तः ।  
 पव॑मान ऋ॒तुभिः॑ कवे ॥ ९.०६६.०३  
 पव॑स्व जन॑यन्निषोऽभि विश्वानि॑ वार्या ।  
 सखा॑ सखि॑भ्य ऊ॒तये॑ ॥ ९.०६६.०४  
 तव॑ शु॒क्रासो॑ अ॒र्चयो॑ दि॒वस्पृ॑ष्ठे वि त॑न्वते ।  
 प॒वित्रं॑ सोम॒ धाम॑भिः ॥ ९.०६६.०५  
 तवे॑मे सप्त॒ सिन्ध॑वः प्र॒शिषं॑ सोम॒ सिन्ध॑ते ।  
 तुभ्यं॑ धाव॑न्ति धे॒नवः॑ ॥ ९.०६६.०६  
 प्र सोम॑ याहि॒ धार॑या सु॒त इन्द्रा॑य मत्स॒रः ।  
 दधानो॑ अ॒क्षिति॑ श्रवः ॥ ९.०६६.०७  
 समु॑ त्वा धी॒भिर॑स्वर॒न्दिन्व॑तीः सप्त॒ जाम॑यः ।  
 विप्र॑माजा वि॒वस्व॑तः ॥ ९.०६६.०८  
 मृ॒जन्ति॑ त्वा सम॒ग्रवोऽव्ये॑ जी॒रावधि॑ ष्वणि ।  
 रेभो॑ यद॒ज्यसे॑ वने ॥ ९.०६६.०९  
 पव॑मानस्य ते कवे॒ वाजि॑न्सर्गा॒ असृ॑क्षत ।  
 अर्व॑न्तो न श्रव॒स्यवः॑ ॥ ९.०६६.१०  
 अच्छा॑ कोश॒ मधु॑श्चु॒तमसृ॑त्रं वारे॒ अव्य॑ये ।  
 अवा॑वशन्त॒ धीत॑यः ॥ ९.०६६.११  
 अच्छा॑ समु॒द्रमि॑न्द॒वोऽस्तं॑ गावो न धे॒नवः॑ ।  
 अ॒ग्न॒नृ॒तस्य॑ योनि॒मा ॥ ९.०६६.१२  
 प्र ण॑ इ॒न्दो म॒हे रण॑ आपो॒ अर्ष॑न्ति॒ सिन्ध॑वः ।  
 यद्गो॑भिर्वासि॒यिष्य॑से ॥ ९.०६६.१३

अस्य॑ ते स॒ख्ये व॒यमि॒यक्षन्त॑स्त्वो॒तयः॑ ।  
 इ॒न्दो स॒खित्व॑मु॒श्मसि॑ ॥ १.०६६.१४  
 आ प॒वस्व॑ ग॒विष्ट॑ये म॒हे सोम॑ न॒चक्ष॑से ।  
 ए॒न्द्रस्य॑ ज॒ठरे॑ वि॒श ॥ १.०६६.१५  
 म॒हाँ अ॒सि सोम॑ ज्येष्ठ॑ उ॒ग्राणामि॒न्द ओजि॑ष्ठः ।  
 यु॒ध्वा सञ्छ॑श्च॒ञ्जिगेथ॑ ॥ १.०६६.१६  
 य उ॒ग्रेभ्य॑श्चि॒दोजी॑याञ्छू॒रेभ्य॑श्चि॒च्छू॒रतरः॑ ।  
 भू॒रिदा॑भ्य॒श्चिन्म॑ही॒यान् ॥ १.०६६.१७  
 त्वं सोम॑ सू॒र एष॑स्तो॒कस्य॑ सा॒ता त॒नूना॑म् ।  
 वृ॒णीम॑हे स॒ख्याय॑ वृ॒णीम॑हे यु॒ज्याय॑ ॥ १.०६६.१८  
 अ॒ग्न आ॒यूषि॑ प॒वस॑ आ सु॒वोर्ज॑मिषं च नः ।  
 आ॒रे बा॑धस्व दु॒च्छु॒नाम् ॥ १.०६६.१९  
 अ॒ग्निर्ऋ॑षिः प॒वमानः॑ पा॒ञ्चज॑न्यः पु॒रोहि॑तः ।  
 त॒मीम॑हे म॒हाग॑यम् ॥ १.०६६.२०  
 अ॒ग्ने प॒वस्व॑ स्व॒पा अ॒स्मे वर्चः॑ सु॒वीर्य॑म् ।  
 द॒ध॒द्रयि॑ं म॒यि पो॑षम् ॥ १.०६६.२१  
 प॒वमानो॑ अ॒ति स्नि॒धोऽभ्य॑र्षति सु॒ष्टुति॑म् ।  
 सू॒रो न वि॒श्वदर्श॑तः ॥ १.०६६.२२  
 स म॑र्म॒जान॑ आ॒युभिः॑ प्र॒यस्वा॑न्प्र॒यसे॑ हि॒तः ।  
 इ॒न्द्रु॒रत्यो॑ वि॒चक्ष॑णः ॥ १.०६६.२३  
 प॒वमान॑ ऋ॒तं बृ॒हच्छु॑क्रं ज्योति॒रजी॑जनत् ।  
 कृ॒ष्णा त॒मासि॑ जङ्घ॒नत् ॥ १.०६६.२४  
 प॒वमान॑स्य जङ्घ॒तो ह॑रेश्च॒न्द्रा अ॑सृक्षत ।  
 जी॒रा अ॒जिर॑शोचिषः ॥ १.०६६.२५  
 प॒वमानो॑ र॒थीत॑मः शु॒भ्रेभिः॑ शु॒भ्रश॑स्तमः ।  
 ह॒रिश्च॑न्द्रो म॒रुद्ग॑णः ॥ १.०६६.२६  
 प॒वमानो॑ व्य॒श्रव॑द्र॒श्मिभि॑र्वाज॒सात॑मः ।

दधत्स्तोत्रे सुवीर्यम् ॥ १.०६६.२७  
 प्र सुवान इन्दुरक्षाः पवित्रमत्यव्ययम् ।  
 पुनान इन्दुरिन्द्रमा ॥ १.०६६.२८  
 एष सोमो अधि त्वचि गवां क्रीळत्यद्रिभिः ।  
 इन्द्रं मदाय जोहुवत् ॥ १.०६६.२९  
 यस्य ते द्युम्रवत्पयः पवमानाभृतं दिवः ।  
 तेन नो मृळ जीवसे ॥ १.०६६.३०  
 त्वं सोमासि धारयुर्मन्द्र ओजिष्ठो अध्वरे ।  
 पवस्व मंहयद्रयिः ॥ १.०६७.०१  
 त्वं सुतो नृमादनो दधन्वान्मत्सरिन्तमः ।  
 इन्द्राय सूरिरन्धसा ॥ १.०६७.०२  
 त्वं सुष्वाणो अद्रिभिरभ्यर्ष कनिक्रदत् ।  
 द्युमन्तं शुष्ममुत्तमम् ॥ १.०६७.०३  
 इन्दुर्हिन्वानो अर्षति तिरो वाराण्यव्यया ।  
 हरिर्वाजमचिक्रदत् ॥ १.०६७.०४  
 इन्दो व्यव्यमर्षसि वि श्रवासि वि सौभगा ।  
 वि वाजान्सोम गोमतः ॥ १.०६७.०५  
 आ न इन्दो शतग्विनं रयिं गोमन्तमश्विनम् ।  
 भरा सोम सहस्रिणम् ॥ १.०६७.०६  
 पवमानास इन्दवस्तिरः पवित्रमाशवः ।  
 इन्द्रं यामैभिराशत ॥ १.०६७.०७  
 ककुहः सोम्यो रस इन्दुरिन्द्राय पूर्यः ।  
 आयुः पवत आयवे ॥ १.०६७.०८  
 हिन्वन्ति सूरमुस्रयः पवमानं मधुश्रुतम् ।  
 अभि गिरा समस्वरन् ॥ १.०६७.०९  
 अविता नो अजाश्वः पूषा यामनियामनि ।  
 आ भक्षत्कन्यासु नः ॥ १.०६७.१०

अ॒यं सोमः॑ क॒र्पदि॑ने॒ घृ॒तं न प॑व॒ते मधु॑ ।  
 आ भ॑क्ष॒त्क॒न्या॑सु नः ॥ १.०६७.११  
 अ॒यं त आघृ॑णे सु॒तो घृ॒तं न प॑व॒ते शुचि॑ ।  
 आ भ॑क्ष॒त्क॒न्या॑सु नः ॥ १.०६७.१२  
 वा॒चो ज॒न्तुः क॑वी॒नां प॑व॒स्व सोम॑ धार॒या ।  
 दे॒वेषु॑ रत्न॒धा अ॑सि ॥ १.०६७.१३  
 आ क॒लशेषु॑ धावति श्ये॒नो वर्म॑ वि गा॒हते॑ ।  
 अ॒भि द्रो॑णा क॒निक्र॑दत् ॥ १.०६७.१४  
 परि॑ प्र सोम॑ ते र॒सोऽस॑र्जिं क॒लशे॑ सु॒तः ।  
 श्ये॒नो न त॒क्तो अ॑र्षति ॥ १.०६७.१५  
 प॑व॒स्व सोम॑ म॒न्दय॑न्नि॒न्द्राय॑ मधु॒मत्त॑मः ॥ १.०६७.१६  
 अ॒सृग्र॑न्दे॒ववी॑तये वा॒जय॑न्तो रथा॒ इव ॥ १.०६७.१७  
 ते सु॒तासो॑ म॒दिन्त॑माः शु॒क्रा वा॑युम॒सृक्ष॑त ॥ १.०६७.१८  
 ग्रा॒व्या तु॒न्नो अ॒भिष्टु॑तः प॒वित्र॑ सोम गच्छ॒सि ।  
 दध॑त्स्तो॒त्रे सु॒वीर्य॑म् ॥ १.०६७.१९  
 ए॒ष तु॒न्नो अ॒भिष्टु॑तः प॒वित्र॑मति॒ गाह॑ते ।  
 र॒क्षोहा॑ वार॒मव्य॑यम् ॥ १.०६७.२०  
 यद॑न्ति यच्च दूर॒के भ॑यं वि॒न्दति॑ मामि॒ह ।  
 प॑व॒मान॒ वि त॒ज्जहि॑ ॥ १.०६७.२१  
 प॑व॒मानः॒ सो अ॒द्य नः॑ प॒वित्रे॑ण वि॒चर्ष॑णिः ।  
 यः पो॒ता स पु॑नातु नः ॥ १.०६७.२२  
 यत्ते॑ प॒वित्र॑म॒र्चिष्य॑न्ने॒ वित॑त॒मन्तरा॑ ।  
 ब्र॒ह्म ते॑न पु॒नीहि॑ नः ॥ १.०६७.२३  
 यत्ते॑ प॒वित्र॑म॒र्चि॒वद॑न्ने॒ तेन॑ पु॒नीहि॑ नः ।  
 ब्र॒ह्मस॒वैः पु॒नीहि॑ नः ॥ १.०६७.२४  
 उ॒भाभ्यां॑ दे॒व स॑वितः प॒वित्रे॑ण स॒वेन॑ च ।  
 मां पु॒नीहि॑ वि॒श्वतः॑ ॥ १.०६७.२५



त्रिभिर्द्वं देव सवितर्वर्षिष्ठैः सोम धामभिः ।  
 अग्ने दक्षैः पुनीहि नः ॥ १.०६७.२६  
 पुनन्तु मां देवजनाः पुनन्तु वसवो धिया ।  
 विश्वे देवाः पुनीत मा जातवेदः पुनीहि मा ॥ १.०६७.२७  
 प्र प्यायस्व प्र स्यन्दस्व सोम विश्वभिरंशुभिः ।  
 देवेभ्य उत्तमं हविः ॥ १.०६७.२८  
 उप प्रियं पनिप्रतं युवानमाहुतीवृधम् ।  
 अगन्म बिभ्रतो नमः ॥ १.०६७.२९  
 अलाय्यस्य परशुर्ननाश तमा पवस्व देव सोम ।  
 आखुं चिदेव देव सोम ॥ १.०६७.३०  
 यः पावमानीरध्येत्यृषिभिः सम्भृतं रसम् ।  
 सर्वं स पूतमश्नाति स्वदितं मातरिश्चना ॥ १.०६७.३१  
 पावमानीर्यो अध्येत्यृषिभिः सम्भृतं रसम् ।  
 तस्मै सरस्वती दुहे क्षीरं सर्पिर्मधूदकम् ॥ १.०६७.३२  
 प्र देवमच्छा मधुमन्त इन्दवोऽसिष्यदन्त गाव आ न धेनवः ।  
 बर्हिषदो वचनावन्त ऊधभिः परिस्रुतमुस्त्रिया निर्णिजं धिरे ॥ १.०६८.०१  
 स रोरुवदभि पूर्वा अचिक्रददुपारुहः श्रथयन्स्वादते हरिः ।  
 तिरः पवित्रं परियन्नुरु ज्ञयो नि शर्याणि दधते देव आ वरम् ॥ १.०६८.०२  
 वि यो ममे यम्या संयती मदः साकंवृधा पयसा पिन्वदक्षिता ।  
 मही अपारे रजसी विवेविददभिर्ब्रजन्नक्षितं पाज आ ददे ॥ १.०६८.०३  
 स मातरा विचरन्वाजयन्नपः प्र मेधिरः स्वधया पिन्वते पदम् ।  
 अंशुर्यवेन पिपिशे यतो नृभिः सं जामिभिर्नसते रक्षते शिरः ॥ १.०६८.०४  
 सं दक्षेण मनसा जायते कविर्ऋतस्य गर्भो निहितो यमा परः ।  
 यूना ह सन्ता प्रथमं वि जज्ञतुर्गुहा हितं जनिम नेममुद्यतम् ॥ १.०६८.०५  
 मन्द्रस्य रूपं विविदुर्मनीषिणः श्येनो यदन्धो अभरत्परावतः ।  
 तं मर्जयन्त सुवृध नदीष्वौ उशन्तमंशुं परियन्तमृग्मियम् ॥ १.०६८.०६

त्वां मृजन्ति दश योषणः सुतं सोम ऋषिभिर्मतिभिर्धीतिभिर्हितम् ।  
 अव्यो वारेभिरुत देवहूतिभिर्नृभिर्यतो वाजमा दर्षि सातये ॥ १.०६८.०७  
 परिप्रयन्त वय्य सुषंसदं सोम मनीषा अभ्यनूषत स्तुभः ।  
 यो धारया मधुमाँ ऊर्मिणा दिव इयति वाचं रयिषाळमर्त्यः ॥ १.०६८.०८  
 अयं दिव इयति विश्वमा रजः सोमः पुनानः कलशेषु सीदति ।  
 अद्विर्गोभिर्मृज्यते अद्रिभिः सुतः पुनान इन्दुर्वरिवो विदत्प्रियम् ॥ १.०६८.०९  
 एवा नः सोम परिषिच्यमानो वयो दधच्चित्रतमं पवस्व ।  
 अद्वेषे द्यावापृथिवी हुवेम देवा धत्त रयिमस्मे सुवीरम् ॥ १.०६८.१०  
 इषुर्न धन्वन्न्रति धीयते मतिर्वत्सो न मातुरुप सज्यृधनि ।  
 उरुधारेव दुहे अग्र आयत्यस्य व्रतेष्वपि सोम इष्यते ॥ १.०६९.०१  
 उपो मतिः पृच्यते सिच्यते मधु मन्द्राजनी चोदते अन्तरासनि ।  
 पवमानः संतनिः प्रघ्नतामिव मधुमान्द्रप्सः परि वारमर्षति ॥ १.०६९.०२  
 अव्ये वधूयुः पवते परि त्वचि श्रश्नीते नसीरदितेऋतं यते ।  
 हरिरक्रान्यजतः संयतो मदो नृम्णा शिशानो महिषो न शोभते ॥ १.०६९.०३  
 उक्षा मिमाति प्रति यन्ति धेनवो देवस्य देवीरुप यन्ति निष्कृतम् ।  
 अत्यक्रमीदर्जुनं वारमव्ययमत्कं न नित्तं परि सोमो अव्यत ॥ १.०६९.०४  
 अमृक्तेन रुशता वाससा हरिरमर्त्यो निर्णिजानः परि व्यत ।  
 दिवस्पुष्टं बर्हणा निर्णिजे कृतोपस्तरणं चम्बोर्नभस्मयम् ॥ १.०६९.०५  
 सूर्यस्येव रश्मयो द्रावयिलवो मत्सरासः प्रसुपः साकमीरते ।  
 तन्तुं ततं परि सर्गास आशवो नेन्द्रादृते पवते धाम किं चन ॥ १.०६९.०६  
 सिन्धोरिव प्रवणे निम्न आशवो वृषच्युता मदासो गातुमाशत ।  
 शं नो निवेशे द्विपदे चतुष्पदेऽस्मे वाजाः सोम तिष्ठन्तु कृष्टयः ॥ १.०६९.०७  
 आ नः पवस्व वसुमद्विरण्यवदश्वावद्गोमद्यवमत्सुवीर्यम् ।  
 यूयं हि सोम पितरो मम स्थन दिवो मूर्धानः प्रस्थिता वयस्कृतः ॥ १.०६९.०८  
 एते सोमाः पवमानास इन्द्रं रथा इव प्र ययुः सातिमच्छ ।  
 सुताः पवित्रमति यन्त्यव्यं हित्वी वत्रिं हरितो वृष्टिमच्छ ॥ १.०६९.०९

इन्द्रविन्द्राय बृहते पवस्व सुमृळीको अनवद्यो रिशादाः ।  
 भरा चन्द्राणि गृणते वसूनि देवैर्द्यावापृथिवी प्रावतं नः ॥ १.०६९.१०  
 त्रिरस्मै सप्त धेनवो दुदुहे सत्यामाशिरं पूर्व्ये व्योमनि ।  
 चत्वार्यन्या भुवनानि निर्णिजे चारूणि चक्रे यदृतैरवर्धत ॥ १.०७०.०१  
 स भिक्षमाणो अमृतस्य चारुण उभे द्यावा काव्येना वि शश्रथे ।  
 तेजिष्ठा अपो मंहना परि व्यत यदी देवस्य श्रवसा सदो विदुः ॥ १.०७०.०२  
 ते अस्य सन्तु केतवोऽमृत्यवोऽदाभ्यासो जनुषी उभे अनु ।  
 येभिर्नुम्णा च देव्या च पुनत आदिद्राजानं मनना अगृभ्णत ॥ १.०७०.०३  
 स मृज्यमानो दशभिः सुकर्मभिः प्र मध्यमासु मातृषु प्रमे सचा ।  
 व्रतानि पानो अमृतस्य चारुण उभे नृचक्षा अनु पश्यते विशो ॥ १.०७०.०४  
 स मर्मजान इन्द्रियाय धायस ओभे अन्ता रोदसी हर्षते हितः ।  
 वृषा शुष्मेण बाधते वि दुर्मतीरादेदिशानः शर्यहेव शुरुधः ॥ १.०७०.०५  
 स मातरा न ददृशान उस्त्रियो नानददेति मरुतामिव स्वनः ।  
 जानन्नृतं प्रथमं यत्स्वर्णरं प्रशस्तये कमवृणीत सुक्रतुः ॥ १.०७०.०६  
 रुवति भीमो वृषभस्तविष्यया शृङ्गे शिशानो हरिणी विचक्षणः ।  
 आ योनिं सोमः सुकृतं नि षीदति गव्ययी त्वग्भवति निर्णिगव्ययी ॥ १.०७०.०७  
 शुचिः पुनानस्तन्वमरेपसमव्ये हरिन्यधाविष्ट सानवि ।  
 जुष्टो मित्राय वरुणाय वायवे त्रिधातु मधु क्रियते सुकर्मभिः ॥ १.०७०.०८  
 पवस्व सोम देववीतये वृषेन्द्रस्य हार्दि सोमधानमा विश ।  
 पुरा नो बाधाद्दुरिताति पारय क्षेत्रविद्धि दिश आहा विपृच्छते ॥ १.०७०.०९  
 हितो न सप्तिरभि वाजमर्षेन्द्रस्येन्दो जठरमा पवस्व ।  
 नावा न सिन्धुमति पर्षि विद्वाञ्छूरो न युध्यन्नव नो निदः स्पः ॥ १.०७०.१०  
 आ दक्षिणा सृज्यते शुष्म्याऽसदं वेति द्रुहो रक्षसः पाति जागृविः ।  
 हरिरोपशं कृणुते नभस्पय उपस्तिरे चम्बोऽर्ब्रह्म निर्णिजे ॥ १.०७१.०१  
 प्र कृष्टिहेव शूष एति रोरुवदसुर्यं वर्णं नि रिणीते अस्य तम् ।  
 जहाति वत्रिं पितुरेति निष्कृतमुपप्रुतं कृणुते निर्णिजं तना ॥ १.०७१.०२

अद्रिभिः सुतः पवते गभस्त्योर्वृषायते नभसा वेपते मती ।  
 स मोदते नसते साधते गिरा नैनिके अप्सु यजते परीमणि ॥ १.०७१.०३  
 परि द्युक्षं सहसः पर्वतावृधं मध्वः सिञ्चन्ति हर्म्यस्य सक्षणिम् ।  
 आ यस्मिन्नावः सुहताद ऊधनि मूर्धञ्छ्रीणन्त्यग्रियं वरीमभिः ॥ १.०७१.०४  
 समी रथं न भुरिजोरहेषत दश स्वसारो अदितेरुपस्थ आ ।  
 जिगादुप ज्रयति गोरपीच्यं पदं यदस्य मतुथा अजीजनन् ॥ १.०७१.०५  
 श्येनो न योनिं सदनं धिया कृतं हिरण्ययमासदं देव एषति ।  
 ए रिणन्ति बर्हिषि प्रियं गिराश्चो न देवाँ अप्येति यज्ञियः ॥ १.०७१.०६  
 परा व्यक्तो अरुषो दिवः कविर्वृषा त्रिपृष्ठो अनविष्ट गा अभि ।  
 सहस्रणीतिर्यतिः परायती रेभो न पूर्वीरुषसो वि राजति ॥ १.०७१.०७  
 त्वेषं रूपं कृणुते वर्णो अस्य स यत्राशयत्समृता सेधति सिधः ।  
 अप्सा याति स्वधया दैव्यं जनं सं सुष्टुती नसते सं गोअग्रया ॥ १.०७१.०८  
 उक्षेव यूथा परियन्नरावीदधि त्विषीरधित सूर्यस्य ।  
 दिव्यः सुपर्णोऽव चक्षत क्षां सोमः परि ऋतुना पश्यते जाः ॥ १.०७१.०९  
 हरिं मृजन्त्यरुषो न युज्यते सं धेनुभिः कलशे सोमो अज्यते ।  
 उद्वाचमीरयति हिन्वते मती पुरुष्टुतस्य कति चित्परिप्रियः ॥ १.०७२.०१  
 साकं वदन्ति बहवो मनीषिण इन्द्रस्य सोमं जठरे यदादुहुः ।  
 यदी मृजन्ति सुगभस्तयो नरः सनीळाभिर्दशभिः काम्यं मधु ॥ १.०७२.०२  
 अरममाणो अत्येति गा अभि सूर्यस्य प्रियं दुहितुस्तिरो रवम् ।  
 अन्वस्मै जोषमभरद्विनंगृसः सं द्वयीभिः स्वसृभिः क्षेति जामिभिः ॥ १.०७२.०३  
 नृधूतो अद्रिषुतो बर्हिषि प्रियः पतिर्गवां प्रदिव इन्दुर्ऋत्वियः ।  
 पुरंधिवान्मनुषो यज्ञसाधनः शुचिर्धिया पवते सोम इन्द्र ते ॥ १.०७२.०४  
 नृबाहुभ्यां चोदितो धारया सुतोऽनुष्वधं पवते सोम इन्द्र ते ।  
 आप्राः ऋतुन्समजैरध्वरे मतीर्वेर्न द्रुषच्चम्बोऽरासदद्धरिः ॥ १.०७२.०५  
 अंशुं दुहन्ति स्तनयन्तमक्षितं कविं कवयोऽपसो मनीषिणः ।  
 समी गावो मतयो यन्ति संयत ऋतस्य योना सदने पुनर्भुवः ॥ १.०७२.०६

नाभां पृथिव्या धरुणो महो दिवोऽपामूर्मौ सिन्धुष्वन्तरिक्षितः ।  
इन्द्रस्य वज्रो वृषभो विभूवसुः सोमो हृदे पवते चारु मत्सरः ॥ १.०७२.०७  
स तू पवस्व परि पार्थिवं रजः स्तोत्रे शिक्षन्नाधून्वते च सुक्रतो ।  
मा नो निर्भाग्वसुनः सादनस्पृशो रयिं पिशङ्गं बहुलं वसीमहि ॥ १.०७२.०८  
आ तू न इन्दो शतदात्वश्व्यं सहस्रदातु पशुमद्धिरण्यवत् ।  
उप मास्व बृहती रेवतीरिषोऽधि स्तोत्रस्य पवमान नो गहि ॥ १.०७२.०९  
स्रक्के द्रप्सस्य धमतः समस्वरन्नृतस्य योना समरन्त नाभयः ।  
त्रीन्स मूर्ध्नो असुरश्चक्र आरभे सत्यस्य नावः सुकृतमपीपरन् ॥ १.०७३.०१  
सम्यक्सम्यश्चो महिषा अहेषत सिन्धोरूर्मावधि वेना अवीविपन् ।  
मधोर्धाराभिर्जनयन्तो अर्कमित्त्रियामिन्द्रस्य तन्वमवीवृधन् ॥ १.०७३.०२  
पवित्रवन्तः परि वाचमासते पितैषां प्रत्नो अभि रक्षति व्रतम् ।  
महः समुद्रं वरुणस्तिरो दधे धीरा इच्छेकुर्धरुणेष्वारभम् ॥ १.०७३.०३  
सहस्रधारेऽव ते समस्वरन्दिवो नाके मधुजिह्वा असश्चतः ।  
अस्य स्पृशो न नि मिषन्ति भूर्णयः पदेपदे पाशिनः सन्ति सेतवः ॥ १.०७३.०४  
पितुर्मातुरध्या ये समस्वरन्नुचा शोचन्तः संदहन्तो अत्रतान् ।  
इन्द्रद्विष्टामप धमन्ति मायया त्वचमसिक्रीं भूमनो दिवस्परि ॥ १.०७३.०५  
प्रत्नान्मानादध्या ये समस्वरञ्छोकयन्नासो रभसस्य मन्तवः ।  
अपानक्षासो बधिरा अहासत ऋतस्य पन्थां न तरन्ति दुष्कृतः ॥ १.०७३.०६  
सहस्रधारे वितते पवित्र आ वाच पुनन्ति कवयो मनीषिणः ।  
रुद्रास एषामिषिरासो अद्रुहः स्पशः स्वश्चः सुदृशो नृचक्षसः ॥ १.०७३.०७  
ऋतस्य गोपा न दभाय सुक्रतुस्त्री ष पवित्रा हृद्यश्न्तरा दधे ।  
विद्वान्स विश्वा भुवनाभि पश्यत्यवाजुष्टान्विध्यति कर्ते अत्रतान् ॥ १.०७३.०८  
ऋतस्य तन्तुर्विततः पवित्र आ जिह्वाया अग्रे वरुणस्य मायया ।  
धीराश्चित्तस्मिन्क्षन्त आशतात्रा कर्तमव पदात्यप्रभुः ॥ १.०७३.०९  
शिशुर्न जातोऽव चक्रदद्वने स्वर्श्र्यद्वाज्यरुषः सिषासति ।  
दिवो रेतसा सचते पयोवृधा तमीमहे सुमती शर्म सप्रथः ॥ १.०७४.०१

दि॒वो यः स्क॒म्भो ध॒रुणः॑ स्वा॒तत॑ आ॒पूर्णे॑ अंशुः पर्येति॑ वि॒श्वतः॑ ।  
 सेमे॑ म॒ही रोद॑सी यक्षदा॒वृता॑ समीची॒ने दा॒धार॑ समिषः क॒विः ॥ १.०७४.०२  
 म॒हि प्सरः॑ सु॒कृतं॑ सो॒म्यं मधूर्वी॑ ग॒व्युति॑रदि॒तेऋ॒तं यते॑ ।  
 ई॒शे यो वृ॒ष्टेरि॑त उ॒स्त्रियो॑ वृषापां॒ नेता॑ य इ॒तऊ॒तिऋ॒ग्मि॒यः ॥ १.०७४.०३  
 आ॒त्मन्व॑न्नभो दुह्यते घृतं पय ऋ॒तस्य॑ नाभिर॒मृतं॑ वि जा॒यते॑ ।  
 स॒मीची॑नाः सु॒दानवः॑ प्रीणन्ति तं नरो हितमव मेहन्ति॑ पेरवः ॥ १.०७४.०४  
 अ॒रावी॑दंशुः सच॒मान ऊ॒र्मिणा॑ दे॒वाव्यं॑ मनुषे पि॒न्वति॑ त्वचम् ।  
 दधा॑ति गर्भ॒मदि॑तेरु॒पस्थ॑ आ येन॒ तोकं॑ च॒ तनयं॑ च॒ धाम॑हे ॥ १.०७४.०५  
 स॒हस्र॑धारेऽव ता अस॒श्वत॑स्तृ॒तीये॑ सन्तु रज॒सि प्र॑जावतीः ।  
 च॒तस्रो॑ नाभो निहि॒ता अ॒वो दि॒वो ह॒विर्भ॑रन्त्य॒मृतं॑ घृ॒तश्च॒तः ॥ १.०७४.०६  
 श्वे॒तं रू॒पं कृ॒णुते॑ यत्सिषा॒सति॑ सोमो मी॒ढ्वँ असुरो॑ वेद भूमनः ।  
 धि॒या श॑मी स॒चते॑ से॒मभि॑ प्र॒वद्वि॑वस्क॒वन्ध॒मव॑ दर्षदु॒द्रिण॑म् ॥ १.०७४.०७  
 अध॑ श्वे॒तं क॒लशं॑ गोभिर॒क्तं का॒र्ष्मन्ना॑ वा॒ज्य॒क्री॒मीत्स॑वान् ।  
 आ हि॒न्विरे॑ मनसा दे॒वय॑न्तः क॒क्षी॒वते॑ श॒तहि॑माय गो॒नाम् ॥ १.०७४.०८  
 अ॒द्भिः सो॑म प॒पृचान॑स्य ते र॒सोऽव्यो॑ वा॒रं वि॑ प॒वमा॑न धावति ।  
 स मृ॒ज्यमा॑नः क॒विभि॑र्मदि॒न्तम॑ स्व॒दस्वे॑न्द्राय प॒वमा॑न पी॒तये॑ ॥ १.०७४.०९  
 अ॒भि प्रि॒याणि॑ प॒वते॑ च॒नो॒हितो॑ नामानि य॒हो अ॒धि॒ येषु॑ वर्धते ।  
 आ सूर्य॑स्य बृ॒हतो॑ बृ॒हन्न॑धि रथं वि॒ष्वश्च॑मरुहद्विचक्षणः ॥ १.०७५.०१  
 ऋ॒तस्य॑ जि॒ह्वा प॒वते॑ मधु प्रि॒यं व॒क्ता प॒तिर्धियो॑ अ॒स्या अ॒दाभ्यः॑ ।  
 दधा॑ति पु॒त्रः पि॒त्रोर॑पी॒च्यं॑ नाम तृ॒तीय॑मधि रो॒चने॑ दि॒वः ॥ १.०७५.०२  
 अ॒व द्यु॒तानः॑ क॒लशाँ॑ अ॒चि॒क्रद॑न्नृभि॒र्येमा॑नः कोश॒ आ हि॑र॒ण्यये॑ ।  
 अ॒भीमृ॑तस्य दोह॒ना अ॒नूष॑ताधि त्रि॒पृष्ठ॑ उ॒षसो॑ वि रा॒जति॑ ॥ १.०७५.०३  
 अ॒द्भिभिः॑ सु॒तो म॒तिभि॑श्च॒नो॒हितः॑ प्र॒रोच॑यन्नोदसी मा॒तरा॑ शु॒चिः ।  
 रो॒मा॒ण्य॒व्या स॒मया॑ वि धावति मधो॒र्धारा॑ पि॒न्वमा॑ना दि॒वेदि॒वे ॥ १.०७५.०४  
 परि॑ सोम प्र ध॒न्वा स्व॑स्तये नृभिः पु॒नानो॑ अ॒भि वा॑सया॒शिर॑म् ।  
 ये ते॑ म॒दा आ॒हन॑सो विहाय॒सस्ते॑भि॒रिन्द्रं॑ चोदय॒ दात॑वे म॒घम् ॥ १.०७५.०५

धर्ता दिवः पवते कृत्व्यो रसो दक्षो देवानामनुमाद्यो नृभिः ।  
हरिः सृजानो अत्यो न सत्वभिर्वृथा पाजासि कृणुते नदीष्वा ॥ १.०७६.०१  
शूरो न धत्त आयुधा गभस्त्योः स्व१ः सिषासन्नथिरो गविष्टिषु ।  
इन्द्रस्य शुष्ममीरयन्नपस्युभिरिन्दुर्हिन्वानो अज्यते मनीषिभिः ॥ १.०७६.०२  
इन्द्रस्य सोम पवमान ऊर्मिणा तविष्यमाणो जठरेष्वा विश ।  
प्र णः पिन्व विद्युदभ्रेव रोदसी धिया न वाजाँ उप मासि शश्वतः ॥ १.०७६.०३  
विश्वस्य राजा पवते स्वर्दृश ऋतस्य धीतिमृषिपाळवीवशत् ।  
यः सूर्यस्यासिरेण मृज्यते पिता मतीनामसमष्टकाव्यः ॥ १.०७६.०४  
वृषेव यूथा परि कोशमर्षस्यपामुपस्थे वृषभः कनिक्रदत् ।  
स इन्द्राय पवसे मत्सरिन्तमो यथा जेषाम समिथे त्वोतयः ॥ १.०७६.०५  
एष प्र कोशे मधुमाँ अचिक्रददिन्द्रस्य वज्रो वपुषो वपुष्टरः ।  
अभीमृतस्य सुदुघा घृतश्चुतो वाश्रा अर्षन्ति पयसेव धेनवः ॥ १.०७७.०१  
स पूर्य्यः पवते यं दिवस्परि श्येनो मथायदिषितस्तिरो रजः ।  
स मध्व आ युवते वेविजान इत्कृशानोरस्तुर्मनसाह विभ्युषा ॥ १.०७७.०२  
ते नः पूर्वास उपरास इन्दवो महे वाजाय धन्वन्तु गोमते ।  
ईक्षण्यासो अहो३ न चारवो ब्रह्मब्रह्म ये जुजुषुर्हविर्विः ॥ १.०७७.०३  
अयं नो विद्वान्वनवद्वनुष्यत इन्दुः सत्राचा मनसा पुरुष्टुतः ।  
इनस्य यः सदने गर्भमादधे गवामुरुज्जमभ्यर्षति ब्रजम् ॥ १.०७७.०४  
चक्रिर्दिवः पवते कृत्व्यो रसो महौ अदब्धो वरुणो हरुग्यते ।  
असावि मित्रो वृजनेषु यज्ञियोऽत्यो न यूथे वृषयुः कनिक्रदत् ॥ १.०७७.०५  
प्र राजा वाचं जनयन्नसिष्यददपो वसानो अभि गा इयक्षति ।  
गुग्णाति रिप्रमविरस्य तान्वा शुद्धो देवानामुप याति निष्कृतम् ॥ १.०७८.०१  
इन्द्राय सोम परि पिच्यसे नृभिर्नृचक्षा ऊर्मिः कविरज्यसे वने ।  
पूर्वीर्हि ते स्रुतयः सन्ति यातवे सहस्रमश्व हरयश्चमूषदः ॥ १.०७८.०२  
समुद्रिया अप्सरसो मनीषिणमासीना अन्तरभि सोममक्षरन् ।  
ता ई हिन्वन्ति हर्म्यस्य सक्षणिं याचन्ते सुम्रं पवमानमक्षितम् ॥ १.०७८.०३

गो॒जि॒न्नः सो॒मो रथ॑जिद्धि॒रण्यजि॒त्स्वर्जि॒दब्जि॒त्पव॑ते सह॒स्रजि॑त् ।  
 यं दे॒वास॑श्च॒क्रिरे पी॑तये म॒दं स्वा॑दिष्टं द्र॒प्सम॑रुणं म॒योभु॑वम् ॥ १.०७८.०४  
 ए॒तानि सो॒म प॑वमानो अ॒स्मयुः स॒त्यानि कृ॑ण्वन्द्र॒विणा॒न्यर्ष॑सि ।  
 ज॒हि शत्रु॑म॒न्तिके दूर॑के च य उ॒र्वी ग॑व्यू॒तिम॑भयं च नस्कृ॒धि ॥ १.०७८.०५  
 अ॒चोद॑सो नो ध॒न्वन्त्वि॒न्दवः प्र सु॑वा॒नासो बृ॑हद्वि॒वेषु॑ हर॒यः ।  
 वि च न॑शन्न इ॒षो अ॑रा॒तयोऽर्यो॑ न॒शन्त॑ स॒निष॑न्त नो धि॒यः ॥ १.०७९.०१  
 प्र णो ध॒न्वन्त्वि॒न्दवो म॑द॒च्युतो॑ ध॒ना वा ये॑भि॒रर्व॑तो जु॒नीम॑सि ।  
 ति॒रो म॑र्त॒स्य क॑स्य चि॒त्परि॑हृतिं व॒यं ध॑नानि वि॒श्वधा॑ भ॒रेम॑हि ॥ १.०७९.०२  
 उ॒त स्व॑स्या अ॒रात्या अ॑रि॒र्हि ष उ॑तान्य॒स्या अ॑रा॒त्या वृ॒को हि षः ।  
 ध॒न्वन्न॑ तृ॒ष्णा स॑म॒रीत॑ ताँ अ॒भि सो॑म ज॒हि प॑वमान दुरा॒ध्यः ॥ १.०७९.०३  
 दि॒वि ते॒ नाभा॑ प॒रमो॑ य आ॒ददे॑ पृथि॒व्यास्ते॑ रुरु॒हः सा॑न॒वि क्षि॑पः ।  
 अ॒द्रय॑स्त्वा ब॒प्सति॑ गोरधि॒ त्वच्य॑ष्म॒ त्वा ह॑स्तेर्दु॒दुहु॑र्मनी॒षिणः ॥ १.०७९.०४  
 ए॒वा त इ॒न्दो सु॑भ्वं सु॒पेश॑सं र॒सं तु॑ञ्जन्ति प्रथ॒मा अ॑भि॒श्रियः॑ ।  
 नि॒दनि॑दं प॒वमान॑ नि ता॒रिष॑ आ॒विस्ते॑ शु॒ष्मो भ॑वतु प्रि॒यो म॑दः ॥ १.०७९.०५  
 सो॒मस्य॑ धा॒रा प॑वते नृ॒चक्ष॑स ऋ॒तेन॑ दे॒वान्ह॑वते दि॒वस्प॑रि ।  
 बृ॒हस्प॑ते र॒वथे॑ना वि दि॒द्युते॑ स॒मुद्रा॑सो न स॒वनानि॑ वि॒व्यचुः ॥ १.०८०.०१  
 यं त्वा वा॑जि॒न्नघ्न्या॑ अ॒भ्यनू॑षतायो॒हतं॑ यो॒निमा॑ रो॒हसि॑ द्यु॒मान् ।  
 म॒घोना॑मायुः प्र॒तिर॑न्महि श्र॒व इ॒न्द्राय॑ सो॒म प॑वसे वृ॒षा म॑दः ॥ १.०८०.०२  
 ए॒न्द्रस्य॑ कु॒क्षा प॑वते म॒दिन्त॑म ऊ॒र्जं व॑सानः श्र॒वसे॑ सु॒मङ्ग॑लः ।  
 प्र॒त्यङ्ग॑ वि॒श्वा भु॑वना॒भि प॑प्रथे क्री॒ळन्ह॑रि॒रित्यः॑ स्य॒न्दते॑ वृ॒षा ॥ १.०८०.०३  
 तं त्वा दे॒वेभ्यो॑ मधु॒मत्त॑मं नरः स॒हस्र॑धारं दु॒हते॑ दश क्षि॒पः ।  
 नृ॒भिः सो॑म प्र॒च्युतो॑ ग्रा॒वभिः॑ सु॒तो वि॒श्वान्दे॒वाँ आ॑ प॒वस्वा॑ सह॒स्रजि॑त् ॥ १.०८०.०४  
 तं त्वा ह॑स्ति॒नो म॑धु॒मन्त॑म॒द्रिभि॑र्दु॒हन्त्य॑ष्म वृ॒षभं॑ दश क्षि॒पः ।  
 इ॒न्द्र सो॑म मा॒दय॑न्दै॒व्यं ज॑नं सि॒न्धोरि॑वो॒र्मिः प॑वमानो अ॒र्षसि॑ ॥ १.०८०.०५  
 प्र सो॑मस्य प॒वमान॑स्यो॒र्मय॑ इ॒न्द्रस्य॑ यन्ति ज॒ठरं॑ सु॒पेश॑सः ।  
 द॒ध्ना य॑दी॒मुत्री॑ता य॒शसा॑ ग॒वा द॑नाय शूर॒मुद॑म॒न्दिषुः॑ सु॒ताः ॥ १.०८१.०१



अच्छा हि सोमः कलशाँ अस्मिष्यददत्यो न वोव्हा रघुवर्तनिर्वृषा ।  
 अथा देवानामुभयस्य जन्मनो विद्वान् अश्रोत्यमुत इतश्च यत् ॥ १.०८१.०२  
 आ नः सोम पवमानः किरा वस्विन्दो भव मघवा राधसो महः ।  
 शिक्षा वयोधो वसवे सु चेतुना मा नो गयमारे अस्मत्परा सिचः ॥ १.०८१.०३  
 आ नः पूषा पवमानः सुरातयो मित्रो गच्छन्तु वरुणः सजोषसः ।  
 बृहस्पतिर्मरुतो वायुरश्विना त्वष्टा सविता सुयमा सरस्वती ॥ १.०८१.०४  
 उभे द्यावापृथिवी विश्वमिन्वे अर्यमा देवो अदितिर्विधाता ।  
 भगो नृशंस उर्वशन्तरिक्षं विश्वे देवाः पवमानं जुषन्त ॥ १.०८१.०५  
 असावि सोमो अरुषो वृषा हरी राजेव दस्मो अभि गा अचिक्रदत् ।  
 पुनानो वारं पर्येत्यव्यय श्येनो न योनि घृतवन्तमासदम् ॥ १.०८२.०१  
 कविर्वेधस्या पर्येषि माहिनमत्यो न मृष्टो अभि वाजमर्षसि ।  
 अपसेधन्दुरिता सोम मृळ्य घृतं वसानः परि यासि निर्णिजम् ॥ १.०८२.०२  
 पर्जन्यः पिता महिषस्य पर्णिनो नाभा पृथिव्या गिरिषु क्षयं दधे ।  
 स्वसार आपो अभि गा उतासरन्सं ग्रावभिर्नसते वीते अध्वरे ॥ १.०८२.०३  
 जायेव पत्यावधि शेव मंहसे पञ्जाया गर्भं शृणुहि ब्रवीमि ते ।  
 अन्तर्वाणीषु प्र चरा सु जीवसेऽनिन्द्यो वृजने सोम जागृहि ॥ १.०८२.०४  
 यथा पूर्वभ्यः शतसा अमृध्रः सहस्रसाः पर्यया वाजमिन्दो ।  
 एवा पवस्व सुविताय नव्यसे तव व्रतमन्वापः सचन्ते ॥ १.०८२.०५  
 पवित्रं ते विततं ब्रह्मणस्पते प्रभुर्गात्राणि पर्येषि विश्वतः ।  
 अतप्ततनूर्न तदामो अश्रुते शृतास इद्वहन्तस्तत्समाशत ॥ १.०८३.०१  
 तपोष्पवित्रं विततं दिवस्पदे शोचन्तो अस्य तन्तवो व्यस्थिरन् ।  
 अवन्त्यस्य पवीतारमाशवो दिवस्पृष्टमधि तिष्ठन्ति चेतसा ॥ १.०८३.०२  
 अरूरुचदुषसः पृश्निरग्रिय उक्षा बिभर्ति भुवनानि वाजयुः ।  
 मायाविनो ममिरे अस्य मायया नृचक्षसः पितरो गर्भमा दधुः ॥ १.०८३.०३  
 गन्धर्व इत्था पदमस्य रक्षति पाति देवानां जनिमान्यद्भुतः ।  
 गुग्णाति रिपुं निधया निधापतिः सुकृतमा मधुनो भक्षमाशत ॥ १.०८३.०४

हविर्हविष्मो महि सद्य दैव्यं नभो वसानः परि यास्यध्वरम् ।  
राजा पवित्ररथो वाजमारुहः सहस्रभृष्टिर्जयसि श्रवो बृहत् ॥ १.०८३.०५  
पवस्व देवमादनो विचर्षणिरप्सा इन्द्राय वरुणाय वायवे ।  
कृधी नो अद्य वरिवः स्वस्तिमदुरुक्षितौ गृणीहि दैव्यं जनम् ॥ १.०८४.०१  
आ यस्तस्थौ भुवनान्यमर्त्यो विश्वानि सोमः परि तान्यर्षति ।  
कृण्वन्संचृतं विचृतमभिष्टय इन्दुः सिषक्त्युषसं न सूर्यः ॥ १.०८४.०२  
आ यो गोभिः सृज्यत ओषधीष्वा देवानां सुम्र इषयन्नुपावसुः ।  
आ विद्युता पवते धारया सुत इन्द्रं सोमो मादयन्दैव्यं जनम् ॥ १.०८४.०३  
एष स्य सोमः पवते सहस्रजिद्धिन्वानो वाचमिषिरामुषर्बुधम् ।  
इन्दुः समुद्रमुदियति वायुभिरेन्द्रस्य हादि कलशेषु सीदति ॥ १.०८४.०४  
अभि त्यं गावः पयसा पयोवृधं सोमं श्रीणन्ति मतिभिः स्वर्विदम् ।  
धनंजयः पवते कृत्व्यो रसो विप्रः कविः काव्येना स्वर्चनाः ॥ १.०८४.०५  
इन्द्राय सोम सुषुतः परि स्रवापामीवा भवतु रक्षसा सह ।  
मा ते रसस्य मत्सत द्वयाविनो द्रविणस्वन्त इह सन्त्विन्दवः ॥ १.०८५.०१  
अस्मान्समर्ये पवमान चोदय दक्षा देवानामसि हि प्रियो मदः ।  
जहि शत्रूँरभ्या भन्दनायतः पिबेन्द्र सोममव नो मृधो जहि ॥ १.०८५.०२  
अदब्ध इन्दो पवसे मदिन्तम आत्मेन्द्रस्य भवसि धासिरुत्तमः ।  
अभि स्वरन्ति बहवो मनीषिणो राजानमस्य भुवनस्य निंसते ॥ १.०८५.०३  
सहस्रणीथः शतधारो अद्भुत इन्द्रायेन्दुः पवते काम्यं मधु ।  
जयन्क्षेत्रमभ्यर्षा जयन्नप उरुं नो गातुं कृणु सोम मीढ्वः ॥ १.०८५.०४  
कनिक्रदत्कलशे गोभिरज्यसे व्यश्व्ययं समया वारमर्षसि ।  
मर्मृज्यमानो अत्यो न सानसिरिन्द्रस्य सोम जठरे समक्षरः ॥ १.०८५.०५  
स्वादुः पवस्व दिव्याय जन्मने स्वादुरिन्द्राय सुहवीतुनाम्ने ।  
स्वादुर्मित्राय वरुणाय वायवे बृहस्पतये मधुमाँ अदाभ्यः ॥ १.०८५.०६  
अत्यं मृजन्ति कलशे दश क्षिपः प्र विप्राणां मतयो वाच ईरते ।  
पवमाना अभ्यर्षन्ति सुष्टुतिमेन्द्र विशन्ति मदिरास इन्दवः ॥ १.०८५.०७

पवमानो अभ्यर्षा सुवीर्यमुर्वी गव्यूतिं महि शर्म सप्रथः ।  
 माकिर्नो अस्य परिषूतिरीशतेन्दो जयेम त्वया धनधनम् ॥ १.०८५.०८  
 अधि द्यामस्थाद्वृषभो विचक्षणोऽरुरुचद्वि दिवो रोचना कविः ।  
 राजा पवित्रमत्येति रोरुवद्विवः पीयूष दुहते नृचक्षसः ॥ १.०८५.०९  
 दिवो नाके मधुजिह्वा असश्चतो वेना दुहन्त्युक्षणं गिरिष्ठाम् ।  
 अप्सु द्रप्सं वावृधानं समुद्र आ सिन्धोरूर्मा मधुमन्तं पवित्र आ ॥ १.०८५.१०  
 नाके सुपर्णमुपपत्तिवांसं गिरो वेनानामकृपन्त पूर्वीः ।  
 शिशु रिहन्ति मतयः पनिप्रतं हिरण्ययं शकुनं क्षामणि स्थाम् ॥ १.०८५.११  
 ऊर्ध्वो गन्धर्वो अधि नाके अस्थाद्विश्वा रूपा प्रतिचक्षणो अस्य ।  
 भानुः शुक्रेण शोचिषा व्यद्यौत्प्रारूरुचद्रोदसी मातरा शुचिः ॥ १.०८५.१२  
 प्र त आशवः पवमान धीजवो मदा अर्षन्ति रघुजा इव त्मना ।  
 दिव्याः सुपर्णा मधुमन्त इन्दवो मदिन्तमासः परि कोशमासते ॥ १.०८६.०१  
 प्र ते मदासो मदिरास आशवोऽसृक्षत रथ्यासो यथा पृथक् ।  
 धेनुर्न वत्सं पयसाभि वज्रिणमिन्द्रमिन्दवो मधुमन्त ऊर्मयः ॥ १.०८६.०२  
 अत्यो न हियानो अभि वाजमर्ष स्वर्वित्कोशं दिवो अद्रिमातरम् ।  
 वृषा पवित्रे अधि सानो अव्यये सोमः पुनान इन्द्रियाय धायसे ॥ १.०८६.०३  
 प्र त आश्विनीः पवमान धीजुवो दिव्या असुग्रन्पयसा धरीमणि ।  
 प्रान्तरुषयः स्थाविरीरसृक्षत ये त्वा मृजन्त्युषिषाण वेधसः ॥ १.०८६.०४  
 विश्वा धामानि विश्वचक्ष ऋभ्वसः प्रभोस्ते सतः परि यन्ति केतवः ।  
 व्यानशिः पवसे सोम धर्मभिः पतिर्विश्वस्य भुवनस्य राजसि ॥ १.०८६.०५  
 उभयतः पवमानस्य रश्मयो ध्रुवस्य सतः परि यन्ति केतवः ।  
 यदी पवित्रे अधि मृज्यते हरिः सत्ता नि योना कलशेषु सीदति ॥ १.०८६.०६  
 यज्ञस्य केतुः पवते स्वध्वरः सोमो देवानामुप याति निष्कृतम् ।  
 सहस्रधारः परि कोशमर्षति वृषा पवित्रमत्येति रोरुवत् ॥ १.०८६.०७  
 राजा समुद्रं नद्योऽ वि गाहतेऽपामूर्मिं सचते सिन्धुषु श्रितः ।  
 अध्यस्थात्सानु पवमानो अव्ययं नाभा पृथिव्या धरुणो महो दिवः ॥ १.०८६.०८

दि॒वो न॑ सा॒नु स्त॒नय॑न्नचि॒क्रद॑द्द्वौश्च॒ यस्य॑ पृथि॒वी च॑ ध॒र्मभिः॑ ।  
 इ॒न्द्रस्य॑ स॒ख्यं प॑वते वि॒वेवि॑दत्सोमः पु॒नानः॑ क॒लशेषु॑ सीदति ॥ ९.०८६.०९  
 ज्योति॑र्य॒ज्ञस्य॑ प॑वते मधु॒ प्रियं॑ पि॒ता दे॒वानां॑ जनि॒ता वि॒भूव॑सुः ।  
 दधा॑ति रत्न॒ स्वध॑योरपी॒च्य म॑दि॒न्तमो॑ मत्सर॒ इन्द्रि॑यो रसः ॥ ९.०८६.१०  
 अ॒भिक्र॑न्दन्क॒लशं॑ वा॒ज्यर्ष॑ति॒ पति॑र्दिवः शत॒धारो॑ वि॒चक्ष॑णः ।  
 हरि॑र्मि॒त्रस्य॑ स॒दनेषु॑ सीदति म॒र्मजा॑नोऽवि॒भिः सि॒न्धुभि॑र्वृषा ॥ ९.०८६.११  
 अ॒ग्रे सि॑न्धूनां प॑वमानो अ॒र्षत्य॑ग्रे वा॒चो अ॒ग्रियो॑ गोषु गच्छति ।  
 अ॒ग्रे वा॑जस्य भ॒जते॑ महा॒धनं॑ स्वा॒युधः॑ सो॒तृभिः॑ पू॒यते॑ वृषा ॥ ९.०८६.१२  
 अ॒यं म॑तवाञ्छ॒कुनो॑ यथा हि॒तोऽव्ये॑ स॒सार॑ प॑वमान ऊ॒र्मिणा॑ ।  
 तव॑ क्र॒त्वा रो॑दसी अ॒न्तरा॑ क॒वे शु॑चि॒र्धिया॑ प॑वते सोम॒ इन्द्र॑ ते ॥ ९.०८६.१३  
 द्रा॒पिं व॑सानो य॒जतो॑ दि॒विस्पृ॑शमन्तरि॒क्षप्रा॑ भु॒वनेष्व॑र्षितः ।  
 स्व॒र्जज्ञा॑नो न॒भसा॑भ्य॒क्रमी॑त्प्र॒त्नम॑स्य पि॒तर॑मा वि॒वास॑ति ॥ ९.०८६.१४  
 सो अ॑स्य वि॒शे म॑हि श॒र्म य॑च्छति॒ यो अ॑स्य॒ धाम॑ प्रथ॒मं व्या॑नशे ।  
 प॒दं य॑दस्य॒ पर॑मे व्यो॒मन्य॑तो वि॒श्वा अ॒भि सं॑ याति सं॒यतः॑ ॥ ९.०८६.१५  
 प्रो अ॑यासीदि॒न्दुरि॑न्द्रस्य॒ निष्कृ॑तं स॒खा स॒ख्युर्न॑ प्र मि॒नाति॑ सं॒गिर॑म् ।  
 म॒र्य इ॒व यु॑वतिभिः॒ सम॑र्षति॒ सोमः॑ क॒लशे॑ श॒तया॑म्ना प॒था ॥ ९.०८६.१६  
 प्र वो॑ धि॒यो म॑न्द्र॒युवो॑ वि॒प॒न्युवः॑ प॒नस्यु॑वः सं॒वस॑नेष्व॒क्रमुः॑ ।  
 सोमं॑ म॒नीषा॑ अ॒भ्यनू॑षत॒ स्तुभो॑ऽभि॒ धे॒नवः॑ प॒यसे॑मशि॒श्रयुः॑ ॥ ९.०८६.१७  
 आ नः॑ सोम॒ संय॑तं पि॒प्युषी॑मिषमि॒न्दो प॑वस्व॒ पव॑मानो अ॒स्त्रिध॑म् ।  
 या नो॑ दो॒हते॑ त्रि॒रह॑न्नस॒श्वषी॑ क्षु॒मद्वा॑ज॒वन्म॑धु॒मत्सु॑वीर्यम् ॥ ९.०८६.१८  
 वृषा॑ म॒तीनां॑ प॑वते वि॒चक्ष॑णः सोमो॒ अहः॑ प्र॒तरी॑तोषसो॒ दिवः॑ ।  
 क्रा॒णा सि॑न्धूनां क॒लशां॑ अ॒वीव॑शदि॒न्द्रस्य॑ हा॒र्द्यावि॑शन्म॒नीषि॑भिः ॥ ९.०८६.१९  
 म॒नीषि॑भिः प॑वते पू॒र्व्यः क॑वि॒र्नृभि॑र्यतः परि॒ कोशां॑ अ॒चिक्र॑दत् ।  
 त्रि॒तस्य॑ नाम॒ जन॑यन्मधु॒ क्षर॑दि॒न्द्रस्य॑ वा॒योः स॒ख्याय॑ क॒र्तवे॑ ॥ ९.०८६.२०  
 अ॒यं पु॒नान॑ उ॒षसो॑ वि रो॒चय॑दयं सि॒न्धुभ्यो॑ अ॒भवदु॑ लो॒ककृ॑त् ।  
 अ॒यं त्रिः॑ स॒प्त दु॑दु॒हान॑ आ॒शिरं॑ सोमो॒ हृदे॑ प॑वते चा॒रु म॑त्सरः ॥ ९.०८६.२१  
 प॑वस्व सोम॒ दि॒व्येषु॑ धाम॒सु सृ॑जा॒न इ॒न्दो क॑ल॒शे प॑वि॒त्र आ॑ ।

सीदन्निन्द्रस्य जठरे कनिक्रदन्नृभिर्यतः सूर्यमारोहयो दिवि ॥ १.०८६.२२  
 अद्रिभिः सुतः पवसे पवित्र आँ इन्द्रविन्द्रस्य जठरेष्वाविशन् ।  
 त्वं नृचक्षा अभवो विचक्षण सोम गोत्रमङ्गिरोभ्योऽवृणोरप ॥ १.०८६.२३  
 त्वां सोम पवमानं स्वाध्योऽनु विप्रासो अमदन्नवस्यवः ।  
 त्वां सुपर्ण आभरद्विवस्परीन्दो विश्वाभिर्मतिभिः परिष्कृतम् ॥ १.०८६.२४  
 अव्ये पुनानं परि वार ऊर्मिणा हरि नवन्ते अभि सप्त धेनवः ।  
 अपामुपस्थे अध्यायवः कविमृतस्य योना महिषा अहेषत ॥ १.०८६.२५  
 इन्दुः पुनानो अति गाहते मृधो विश्वानि कृण्वन्मुपथानि यज्यवे ।  
 गाः कृण्वानो निर्णिजं हर्यतः कविरत्यो न क्रीळन्परि वारमर्षति ॥ १.०८६.२६  
 असश्चतः शतधारा अभिश्रियो हरि नवन्तेऽव ता उदन्युवः ।  
 क्षिपो मृजन्ति परि गोभिरावृतं तृतीये पृष्ठे अधि रोचने दिवः ॥ १.०८६.२७  
 तवेमाः प्रजा दिव्यस्य रेतसस्त्वं विश्वस्य भुवनस्य राजसि ।  
 अथेदं विश्वं पवमान ते वशे त्वमिन्दो प्रथमो धामधा असि ॥ १.०८६.२८  
 त्वं समुद्रो असि विश्ववित्कवे तवेमाः पञ्च प्रदिशो विधर्मणि ।  
 त्वं द्यां च पृथिवीं चाति जम्भिषे तव ज्योतीषि पवमान सूर्यः ॥ १.०८६.२९  
 त्वं पवित्रे रजसो विधर्मणि देवेभ्यः सोम पवमान पूयसे ।  
 त्वामुशिजः प्रथमा अगृभ्णत तुभ्येमा विश्वा भुवनानि येमिरे ॥ १.०८६.३०  
 प्र रेभ एत्यति वारमव्ययं वृषा वनेष्वव चक्रदद्धरिः ।  
 सं धीतयो वावशाना अनूषत शिशुं रिहन्ति मतयः पनिप्रतम् ॥ १.०८६.३१  
 स सूर्यस्य रश्मिभिः परि व्यत तन्तुं तन्वानस्त्रिवृतं यथा विदे ।  
 नयन्नृतस्य प्रशिषो नवीयसीः पतिर्जनीनामुप याति निष्कृतम् ॥ १.०८६.३२  
 राजा सिन्धूनां पवते पतिर्दिव ऋतस्य याति पथिभिः कनिक्रदत् ।  
 सहस्रधारः परि पिच्यते हरिः पुनानो वाचं जनयन्नृपावसुः ॥ १.०८६.३३  
 पवमान मह्यर्णो वि धावसि सूरु न चित्रो अव्ययानि पव्यया ।  
 गभस्तिपूतो नृभिरद्रिभिः सुतो महे वाजाय धन्याय धन्वसि ॥ १.०८६.३४  
 इषमूर्जं पवमानाभ्यर्षसि श्येनो न वंसु कलशेषु सीदसि ।  
 इन्द्राय मद्वा मद्यो मदः सुतो दिवो विष्टम्भ उपमो विचक्षणः ॥ १.०८६.३५

सप्त स्वसारो अ॒भि मा॒तरः शिशुं॑ नवं॒ जज्ञानं॑ जे॒न्यं वि॒पश्चित्म॑म् ।  
अपां॑ गन्ध॒र्वं दि॒व्यं नृ॒चक्ष॑सं सोमं॒ विश्व॑स्य भुवनस्य॒ राज॑से ॥ १.०८६.३६  
ई॒शान॑ इ॒मा भु॒वनानि॑ वी॒यसे॑ यु॒जान॑ इ॒न्दो ह॒रितः॑ सु॒पर्ण्यः॑ ।  
तास्ते॑ क्षरन्तु॒ मधु॑मद्भृतं प॒यस्तव॑ व्र॒ते सोम॑ तिष्ठन्तु॒ कृष्ट॑यः ॥ १.०८६.३७  
त्वं नृ॒चक्षा॑ अ॒सि सोम॑ विश्व॒तः प॒वमान॑ वृष॒भ ता वि॑ धावसि ।  
स नः॑ प॒वस्व॑ वसु॒मद्द्वि॒रण्य॑वद्वयं स्या॒म भु॒वनेषु॑ जी॒वसे ॥ १.०८६.३८  
गो॒वि॒त्प॒वस्व॑ वसु॒वि॒द्वि॒रण्य॑विद्रेतो॒धा इ॒न्दो भु॒वनेष्व॑र्षितः ।  
त्वं सु॒वीरो॑ अ॒सि सोम॑ विश्व॒वित्तं॑ त्वा वि॒प्रा उप॑ गिरेम आसते ॥ १.०८६.३९  
उ॒न्मध्व॑ ऊ॒र्मिर्व॑नना अतिष्ठि॒पद॑पो वसानो म॒हिषो॑ वि गा॒हते॑ ।  
राजा॑ प॒वित्र॑रथो वा॒जमा॑रुह॒त्सह॑स्रभृष्टि॒र्जयति॑ श्रवो बृ॒हत् ॥ १.०८६.४०  
स भ॒न्दना॑ उदियति प्र॒जावती॑र्वि॒श्वायु॑र्वि॒श्वः सु॒भरा॑ अ॒हर्दिवि॑ ।  
ब्र॒ह्म प्र॒जाव॑द्रयि॒मश्व॑पस्त्यं पी॒त इ॒न्दवि॒न्द्रम॑स्मभ्य॒ याच॑तात् ॥ १.०८६.४१  
सो अ॒ग्रे अ॒ह्नां ह॑रि॒र्हर्य॑तो म॒दः प्र॑ चेतसा चेतयते अनु॒ द्युभिः॑ ।  
द्वा जना॑ या॒तय॑न्नन्तरी॒यते॑ नरा च शंसं॒ दैव्य॑ च ध॒र्तीरि॑ ॥ १.०८६.४२  
अ॒ञ्जते॑ व्य॒ञ्जते॑ सम॒ञ्जते॑ क्रतुं रि॒हन्ति॑ मधु॒नाभ्य॑ञ्जते ।  
सि॒न्धो॒रुच्छ्वा॑से प॒तय॑न्तमु॒क्षणं॑ हि॒रण्य॑पा॒वाः प॒शुमा॑सु गृ॒भ्गते॑ ॥ १.०८६.४३  
वि॒पश्चिते॑ प॒वमाना॑य गा॒यत॑ म॒ही न धा॑रात्यन्धो अ॒र्षति॑ ।  
अ॒हिर्न॑ जू॒र्णाम॑ति सर्पति॒ त्वच॑मत्यो न क्री॒ळन्न॑सरद्वृषा ह॒रिः ॥ १.०८६.४४  
अ॒ग्रेगो॑ राजाप्यस्तविष्यते वि॒मानो॑ अ॒ह्नां भु॒वनेष्व॑र्षितः ।  
ह॒रिर्धृत॑सुः सु॒दृशी॑को अ॒र्णवो॑ ज्योती॒रथः॑ प॒वते॑ रा॒य ओ॒क्थः॑ ॥ १.०८६.४५  
अ॒सर्जि॑ स्क्र॒म्भो दि॒व उ॒द्यतो॑ म॒दः परि॑ त्रि॒धातु॑र्भुवनान्य॒र्षति॑ ।  
अंशुं॑ रि॒हन्ति॑ म॒तयः॑ प॒निप्र॑तं गि॒रा यदि॑ नि॒र्णिज॑मृ॒ग्मिणो॑ य॒युः ॥ १.०८६.४६  
प्र ते॑ धा॒रा अ॒त्य॒ण्वानि॑ मे॒ष्यः पु॒नान॑स्य सं॒यतो॑ यन्ति रं॒हयः॑ ।  
यद्गो॑भि॒रि॒न्दो च॒म्बोः स॒मज्य॑स आ सु॒वानः॑ सोम॒ कल॑शेषु सीदसि ॥ १.०८६.४७  
प॒वस्व॑ सोम॒ क्रतु॑वि॒न्न उ॒क्थ्योऽव्यो॑ वारे परि॒ धाव॑ मधु॒ प्रिय॑म् ।  
ज॒हि विश्वा॑न्न॒क्षस॑ इ॒न्दो अ॒त्रिणो॑ बृ॒हद्व॑देम वि॒दथे॑ सु॒वीराः ॥ १.०८६.४८

प्र तु द्रव परि कोशं नि षीद नृभिः पुनानो अभि वाजमर्ष ।  
 अश्वं न त्वा वाजिनं मर्जयन्तोऽच्छा बर्ही रशनाभिर्नयन्ति ॥ १.०८७.०१  
 स्वायुधः पवते देव इन्दुरशस्तिहा वृजनं रक्षमाणः ।  
 पिता देवानां जनिता सुदक्षो विष्टम्भो दिवो धरुणः पृथिव्याः ॥ १.०८७.०२  
 ऋषिर्विप्रः पुरएता जनानामृभुधीर उशना काव्येन ।  
 स चिद्विद्वेद निहितं यदासामपीच्यं गुह्यं नाम गोनाम् ॥ १.०८७.०३  
 एष स्य ते मधुमाँ इन्द्र सोमो वृषा वृष्णे परि पवित्रे अक्षाः ।  
 सहस्रसाः शतसा भूरिदावा शश्वत्तमं बर्हीरा वाज्यस्थात् ॥ १.०८७.०४  
 एते सोमा अभि गव्या सहस्रा महे वाजायामृताय श्रवासि ।  
 पवित्रेभिः पवमाना असृग्रञ्छ्वस्यवो न पृतनाजो अत्याः ॥ १.०८७.०५  
 परि हि ष्मा पुरुहूतो जनानां विश्वासरद्भोजना पूयमानः ।  
 अथा भर श्येनभृत प्रयासि रयिं तुञ्जानो अभि वाजमर्ष ॥ १.०८७.०६  
 एष सुवानः परि सोमः पवित्रे सर्गो न सृष्टो अदधावदर्वा ।  
 तिग्मे शिशानो महिषो न शृङ्गे गा गव्यन्नभि शूरो न सत्वा ॥ १.०८७.०७  
 एषा ययौ परमादन्तरद्रेः कूचित्सतीरूर्वे गा विवेद ।  
 दिवो न विद्युत्स्तनयन्त्यभ्रैः सोमस्य ते पवत इन्द्र धारा ॥ १.०८७.०८  
 उत स्म राशिं परि यासि गोनामिन्द्रेण सोम सरथं पुनानः ।  
 पूर्वीरिषो बृहतीर्जीरदानो शिक्षा शचीवस्तव ता उपष्टुत् ॥ १.०८७.०९  
 अयं सोम इन्द्र तुभ्य सुन्वे तुभ्य पवते त्वमस्य पाहि ।  
 त्वं ह यं चकृषे त्वं ववृष इन्दुं मदाय युज्याय सोमम् ॥ १.०८८.०१  
 स ई रथो न भुरिषाळयोजि महः पुरूणि सातये वसूनि ।  
 आदीं विश्वा नहुष्याणि जाता स्वर्षाता वन ऊर्ध्वा नवन्त ॥ १.०८८.०२  
 वायुर्न यो नियुत्वाँ इष्टयामा नासत्येव हव आ शम्भविष्ठः ।  
 विश्ववारो द्रविणोदा इव त्मन्पूषेव धीजवनोऽसि सोम ॥ १.०८८.०३  
 इन्द्रो न यो महा कर्माणि चक्रिर्हन्ता वृत्राणामसि सोम पूर्भित् ।  
 पैद्वो न हि त्वमहिनाम्नां हन्ता विश्वस्यासि सोम दस्योः ॥ १.०८८.०४

अग्निर्न यो वन आ सुज्यमानो वृथा पाजांसि कृणुते नदीषु ।  
 जनो न युध्वा महत उपद्धिरियति सोमः पवमान ऊर्मिम् ॥ १.०८८.०५  
 एते सोमा अति वाराण्यव्या दिव्या न कोशासो अभ्रवर्षाः ।  
 वृथा समुद्रं सिन्धवो न नीचीः सुतासो अभि कलशाँ असृग्रन् ॥ १.०८८.०६  
 शुष्मी शर्धो न मारुतं पवस्वानभिशस्ता दिव्या यथा विट् ।  
 आपो न मक्षु सुमतिर्भवा नः सहस्राप्साः पृतनाषाघ्न यज्ञः ॥ १.०८८.०७  
 राज्ञो नु ते वरुणस्य व्रतानि बृहद्भीरं तव सोम धाम ।  
 शुचिष्ट्वमसि प्रियो न मित्रो दक्षाघ्यो अर्यमेवासि सोम ॥ १.०८८.०८  
 प्रो स्य वह्निः पथ्याभिरस्यान्दिवो न वृष्टिः पवमानो अक्षाः ।  
 सहस्रधारो असदन्न्यस्मे मातुरुपस्थे वन आ च सोमः ॥ १.०८९.०१  
 राजा सिन्धूनामवसिष्ट वास ऋतस्य नावमारुहद्रजिष्ठाम् ।  
 अप्सु द्रप्सो वावृधे श्येनजूतो दुह ई पिता दुह ई पितुर्जाम् ॥ १.०८९.०२  
 सिंहं नसन्त मध्वो अयासं हरिमरुषं दिवो अस्य पतिम् ।  
 शूरो युत्सु प्रथमः पृच्छते गा अस्य चक्षसा परि पात्युक्षा ॥ १.०८९.०३  
 मधुपृष्ठं घोरमयासमश्वं रथे युञ्जन्त्युरुचक्र ऋष्वम् ।  
 स्वसार ईं जामयो मर्जयन्ति सनाभयो वाजिनमूर्जयन्ति ॥ १.०८९.०४  
 चतस्र ईं घृतदुहः सचन्ते समाने अन्तर्धरुणे निषत्ताः ।  
 ता ईमर्षन्ति नमसा पुनानास्ता ईं विश्वतः परि षन्ति पूर्वीः ॥ १.०८९.०५  
 विष्टम्भो दिवो धरुणः पृथिव्या विश्वा उत क्षितयो हस्ते अस्य ।  
 असत्त उत्सो गृणते नियुत्वान्मध्वो अंशुः पवत इन्द्रियाय ॥ १.०८९.०६  
 वन्वन्नवातो अभि देववीतिमिन्द्राय सोम वृत्रहा पवस्व ।  
 शग्धि महः पुरुश्चन्द्रस्य रायः सुवीर्यस्य पतयः स्याम ॥ १.०८९.०७  
 प्र हिन्वानो जनिता रोदस्यो रथो न वाजं सनिष्यन्नयासीत् ।  
 इन्द्रं गच्छन्नायुधा संशिशानो विश्वा वसु हस्तयोरादधानः ॥ १.०९०.०१  
 अभि त्रिपृष्ठं वृषणं वयोधामाङ्गषाणामवावशन्त वाणीः ।  
 वना वसानो वरुणो न सिन्धून्वि रत्नधा दयते वार्याणि ॥ १.०९०.०२



शूरग्रामः सर्ववीरः सहावाञ्जेता पवस्व सनिता धनानि ।  
 तिग्मायुधः क्षिप्रधन्वा समत्स्वषाव्हः साह्वान्पृतनासु शत्रून् ॥ १.०१०.०३  
 उरुगव्यूतिरभयानि कृण्वन्समीचीने आ पवस्वा पुरधी ।  
 अपः सिषासन्नृषसः स्वर्गाः सं चिक्रदो महो अस्मभ्यं वाजान् ॥ १.०१०.०४  
 मत्सि सोम वरुणं मत्सि मित्रं मत्सीन्द्रमिन्दो पवमान विष्णुम् ।  
 मत्सि शर्धो मारुतं मत्सि देवान्मत्सि महामिन्द्रमिन्दो मदाय ॥ १.०१०.०५  
 एवा राजेव क्रतुमाँ अमेन विश्वा घनिघ्नदुरिता पवस्व ।  
 इन्दो सूक्ताय वचसे वयो धा यूयं पात स्वस्तिभिः सदा नः ॥ १.०१०.०६  
 असर्जि वक्त्रा रथ्ये यथाजौ धिया मनोता प्रथमो मनीषी ।  
 दश स्वसारो अधि सानो अव्येऽजन्ति वहिं सदनान्यच्छ ॥ १.०११.०१  
 वीती जनस्य दिव्यस्य कव्यैरधि सुवानो नहुष्यभिरिन्दुः ।  
 प्र यो नृभिरमृतो मर्त्यभिर्मर्मृजानोऽविभिर्गोभिरद्विः ॥ १.०११.०२  
 वृषा वृष्णे रोरुवदंशुरस्मै पवमानो रुशदीर्ते पयो गोः ।  
 सहस्रमुक्त्रा पथिभिर्वचोविदध्वस्मभिः सूरौ अण्वं वि याति ॥ १.०११.०३  
 रुजा दृव्हा चिद्रक्षसः सदांसि पुनान इन्द ऊर्णुहि वि वाजान् ।  
 वृश्चोपरिष्टात्तुजता वधेन ये अन्ति दूरादुपनायमेषाम् ॥ १.०११.०४  
 स प्रलवन्नव्यसे विश्ववार सूक्ताय पथः कृणुहि प्राचः ।  
 ये दुःषहासो वनुषा बृहन्तस्ताँस्ते अश्याम पुरुकृत्पुरुक्षो ॥ १.०११.०५  
 एवा पुनानो अपः स्वर्गा अस्मभ्यं तोका तनयानि भूरि ।  
 शं नः क्षेत्रमुरु ज्योतीषि सोम ज्योङ्गः सूर्यं दृशये रिरिहि ॥ १.०११.०६  
 परि सुवानो हरिरंशुः पवित्रे रथो न सर्जि सनये हियानः ।  
 आपच्छ्लोकमिन्द्रियं पूयमानः प्रति देवाँ अजुषत प्रयोभिः ॥ १.०१२.०१  
 अच्छा नृचक्षा असरत्पवित्रे नाम दधानः कविरस्य योनौ ।  
 सीदन्होतेव सदने चमूपूपेमगमन्नृषयः सप्त विप्राः ॥ १.०१२.०२  
 प्र सुमेधा गातुविद्विष्वदेवः सोमः पुनानः सद एति नित्यम् ।  
 भुवद्विष्वेषु काव्येषु रन्तानु जनान्यतते पञ्च धीरः ॥ १.०१२.०३

तव॑ त्ये सोम॑ पवमान॑ निण्ये॑ विश्वे॑ देवा॑स्त्रय॑ एका॑दशासः॑ ।  
 दश॑ स्वधा॑भिरधि॑ सानो॑ अव्ये॑ मृजन्ति॑ त्वा नद्यः॑ सप्त॑ यहीः॑ ॥ १.०१२.०४  
 तन्न॑ सत्यं॑ पवमान॑स्यास्तु॑ यत्र॑ विश्वे॑ कारवः॑ संनसन्त॑ ।  
 ज्योति॑र्यदहे॑ अकृ॑णोदु॒ लोकं॑ प्रावन्मनुं॑ दस्य॑वे कर॑भीकम् ॥ १.०१२.०५  
 परि॑ सद्ये॑व पशु॑मान्ति होता॑ राजा॑ न सत्यः॑ समिती॑रियानः॑ ।  
 सोमः॑ पुना॑नः कलशाः॑ अया॑सीत्सीदन्मृ॑गो न महि॑षो वनेषु॑ ॥ १.०१२.०६  
 साक॑मुक्षो॑ मर्जयन्त॑ स्वसारो॑ दश॑ धीर॑स्य धीतयो॑ धनु॑त्रीः ।  
 हरिः॑ पर्य॑द्रव॒ज्जाः सूर्य॑स्य द्रोणं॑ ननक्षे॑ अत्यो॑ न वाजी॑ ॥ १.०१३.०१  
 सं मा॑तृभिर्न॑ शिशु॑र्वावशानो॑ वृषा॑ दधन्वे॑ पुरु॑वारो अ॒द्भिः ।  
 मर्यो॑ न योषा॑मभि निष्कृतं॑ यन्सं गच्छ॑ते कलश॑ उ॒स्त्रियाभिः॑ ॥ १.०१३.०२  
 उत॑ प्र पि॒प्य ऊ॒धरघ्न्या॑या इन्दु॑र्धाराभिः॑ सचते॑ सुमे॑धाः ।  
 मूर्धानं॑ गावः॑ पयसा॑ चमू॒ष्वभि श्री॑णन्ति॑ वसु॒भिर्न नित्तैः॑ ॥ १.०१३.०३  
 स नो॑ दे॒वेभिः॑ पवमान॑ रदे॒न्दो रयि॑मश्विनं॑ वावशानः॑ ।  
 रथि॑रायता॒मुशती॑ पुर॑धिरस्मद्य॑गा दावने॑ वसू॒नाम् ॥ १.०१३.०४  
 नू नो॑ रयि॒मुप मा॑स्व नृवन्तं॑ पुना॒नो वा॑ताप्यं॑ विश्व॑श्वन्द्रम् ।  
 प्र व॑न्दितुरि॒न्दो तार्या॑युः प्रा॒तर्म॑क्षू धि॒यावसु॑र्जगम्यात् ॥ १.०१३.०५  
 अधि॑ यदस्मि॒न्वाजि॑नीव॒ शुभः॑ स्पर्धन्ते॑ धियः॑ सूर्ये॑ न विशः॑ ।  
 अपो॑ वृ॒णानः॑ पवते॑ कवी॒यन्त्रजं॑ न पशु॑वर्धनाय॒ मन्म ॥ १.०१४.०१  
 द्विता॑ व्यू॒र्ष्वन्न॑मृतस्य॒ धाम॑ स्व॒र्विदे॑ भुवनानि॒ प्रथन्त॑ ।  
 धियः॑ पि॒न्वानाः॑ स्व॒सरे॑ न गाव॑ ऋ॒ताय॑न्ती॒रभि वाव॑श्च इन्दु॑म् ॥ १.०१४.०२  
 परि॑ यत्क॒विः काव्या॑ भरते॑ शूरो॑ न रथो॑ भुवनानि॒ विश्वा॑ ।  
 दे॒वेषु॑ यशो॑ मर्ता॒य भूष॑न्दक्षाय॒ रायः॑ पुरु॒भूषु॑ नव्यः॑ ॥ १.०१४.०३  
 श्रिये॑ जा॒तः श्रिय॑ आ निरि॒याय॑ श्रियं॑ वयो॑ जरि॒तृभ्यो॑ दधाति॑ ।  
 श्रियं॑ वसा॒ना अमृ॑तत्वमा॒यन्भव॑न्ति स॒त्या समि॑था मि॒तद्रौ ॥ १.०१४.०४  
 इष॑मूर्ज॒मभ्य॑र्षाश्वं॒ गामुरु॑ ज्योतिः॑ कृ॒णुहि॑ मत्सि॒ देवान् ।  
 विश्वा॑नि हि सुष॒हा तानि॑ तुभ्यं॑ पव॒मान॑ बाधसे॒ सोम॑ शत्रून् ॥ १.०१४.०५

कनि॒क्रन्ति॑ हरि॒रा सु॒ज्यमा॑नः॒ सीद॑न्वनस्य॒ जठ॑रे पु॒नानः॑ ।  
 नृभि॑र्यतः कृणुते निर्णिजं गा अतो मतीर्जनयत स्वधाभिः ॥ १.०९५.०१  
 हरिः सृ॒जानः॑ प॒थ्यामृ॑तस्येयति वाचमरितेव नावम् ।  
 दे॒वो दे॒वानां॑ गुह्यानि नामाविष्कृणोति बर्हिषि प्रवाचे ॥ १.०९५.०२  
 अ॒पामि॑वेदूर्मयस्तर्तुराणाः प्र मनीषा ईरते सोममच्छ ।  
 न॒मस्य॑न्तीरुप च यन्ति सं चा च विशन्त्युशतीरुशन्तम् ॥ १.०९५.०३  
 तं म॒र्म॒जा॒नं म॒हिषं॑ न सानावंशुं दुहन्त्युक्षणं गिरिष्ठाम् ।  
 तं वाव॑शानं मतयः सचन्ते त्रितो बिभर्ति वरुणं समुद्रे ॥ १.०९५.०४  
 इ॒ष्यन्वा॑चमुपक्तेव होतुः पु॒नान॑ इ॒न्दो वि॒ष्या म॑नीषाम् ।  
 इ॒न्द्रश्च॑ यत्क्षयथः सौभगाय सुवीर्यस्य पतयः स्याम ॥ १.०९५.०५  
 प्र से॒नानीः॑ शूरो अग्रे रथानां गव्यन्नेति हर्षते अस्य सेना ।  
 भ॒द्रान्कृ॑ण्वन्निन्द्रहवान्सखिभ्य आ सोमो वस्त्रा रभसानि दत्ते ॥ १.०९६.०१  
 स॒मस्य॑ हरिं हरयो मृजन्त्यश्वहयैरनिशितं नमोभिः ।  
 आ तिष्ठति रथमिन्द्रस्य सखा विद्वौ एना सुमतिं यात्यच्छ ॥ १.०९६.०२  
 स नो दे॒व दे॒वता॑ते पवस्व महे सोम प्सरस इन्द्रपानः ।  
 कृ॒ण्वन्न॑पो वर्षयन्धामुतेमामुरोरा नो वरिवस्या पुनानः ॥ १.०९६.०३  
 अ॒जी॒तये॑ऽहतये पवस्व स्वस्तये सर्वतातये बृहते ।  
 तदु॑शन्ति विश्व इमे सखायस्तदहं वशिम पवमान सोम ॥ १.०९६.०४  
 सोमः पवते जनिता मतीनां जनिता दिवो जनिता पृथिव्याः ।  
 ज॒नि॒ताग्ने॑जनिता सूर्यस्य जनितेन्द्रस्य जनितोत विष्णोः ॥ १.०९६.०५  
 ब्र॒ह्मा दे॒वानां॑ पदवीः कवीनामृषिर्विप्राणां महिषो मृगाणाम् ।  
 श्ये॒नो गृ॒ध्राणां॑ स्वधितिर्वनानां सोमः पवित्रमत्येति रेभन् ॥ १.०९६.०६  
 प्रा॒वी॒वि॒प॒द्वा॒च ऊ॒र्मि न॑ सिन्धुर्गिरः सोमः पवमानो मनीषाः ।  
 अ॒न्तः प॑श्यन्वृजनेमावराण्या तिष्ठति वृषभो गोषु जानन् ॥ १.०९६.०७  
 स मत्स॑रः पृत्सु वन्वन्नवातः सहस्ररेता अभि वाजमर्ष ।  
 इ॒न्द्रा॒ये॒न्दो प॑वमानो मनीष्यंशोरूर्मिमीरय गा इषण्यन् ॥ १.०९६.०८

परि प्रियः कलशे देववात इन्द्राय सोमो रण्यो मदाय ।  
सहस्रधारः शतवाज इन्दुर्वाजी न सप्तिः समना जिगाति ॥ १.०९६.०९  
स पूर्वो वसुविज्ञायमानो मृजानो अप्सु दुदुहानो अद्रौ ।  
अभिश्स्तिपा भुवनस्य राजा विदद्रातुं ब्रह्मणे पूयमानः ॥ १.०९६.१०  
त्वया हि नः पितरः सोम पूर्वे कर्माणि चक्रुः पवमान धीराः ।  
वन्वन्नवातः परिधौरपोर्णु वीरेभिरश्वैर्मघवा भवा नः ॥ १.०९६.११  
यथापवथा मनवे वयोधा अमित्रहा वरिवोविद्धविष्मान् ।  
एवा पवस्व द्रविणं दधान इन्द्रे सं तिष्ठ जनयायुधानि ॥ १.०९६.१२  
पवस्व सोम मधुमाँ ऋतावापो वसानो अधि सानो अव्ये ।  
अव द्रोणानि घृतवान्ति सीद मदिन्तमो मत्सर इन्द्रपानः ॥ १.०९६.१३  
वृष्टिं दिवः शतधारः पवस्व सहस्रसा वाजयुर्देववीतौ ।  
सं सिन्धुभिः कलशे वावशानः समुस्त्रियाभिः प्रतिरन्न आयुः ॥ १.०९६.१४  
एष स्य सोमो मतिभिः पुनानोऽत्यो न वाजी तरतीदरातीः ।  
पयो न दुग्धमदितेरिपिरमुर्विव गातुः सुयमो न वोक्त्वा ॥ १.०९६.१५  
स्वायुधः सोतृभिः पूयमानोऽभ्यर्ष गुह्यं चारु नाम ।  
अभि वाजं सप्तिरिव श्रवस्याभि वायुमभि गा देव सोम ॥ १.०९६.१६  
शिशु जज्ञानं हर्यतं मृजन्ति शुम्भन्ति वह्नि मरुतो गणेन ।  
कविर्गोभिः काव्येना कविः सन्सोमः पवित्रमत्येति रेभन् ॥ १.०९६.१७  
ऋषिमना य ऋषिकृत्स्वर्षाः सहस्रणीथः पदवीः कवीनाम् ।  
तृतीयं धाम महिषः सिषासन्सोमो विराजमनु राजति छृप् ॥ १.०९६.१८  
चमूषच्छेनः शकुनो विभृत्वा गोविन्दुर्द्रप्स आयुधानि बिभ्रत् ।  
अपामूर्मिं सचमानः समुद्रं तुरीयं धाम महिषो विवक्ति ॥ १.०९६.१९  
मर्यो न शुभ्रस्तन्व मृजानोऽत्यो न सृत्वा सनये धनानाम् ।  
वृषेव यूथा परि कोशमर्षन्कनिक्रदच्चम्बोऽरा विवेश ॥ १.०९६.२०  
पवस्वेन्दो पवमानो महोभिः कनिक्रदत्परि वाराण्यर्ष ।  
क्रीळश्चम्बोऽरा विश पूयमान इन्द्र ते रसो मदिरो ममत्तु ॥ १.०९६.२१  
प्रास्य धारा बृहतीरसृग्रन्नक्तो गोभिः कलशाँ आ विवेश ।

साम॑ कृ॒ण्वन्सा॑म॒न्यो वि॒पश्चि॑त्क्र॒न्दन्ने॒त्यभि॑ स॒ख्युर्न जा॑मिम् ॥ १.०१६.२२  
अ॒प॒घ्न॒त्रेषि॑ प॒वमान॑ श॒त्रून्प्रि॑यां न जा॒रो अ॒भिगी॑त इ॒न्दुः ।  
सी॒द॒न्वने॑षु श॒कुनो॑ न प॒त्वा सोमः॑ पु॒नानः॑ क॒लशेषु॑ स॒त्ता ॥ १.०१६.२३  
आ ते॑ रु॒चः प॒वमान॑स्य सोम॒ योषे॑व यन्ति सु॒दुघाः॑ सु॒धाराः॑ ।  
हरि॑रानी॒तः पुरु॑वारो अ॒प्स्वचि॑क्र॒दत्क॑ल॒शं दे॒वयू॑नाम् ॥ १.०१६.२४  
अ॒स्य प्रे॑षा हे॒मना॑ पू॒यमानो॑ दे॒वो दे॒वेभिः॑ स॒मपृ॑क्त॒ रस॑म् ।  
सु॒तः प॒वित्रं॑ पर्ये॒ति रे॒भन्मि॑ते॒व स॒द्म प॑शु॒मान्ति॑ होता ॥ १.०१७.०१  
भ॒द्रा व॒स्त्रा स॒मन्या॑ व॒सानो॑ म॒हान्क॑वि॒र्निव॑च॒नानि॑ शंसन् ।  
आ व॑च्यस्व च॒म्बोः पू॒यमानो॑ वि॒चक्ष॑णो जा॒गृवि॑र्दे॒ववी॑तौ ॥ १.०१७.०२  
स॒मु प्रि॑यो मृ॒ज्यते॑ सा॒नो अ॒व्ये य॑श॒स्तरो॑ य॒शसां॑ क्षै॒तो अ॒स्मे ।  
अ॒भि स्वर॑ ध॒न्वा पू॒यमानो॑ यू॒यं पा॑त स्व॒स्तिभिः॑ स॒दा नः॑ ॥ १.०१७.०३  
प्र गाय॑ता॒भ्यर्चाम॑ दे॒वान्सोमं॑ हि॒नोत॑ म॒हते॑ ध॒नाय॑ ।  
स्वा॒दुः प॒वाते॑ अ॒ति वा॑र॒मव्य॑मा सी॒दाति॑ क॒लशं॑ दे॒वयु॑र्नः ॥ १.०१७.०४  
इ॒न्दुर्दे॒वानामु॑प॒ सख्य॑मा॒यन्स॑हस्र॒धारः॑ प॒वते॑ म॒दाय॑ ।  
नृ॒भिः स्त॒वानो॑ अनु॒ धाम॑ पूर्॒वम॑ग॒न्निन्द्रं॑ म॒हते॑ सौ॒भगा॑य ॥ १.०१७.०५  
स्तो॒त्रे रा॒ये हरि॑र॒र्षा पु॒नान॑ इ॒न्द्रं म॒दो ग॑च्छतु॒ ते भ॑राय ।  
दे॒वैर्या॑हि॒ सर॑थं रा॒धो अ॒च्छा यू॒यं पा॑त स्व॒स्तिभिः॑ स॒दा नः॑ ॥ १.०१७.०६  
प्र का॒व्यमु॑श॒नेव॑ ब्रु॒वाणो॑ दे॒वो दे॒वानां॑ ज॒निमा॑ वि॒वक्ति॑ ।  
महि॑व्र॒तः शु॒चिब॑न्धुः पा॒वकः॑ प॒दा व॑रा॒हो अ॒भ्येति॑ रे॒भन् ॥ १.०१७.०७  
प्र हं॑सा॒सस्तु॑प॒लं म॒न्युम॑च्छा॒माद॑स्तं वृष॒गणा॑ अ॒यासुः॑ ।  
आ॒ङ्ग्यं॑ प॒वमानं॑ स॒खायो॑ दु॒र्मर्ष॑ सा॒कं प्र॑ व॒दन्ति॑ वा॒णम् ॥ १.०१७.०८  
स र॑हत उ॒रुगा॑य॒स्य जू॒तिं वृ॒था क्री॑ळ॒न्तं मि॑मते न गा॒वः ।  
प॒रीण॑सं कृ॒णुते॑ ति॒ग्मशृ॑ङ्गो दि॒वा हरि॑र्द॒दृशे॑ न॒क्तमु॑ज्रः ॥ १.०१७.०९  
इ॒न्दुर्वा॑जी प॒वते॑ गो॒न्योघा॑ इ॒न्द्रे सोमः॑ स॒ह इ॒न्वन्म॑दा॒य ।  
ह॒न्ति र॑क्षो॒ बाध॑ते॒ पर्य॑राती॒र्वरि॑वः कृ॒ण्वन्वृ॑ज॒नस्य॑ राजा ॥ १.०१७.१०  
अध॑ धा॒रया॑ म॒ध्वा पृ॒चान॑स्ति॒रो रोम॑ प॒वते॑ अ॒द्रिदु॑ग्धः ।

इन्द्रुरिन्द्रस्य सख्यं जुषाणो देवो देवस्य मत्सरो मदाय ॥ १.०९७.११  
 अभि प्रियाणि पवते पुनानो देवो देवान्स्वेन रसेन पुञ्चन् ।  
 इन्द्रुर्धर्माण्यृतुथा वसानो दश क्षिपो अव्यत सानो अव्ये ॥ १.०९७.१२  
 वृषा शोणो अभिकनिक्रदद्वा नदयन्नेति पृथिवीमुत द्याम् ।  
 इन्द्रस्येव वग्रुरा शृण्व आजौ प्रचेतयन्नर्षति वाचमेमाम् ॥ १.०९७.१३  
 रसाय्यः पयसा पिन्वमान ईरयन्नेषि मधुमन्तमंशुम् ।  
 पवमानः संतनिमेषि कृण्वन्निन्द्राय सोम परिषिच्यमानः ॥ १.०९७.१४  
 एवा पवस्व मदिरो मदायोदग्राभस्य नमयन्वधस्रैः ।  
 परि वर्णं भरमाणो रुशन्तं गव्युनो अर्ष परि सोम सिक्तः ॥ १.०९७.१५  
 जुष्टी न इन्दो सुपथा सुगान्युरौ पवस्व वरिवांसि कृण्वन् ।  
 घनेव विष्वग्दुरितानि विघ्नन्नधि ष्णुना धन्व सानो अव्ये ॥ १.०९७.१६  
 वृष्टिं नो अर्ष दिव्यां जिगलुमिळावतीं शंगयीं जीरदानुम् ।  
 स्तुकेव वीता धन्वा विचिन्वन्बन्धूँरिमाँ अवरौ इन्दो वायून् ॥ १.०९७.१७  
 ग्रन्थिं न वि ष्य ग्रथितं पुनान ऋजुं च गातुं वृजिनं च सोम ।  
 अत्यो न क्रदो हरिरा सृजानो मर्यो देव धन्व पस्त्यावान् ॥ १.०९७.१८  
 जुष्टो मदाय देवतात इन्दो परि ष्णुना धन्व सानो अव्ये ।  
 सहस्रधारः सुरभिरदब्धः परि स्रव वाजसातौ नृषह्ये ॥ १.०९७.१९  
 अरश्मानो येऽरथा अयुक्ता अत्यासो न ससृजानास आजौ ।  
 एते शुक्रासो धन्वन्ति सोमा देवासस्ताँ उप याता पिबध्वै ॥ १.०९७.२०  
 एवा न इन्दो अभि देववीतिं परि स्रव नभो अर्णश्चमूषु ।  
 सोमो अस्मभ्यं काम्यं बृहन्तं रयिं ददातु वीरवन्तमुग्रम् ॥ १.०९७.२१  
 तक्षद्यदी मनसो वेनतो वाग्ज्येष्ठस्य वा धर्मणि क्षोरनीके ।  
 आदीमायन्वरमा वावशाना जुष्टं पतिं कलशे गाव इन्दुम् ॥ १.०९७.२२  
 प्र दानुदो दिव्यो दानुपिन्व ऋतमृताय पवते सुमेधाः ।  
 धर्मा भुवद्भृजन्त्यस्य राजा प्र रश्मिभिर्दशभिर्भारि भूम ॥ १.०९७.२३  
 पवित्रेभिः पवमानो नृचक्षा राजा देवानामुत मर्त्यानाम् ।  
 द्विता भुवद्भयिपती रयीणामृतं भरत्सुभृतं चार्विन्दुः ॥ १.०९७.२४

अर्वाँ इव श्रवसे सातिमच्छेन्द्रस्य वायोरभि वीतिमर्ष ।  
 स नः सहस्रा बृहतीरिषो दा भवा सोम द्रविणोवित्पुनानः ॥ १.०९७.२५  
 देवाव्यो नः परिषिच्यमानाः क्षय सुवीर धन्वन्तु सोमाः ।  
 आयज्यवः सुमतिं विश्ववारा होतारो न दिवियजो मन्द्रतमाः ॥ १.०९७.२६  
 एवा देव देवताते पवस्व महे सोम प्सरसे देवपानः ।  
 महश्चिद्धि प्ससि हिताः समर्ये कृधि सुष्ठाने रोदसी पुनानः ॥ १.०९७.२७  
 अश्वो नो क्रदो वृषभिर्युजानः सिंहो न भीमो मनसो जर्वायान् ।  
 अर्वाचीनैः पथिभिर्ये रजिष्ठा आ पवस्व सौमनसं न इन्दो ॥ १.०९७.२८  
 शतं धारा देवजाता असृग्रन्सहस्रमेनाः कवयो मृजन्ति ।  
 इन्दो सनित्रं दिव आ पवस्व पुरएतासि महतो धनस्य ॥ १.०९७.२९  
 दिवो न सर्गा अससृग्रमह्नां राजा न मित्रं प्र मिनाति धीरः ।  
 पितुर्न पुत्रः क्रतुभिर्यतान आ पवस्व विशे अस्या अजीतिम् ॥ १.०९७.३०  
 प्र ते धारा मधुमतीरसृग्रन्वारान्यत्पूतो अत्येष्यव्यान् ।  
 पवमान पवसे धाम गोनां जज्ञानः सूर्यमपिन्वो अकैः ॥ १.०९७.३१  
 कनिक्रददनु पन्थामृतस्य शुक्रो वि भास्यमृतस्य धाम ।  
 स इन्द्राय पवसे मत्सरवान्हिन्वानो वाचं मतिभिः कवीनाम् ॥ १.०९७.३२  
 दिव्यः सुपर्णोऽव चक्षि सोम पिन्वन्धाराः कर्मणा देववीतौ ।  
 एन्दो विश कलशं सोमधानं क्रन्दन्निहि सूर्यस्योप रश्मिम् ॥ १.०९७.३३  
 तिस्रो वाच ईरयति प्र वह्निर्ऋतस्य धीतिं ब्रह्मणो मनीषाम् ।  
 गावो यन्ति गोपतिं पृच्छमानाः सोमं यन्ति मतयो वावशानाः ॥ १.०९७.३४  
 सोमं गावो धेनवो वावशानाः सोमं विप्रा मतिभिः पृच्छमानाः ।  
 सोमः सुतः पूयते अज्यमानः सोमे अर्कास्त्रिष्टुभः सं नवन्ते ॥ १.०९७.३५  
 एवा नः सोम परिषिच्यमान आ पवस्व पूयमानः स्वस्ति ।  
 इन्द्रमा विश बृहता रवेण वर्धया वाचं जनया पुरधिम् ॥ १.०९७.३६  
 आ जागृविर्विप्र ऋता मतीनां सोमः पुनानो असदच्चमूषु ।  
 सपन्ति यं मिथुनासो निकामा अध्वर्यवो रथिरासः सुहस्ताः ॥ १.०९७.३७  
 स पुनान उप सूरै न धातोभे अप्रा रोदसी वि ष आवः ।

प्रिया चिद्यस्य प्रियसास ऊती स तू धनं कारिणे न प्र यंसत् ॥ १.०९७.३८  
 स वर्धिता वर्धनः पूयमानः सोमो मीढ्वँ अभि नो ज्योतिषावीत् ।  
 येना नः पूर्वे पितरः पदज्ञाः स्वर्विदो अभि गा अद्रिमुष्णन् ॥ १.०९७.३९  
 अक्रान्समुद्रः प्रथमे विधर्मञ्जनयन्प्रजा भुवनस्य राजा ।  
 वृषा पवित्रे अधि सानो अव्ये बृहत्सोमो वावृधे सुवान इन्दुः ॥ १.०९७.४०  
 महत्तत्सोमो महिषश्चकारापां यद्गर्भोऽवृणीत देवान् ।  
 अदधादिन्द्रे पवमान ओजोऽजनयत्सूर्ये ज्योतिरिन्दुः ॥ १.०९७.४१  
 मत्सि वायुमिष्टये राधसे च मत्सि मित्रावरुणा पूयमानः ।  
 मत्सि शर्धो मारुतं मत्सि देवान्मत्सि द्यावापृथिवी देव सोम ॥ १.०९७.४२  
 ऋजुः पवस्व वृजिनस्य हन्तापामीवां बाधमानो मृधश्च ।  
 अभिश्रीणन्पयः पयसाभि गोनामिन्द्रस्य त्वं तव वयं सखायः ॥ १.०९७.४३  
 मध्वः सूद पवस्व वस्व उत्स वीरं च न आ पवस्वा भगं च ।  
 स्वदस्वेन्द्राय पवमान इन्दो रयिं च न आ पवस्वा समुद्रात् ॥ १.०९७.४४  
 सोमः सुतो धारयात्यो न हित्वा सिन्धुर्न निम्नमभि वाज्यक्षाः ।  
 आ योनिं वन्यमसदत्पुनानः समिन्दुर्गोभिरसरत्समद्भिः ॥ १.०९७.४५  
 एष स्य ते पवत इन्द्र सोमश्चमूपु धीर उशते तवस्वान् ।  
 स्वर्चक्षा रथिरः सत्यशुष्मः कामो न यो देवयतामसर्जि ॥ १.०९७.४६  
 एष प्रत्नेन वयसा पुनानस्तिरो वर्षासि दुहितुर्दधानः ।  
 वसानः शर्म त्रिवरूथमप्सु होतेव याति समनेषु रेभन् ॥ १.०९७.४७  
 नू नस्त्वं रथिरो देव सोम परि स्रव चम्बोः पूयमानः ।  
 अप्सु स्वादिष्ठो मधुमाँ ऋतावा देवो न यः सविता सत्यमन्मा ॥ १.०९७.४८  
 अभि वायुं वीत्यर्षा गृणानोऽभि मित्रावरुणा पूयमानः ।  
 अभी नरं धीजवनं रथेष्ठामभीन्द्रं वृषणं वज्रबाहुम् ॥ १.०९७.४९  
 अभि वस्त्रा सुवसनान्यर्षाभि धेनूः सुदुघाः पूयमानः ।  
 अभि चन्द्रा भर्तवे नो हिरण्याभ्यश्वात्रथिनो देव सोम ॥ १.०९७.५०  
 अभी नो अर्ष दिव्या वसून्यभि विश्वा पार्थिवा पूयमानः ।  
 अभि येन द्रविणमश्रवामाभ्यार्षेयं जमदग्निवन्नः ॥ १.०९७.५१



अया पवा पवस्वैना वसूनि माँश्चत्व इन्दो सरसि प्र धन्व ।  
 ब्रध्नश्चिदत्र वातो न जूतः पुरुमेधश्चित्तकवे नरं दात् ॥ १.०१७.५२  
 उत न एना पवया पवस्वाधि श्रुते श्रवाय्यस्य तीर्थे ।  
 षष्टिं सहस्रा नैगुतो वसूनि वृक्षं न पक्कं धूनवद्रणाय ॥ १.०१७.५३  
 महीमे अस्य वृषनाम शूषे माँश्चत्वे वा पृशने वा वधत्रे ।  
 अस्वापयन्निगुतः स्नेहयच्चापामित्राँ अपाचितो अचेतः ॥ १.०१७.५४  
 सं त्री पवित्रा विततान्येष्यन्वेकं धावसि पूयमानः ।  
 असि भगो असि दात्रस्य दातासि मघवा मघवच्च इन्दो ॥ १.०१७.५५  
 एष विश्ववित्पवते मनीषी सोमो विश्वस्य भुवनस्य राजा ।  
 द्रप्साँ ईरयन्विदथेष्विन्दुर्वि वारमव्यं समयाति याति ॥ १.०१७.५६  
 इन्दुं रिहन्ति महिषा अदब्धाः पदे रेभन्ति कवयो न गृध्राः ।  
 हिन्वन्ति धीरा दशभिः क्षिपाभिः समञ्जते रूपमपां रसेन ॥ १.०१७.५७  
 त्वया वयं पवमानेन सोम भरे कृतं वि चिनुयाम शश्वत् ।  
 तन्नो मित्रो वरुणो मामहन्तामदितिः सिन्धुः पृथिवी उत द्यौः ॥ १.०१७.५८  
 अभि नो वाजसातमं रयिमर्ष पुरुस्पृहम् ।  
 इन्दो सहस्रभर्णसं तुविद्युम्रं विन्वासहम् ॥ १.०१८.०१  
 परि ष्य सुवानो अव्ययं रथे न वर्माव्यत ।  
 इन्दुरभि द्रुणा हितो हियानो धाराभिरक्षाः ॥ १.०१८.०२  
 परि ष्य सुवानो अक्षा इन्दुरव्ये मदच्युतः ।  
 धारा य ऊर्ध्वो अध्वरे भ्राजा नैति गव्ययुः ॥ १.०१८.०३  
 स हि त्वं देव शश्वते वसु मर्ताय दाशुषे ।  
 इन्दो सहस्रिणं रयिं शतात्मानं विवाससि ॥ १.०१८.०४  
 वयं ते अस्य वृत्रहन्वसो वस्वः पुरुस्पृहः ।  
 नि नेदिष्ठतमा इषः स्याम सुम्रस्याग्निगो ॥ १.०१८.०५  
 द्विर्यं पञ्च स्वयशसं स्वसारो अद्रिसंहतम् ।  
 प्रियमिन्द्रस्य काम्यं प्रस्नापयन्त्यूर्मिणम् ॥ १.०१८.०६

परि॑ त्यं ह॒र्य॑तं ह॒रिं॑ ब॒भ्रु॑ पु॒नन्ति॑ वा॒रेण॑ ।  
यो दे॒वान्वि॑श्वाँ॑ इ॒त्परि॑ म॒देन॑ स॒ह ग॑च्छति ॥ १.०९८.०७  
अ॒स्य वो॑ ह्यवसा॒ पान्तो॑ दक्षसाधनम् ।  
यः सूरि॑षु श्रवो बृहद्दधे स्व॑र्णं ह॒र्य॑तः ॥ १.०९८.०८  
स वा॑ यज्ञेषु मानवी इन्द्रु॑र्जनिष्ट रोदसी ।  
दे॒वो दे॒वी गि॑रिष्ठा अ॒स्त्रेध॑न्तं तु॒विष्व॑णि ॥ १.०९८.०९  
इन्द्रा॑य सोम॒ पात॑वे वृ॒त्रघ्ने॑ परि॒ षिच्य॑से ।  
नरे॑ च दक्षिणावते दे॒वाय॑ स॒दना॑सदे ॥ १.०९८.१०  
ते प्र॒त्नासो॑ व्युष्टिषु सोमाः प॒वित्रे॑ अक्षरन् ।  
अ॒प॒प्रोथ॑न्तः स॒नुत॑र्हुरश्चितः प्रा॒तस्ताँ॑ अ॒प्रचे॑तसः ॥ १.०९८.११  
तं स॒खायः॑ पु॒रोरु॑चं यू॒यं व॑यं च सूर॒यः ।  
अ॒श्याम॑ वा॒जग॑न्ध्र्यं स॒नेम॑ वा॒जप॑स्त्यम् ॥ १.०९८.१२  
आ ह॒र्य॑ताय॒ धृष्ण॑वे धनुस्तन्वन्ति पौ॑स्यम् ।  
शु॒क्रां व॑यन्त्यसुराय निर्णि॑जं वि॒पाम॑ग्रे म॒हीयु॑वः ॥ १.०९९.०१  
अध॑ क्षपा परिष्कृतो वाजाँ॑ अ॒भि प्र॑ गाहते ।  
यदी॑ वि॒वस्व॑तो धियो ह॒रिं हि॑न्वन्ति या॒तवे॑ ॥ १.०९९.०२  
तम॑स्य म॒र्जया॑मसि म॒दो य॑ इन्द्र॒पात॑मः ।  
यं गा॒व आ॑सभिर्दधुः पु॒रा नू॑नं च सूर॒यः ॥ १.०९९.०३  
तं गा॒थया॑ पु॒राण्या॑ पु॒नान॑मभ्यनूषत ।  
उ॒तो कृ॑पन्त धी॒तयो॑ दे॒वानां॑ नाम बिभ्र॒तीः ॥ १.०९९.०४  
तमु॑क्षमाणमव्यये वा॒रे पु॑नन्ति धर्ण॑सिम् ।  
दू॒तं न॑ पूर्॒वचित्त॑य आ शा॒सते॑ मनी॒षिणः॑ ॥ १.०९९.०५  
स पु॒नानो॑ म॒दिन्त॑मः सोमश्च॒मूषु॑ सीदति ।  
प॒शौ न॑ रेत आ॒दध॑त्पतिर्वचस्यते धि॒यः ॥ १.०९९.०६  
स मृ॑ज्यते सु॒कर्म॑भिर्दे॒वो दे॒वेभ्यः॑ सु॒तः ।  
वि॒दे यदा॑सु सं॒दिर्म॑ही॒रपो॑ वि गाहते ॥ १.०९९.०७

सु॒त इ॒न्दो प॒वित्र आ नृ॒भिर्य॑तो वि नी॒यसे ।  
इन्द्रा॑य मत्स॒रिन्तमश्च॑मू॒ष्वा नि षी॑दसि ॥ ९.०९९.०८  
अभी॑ नवन्ते अ॒द्रुहः प्रि॒यमिन्द्र॑स्य का॒म्यम् ।  
वत्सं॑ न पूर्वं आयु॒नि जा॑तं रि॒हन्ति मा॑तरः ॥ ९.१००.०१  
पुना॑न इ॒न्दवा भर॑ सोम॒ द्विब॑र्हसं रयि॒म् ।  
त्वं वसू॑नि पु॒ष्यसि वि॒श्वानि दा॑शुषो॒ गृहे ॥ ९.१००.०२  
त्वं धियं॑ मनो॒युजं सु॒जा वृ॑ष्टिं न त॒न्यतुः ।  
त्वं वसू॑नि पा॒र्थिवा दि॒व्या च सोम॑ पु॒ष्यसि ॥ ९.१००.०३  
परि॑ ते जि॒ग्युषो यथा॑ धारा॒ सुत॑स्य धावति ।  
रंह॑माणा व्य॒श्व्यं वार॑ वा॒जीव सान॑सिः ॥ ९.१००.०४  
ऋत्वे॑ दक्षाय नः कवे॒ पव॑स्व सोम॒ धारया॑ ।  
इन्द्रा॑य पा॒तवे सु॒तो मि॒त्राय वरु॑णाय च ॥ ९.१००.०५  
पव॑स्व वा॒जसा॑तमः प॒वित्रे धारया॑ सु॒तः ।  
इन्द्रा॑य सोम॒ विष्ण॑वे दे॒वेभ्यो मधु॑मत्तमः ॥ ९.१००.०६  
त्वां रि॑हन्ति मा॒तरो हरि॑ प॒वित्रे अ॒द्रुहः ।  
वत्सं॑ जा॒तं न धे॑नवः पव॒मान वि॑धर्मणि ॥ ९.१००.०७  
पव॑मान॒ महि श्रव॑श्चि॒त्रेभिर्या॑सि र॒श्मिभिः॑ ।  
शर्ध॑न्तमा॒सि जि॒घ्रसे वि॒श्वानि दा॑शुषो॒ गृहे ॥ ९.१००.०८  
त्वं द्यां च॑ महि॒व्रत पृथि॑वीं चाति॒ जन्नि॑षे ।  
प्रति॑ द्रा॒पिम॑मुञ्चथाः पव॒मान महि॑त्वना ॥ ९.१००.०९  
पुरो॑जिती वो अ॒न्धसः सु॒ताय मा॑दयि॒त्नवे॑ ।  
अप॑ श्वानं श्रि॒थिष्ट॑न स॒खायो दी॑र्घजि॒ह्व्यम् ॥ ९.१०१.०१  
यो धार॑या पा॒वक॑या परि॒प्रस्य॑न्दते सु॒तः ।  
इन्द्र॑रश्चो न कृ॒त्व्यः ॥ ९.१०१.०२  
तं दुरो॑षमभी॒ नरः सोम॑ वि॒श्वाच्या धि॑या ।  
यज्ञं॑ हि॒न्वन्त्य॑द्रिभिः ॥ ९.१०१.०३

सुतासो मधुमत्तमाः सोमा इन्द्राय मन्दिनः ।  
पवित्रवन्तो अक्षरन्देवान्गच्छन्तु वो मदाः ॥ ९.१०१.०४  
इन्दुरिन्द्राय पवत इति देवासो अब्रुवन् ।  
वाचस्पतिर्मखस्यते विश्वस्येशान ओजसा ॥ ९.१०१.०५  
सहस्रधारः पवते समुद्रो वाचमीङ्गयः ।  
सोमः पती रयीणां सखेन्द्रस्य दिवेदिवे ॥ ९.१०१.०६  
अयं पूषा रयिर्भगः सोमः पुनानो अर्षति ।  
पतिर्विश्वस्य भूमनो व्यख्यद्रोदसी उभे ॥ ९.१०१.०७  
समु प्रिया अनूषत गावो मदाय घृष्वयः ।  
सोमासः कृण्वते पथः पवमानास इन्द्रवः ॥ ९.१०१.०८  
य ओजिष्ठस्तमा भर पवमान श्रवाय्यम् ।  
यः पञ्च चर्षणीरभि रयिं येन वनामहै ॥ ९.१०१.०९  
सोमाः पवन्त इन्द्रवोऽस्मभ्यं गातुवित्तमाः ।  
मित्राः सुवाना अरेपसः स्वाध्यः स्वर्विदः ॥ ९.१०१.१०  
सुष्वाणासो व्यद्रिभिश्चिताना गोरधि त्वचि ।  
इषमस्मभ्यमभितः समस्वरन्वसुविदः ॥ ९.१०१.११  
एते पूता विपश्चितः सोमासो दध्याशिरः ।  
सूर्यासो न दर्शतासो जिगत्नवो ध्रुवा घृते ॥ ९.१०१.१२  
प्र सुन्वानस्यान्धसो मर्तो न वृत तद्वचः ।  
अप श्वानमराधसं हता मखं न भृगवः ॥ ९.१०१.१३  
आ जामिरत्के अव्यत भुजे न पुत्र ओण्योः ।  
सरञ्जारो न योषणां वरो न योनिमासदम् ॥ ९.१०१.१४  
स वीरो दक्षसाधनो वि यस्तस्तम्भ रोदसी ।  
हरिः पवित्रे अव्यत वेधा न योनिमासदम् ॥ ९.१०१.१५  
अव्यो वारेभिः पवते सोमो गव्ये अधि त्वचि ।  
कनिक्रदद्वृषा हरिरिन्द्रस्याभ्येति निष्कृतम् ॥ ९.१०१.१६

ऋणा शिशुर्महीनां हिन्वन्नृतस्य दीधितिम् ।  
 विश्वा परि प्रिया भुवदध द्विता ॥ १.१०२.०१  
 उप त्रितस्य पाष्योऽरभक्त यद्गुहा पदम् ।  
 यज्ञस्य सप्त धामभिरध प्रियम् ॥ १.१०२.०२  
 त्रीणि त्रितस्य धारया पृष्ठेव्वेरया रयिम् ।  
 मिमीते अस्य योजना वि सुक्रतुः ॥ १.१०२.०३  
 जज्ञानं सप्त मातरो वेधामशासत श्रिये ।  
 अयं ध्रुवो रयीणां चिकेत यत् ॥ १.१०२.०४  
 अस्य व्रते सजोषसो विश्वे देवासो अद्गुहः ।  
 स्पार्हा भवन्ति रन्तयो जुषन्त यत् ॥ १.१०२.०५  
 यमी गर्भमृतावृधो दृशे चारुमजीजनन् ।  
 कविं मंहिष्ठमध्वरे पुरुस्पृहम् ॥ १.१०२.०६  
 समीचीने अभि त्मना यही ऋतस्य मातरा ।  
 तन्वाना यज्ञमानुषग्यदञ्जते ॥ १.१०२.०७  
 ऋत्वा शुक्रेभिरक्षभिर्ऋणोरप ब्रजं दिवः ।  
 हिन्वन्नृतस्य दीधितिं प्राध्वरे ॥ १.१०२.०८  
 प्र पुनानाय वेधसे सोमाय वच उद्यतम् ।  
 भृतिं न भरा मतिभिर्जुजोषते ॥ १.१०३.०१  
 परि वाराण्यव्यया गोभिरञ्जानो अर्षति ।  
 त्री षधस्था पुनानः कृणुते हरिः ॥ १.१०३.०२  
 परि कोशं मधुश्चुतमव्यये वारे अर्षति ।  
 अभि वाणीर्ऋषीणां सप्त नूषत ॥ १.१०३.०३  
 परि णेता मतीनां विश्वदेवो अदाभ्यः ।  
 सोमः पुनानश्चम्बोर्विशद्धरिः ॥ १.१०३.०४  
 परि दैवीरनु स्वधा इन्द्रेण याहि सरथम् ।  
 पुनानो वाघद्वाघद्विरमर्त्यः ॥ १.१०३.०५

परि सतिर्न वाजयुर्देवो देवेभ्यः सुतः ।  
व्यानशिः पवमानो वि धावति ॥ १.१०३.०६  
सखाय आ नि षीदत पुनानाय प्र गायत ।  
शिशुं न यज्ञैः परि भूषत श्रिये ॥ १.१०४.०१  
समी वत्सं न मातृभिः सृजता गयसाधनम् ।  
देवाव्यं मदमभि द्विशवसम् ॥ १.१०४.०२  
पुनाता दक्षसाधनं यथा शर्धाय वीतये ।  
यथा मित्राय वरुणाय शंतमः ॥ १.१०४.०३  
अस्मभ्य त्वा वसुविदमभि वाणीरनूषत ।  
गोभिष्टे वर्णमभि वासयामसि ॥ १.१०४.०४  
स नो मदानां पत इन्दो देवप्सरा असि ।  
सखेव सख्ये गातुवित्तमो भव ॥ १.१०४.०५  
सनेमि कृध्यस्मदा रक्षसं कं चिदत्रिणम् ।  
अपादेवं द्वयुमंहो युयोधि नः ॥ १.१०४.०६  
तं वः सखायो मदाय पुनानमभि गायत ।  
शिशुं न यज्ञैः स्वदयन्त गूर्तिभिः ॥ १.१०५.०१  
सं वत्स इव मातृभिरिन्दुर्हिन्वानो अज्यते ।  
देवावीर्मदो मतिभिः परिष्कृतः ॥ १.१०५.०२  
अयं दक्षाय साधनोऽयं शर्धाय वीतये ।  
अयं देवेभ्यो मधुमत्तमः सुतः ॥ १.१०५.०३  
गोमन्न इन्दो अश्ववत्सुतः सुदक्ष धन्व ।  
शुचिं ते वर्णमधि गोषु दीधरम् ॥ १.१०५.०४  
स नो हरीणां पत इन्दो देवप्सरस्तमः ।  
सखेव सख्ये नयो रुचे भव ॥ १.१०५.०५  
सनेमि त्वमस्मदाँ अदेवं कं चिदत्रिणम् ।  
साह्वँ इन्दो परि बाधो अप द्वयुम् ॥ १.१०५.०६

इन्द्रमच्छ सुता इमे वृषणं यन्तु हरयः ।  
 श्रुष्टी जातास इन्दवः स्वर्विदः ॥ १.१०६.०१  
 अयं भराय सानसिरिन्द्राय पवते सुतः ।  
 सोमो जैत्रस्य चेतति यथा विदे ॥ १.१०६.०२  
 अस्येदिन्द्रो मदेष्वा ग्राभं गृणीत सानसिम् ।  
 वज्रं च वृषणं भरत्समप्सुजित् ॥ १.१०६.०३  
 प्र धन्वा सोम जागृविरिन्द्रायेन्द्रो परि स्रव ।  
 द्युमन्तं शुष्ममा भरा स्वर्विदम् ॥ १.१०६.०४  
 इन्द्राय वृषणं मदं पवस्व विश्वदर्शतः ।  
 सहस्रयामा पथिकृद्विचक्षणः ॥ १.१०६.०५  
 अस्मभ्यं गातुवित्तमो देवेभ्यो मधुमत्तमः ।  
 सहस्रं याहि पथिभिः कनिक्रदत् ॥ १.१०६.०६  
 पवस्व देववीतय इन्द्रो धाराभिरोजसा ।  
 आ कलशं मधुमान्सोम नः सदः ॥ १.१०६.०७  
 तव द्रप्सा उदप्रुत इन्द्रं मदाय वावृधुः ।  
 त्वां देवासो अमृताय कं पपुः ॥ १.१०६.०८  
 आ नः सुतास इन्दवः पुनाना धावता रयिम् ।  
 वृष्टिद्यावो रीत्यापः स्वर्विदः ॥ १.१०६.०९  
 सोमः पुनान ऊर्मिणाव्यो वारं वि धावति ।  
 अग्रे वाचः पवमानः कनिक्रदत् ॥ १.१०६.१०  
 धीभिर्हिन्वन्ति वाजिनं वने क्रीळन्तमत्यविम् ।  
 अभि त्रिपृष्ठं मतयः समस्वरन् ॥ १.१०६.११  
 असर्जि कलशाः अभि मीव्हे सप्तिर्न वाजयुः ।  
 पुनानो वाचं जनयन्नसिष्यदत् ॥ १.१०६.१२  
 पवते हर्यतो हरिरति ह्वरासि रंह्या ।  
 अभ्यर्षन्स्तोतृभ्यो वीरवद्यशः ॥ १.१०६.१३  
 अया पवस्व देवयुर्मधोर्धारा असृक्षत ।

रेभन्पवित्रं पर्येषि विश्वतः ॥ ९.१०६.१४

परीतो पिञ्चता सुतं सोमो य उत्तमं हविः ।

दधन्वाँ यो नयो अप्स्वश्न्तरा सुषाव सोममद्रिभिः ॥ ९.१०७.०१

नूनं पुनानोऽविभिः परि स्रवादब्धः सुरभिन्तरः ।

सुते चित्त्वाप्सु मदामो अन्धसा श्रीणन्तो गोभिरुत्तरम् ॥ ९.१०७.०२

परि सुवानश्चक्षसे देवमादनः ऋतुरिन्दुर्विचक्षणः ॥ ९.१०७.०३

पुनानः सोम धारयापो वसानो अर्षसि ।

आ रत्नधा योनिमृतस्य सीदस्युत्सो देव हिरण्ययः ॥ ९.१०७.०४

दुहान ऊर्धर्दिव्यं मधु प्रियं प्रलं सधस्थमासदत् ।

आपृच्छा धरुण वाज्यर्षति नृभिर्धूतो विचक्षणः ॥ ९.१०७.०५

पुनानः सोम जागृविरव्यो वारे परि प्रियः ।

त्वं विप्रो अभवोऽङ्गिरस्तमो मध्वा यज्ञं मिमिक्ष नः ॥ ९.१०७.०६

सोमो मीढ्वान्पवते गातुवित्तम ऋषिर्विप्रो विचक्षणः ।

त्वं कविरभवो देववीतम आ सूर्यं रोहयो दिवि ॥ ९.१०७.०७

सोम उ षुवाणः सोतृभिरधि ष्णुभिरवीनाम् ।

अश्वयेव हरिता याति धारया मन्द्रया याति धारया ॥ ९.१०७.०८

अनूपे गोमान्गोभिरक्षाः सोमो दुग्धाभिरक्षाः ।

समुद्रं न संवरणान्यग्मन्मन्दी मदाय तोशते ॥ ९.१०७.०९

आ सोम सुवानो अद्रिभिस्तिरो वाराण्यव्यया ।

जनो न पुरि चम्वाविशद्धरिः सदो वनेषु दधिषे ॥ ९.१०७.१०

स मामृजे तिरो अण्वानि मेष्यो मीब्हे सप्तिर्न वाजयुः ।

अनुमाद्यः पवमानो मनीषिभिः सोमो विप्रेभिर्ऋक्भिः ॥ ९.१०७.११

प्र सोम देववीतये सिन्धुर्न पिप्ये अर्णसा ।

अंशोः पयसा मदिरो न जागृविरच्छा कोशं मधुश्चुतम् ॥ ९.१०७.१२

आ हर्यतो अर्जुने अत्के अव्यत प्रियः सूनुर्न मर्ज्यः ।

तमीं हिन्वन्त्यपसो यथा रथं नदीष्वा गभस्त्योः ॥ ९.१०७.१३



अ॒भि सो॒मास॑ आ॒यवः॑ प॒वन्ते॑ म॒द्यं म॒दम् ।  
 स॒मु॒द्र॒स्याधि॑ वि॒ष्टपि॑ म॒नीषि॑णो म॒त्स॒रासः॑ स्व॒र्विदः॑ ॥ १.१०७.१४  
 त॒र॒त्स॒मु॒द्रं प॑व॒मान॑ ऊ॒र्मिणा॑ रा॒जा दे॒व ऋ॒तं बृ॒हत् ।  
 अ॒र्ष॒न्मि॒त्रस्य॑ व॒रु॒णस्य॑ ध॒र्मणा॑ प्र हि॒न्वान॑ ऋ॒तं बृ॒हत् ॥ १.१०७.१५  
 नृ॒भि॒र्ये॒मानो॑ ह॒र्य॒तो वि॒चक्ष॑णो रा॒जा दे॒वः स॒मु॒द्रि॒यः ॥ १.१०७.१६  
 इ॒न्द्राय॑ प॒वते॑ म॒दः सो॒मो म॑रु॒त्वते॑ सु॒तः ।  
 स॒ह॒स्र॒धारो॑ अ॒त्य॒व्यम॑र्षति॒ तमी॑ मृ॒जन्त्या॑यवः ॥ १.१०७.१७  
 पु॒नान॑श्च॒मू ज॒नय॑न्मतिं॒ कविः॑ सो॒मो दे॒वेषु॑ रण्यति ।  
 अ॒पो व॒सानः॑ परि॒ गोभि॑रु॒त्तरः॑ सी॒दन्व॑नेष्व॒व्यत॑ ॥ १.१०७.१८  
 त॒वाहं॑ सो॒म रा॑रण॒ सख्य॑ इ॒न्द्रो दि॒वेदि॒वे ।  
 पु॒रूणि॑ ब॒भ्रो नि॑ च॒रन्ति॑ मा॒मव॑ परि॒धी॑रति॒ ताँ इ॒हि ॥ १.१०७.१९  
 उ॒ताहं॑ न॒क्त॒मु॒त सो॒म ते॑ दि॒वा स॒ख्याय॑ ब॒भ्र ऊ॒धनि॑ ।  
 घृ॒णा त॑प॒न्त॒मति॑ सू॒र्यं प॑रः श॒कुना॑ इ॒व प॑प्ति॒म ॥ १.१०७.२०  
 मृ॒ज्यमा॑नः सु॒हस्त्य॑ स॒मु॒द्रे वा॑चमि॒न्वसि॑ ।  
 र॒यिं पि॑शङ्गं ब॒हलं॑ पु॒रु॒स्पृहं॑ प॒वमा॑नाभ्य॒र्षसि॑ ॥ १.१०७.२१  
 मृ॒जा॒नो वा॑रे॒ पव॑मानो अ॒व्यये॑ वृषा॒व च॑क्र॒दो व॑ने ।  
 दे॒वानां॑ सो॒म प॑व॒मान॑ निष्कृ॒तं गो॑भि॒रञ्जानो॑ अ॒र्षसि॑ ॥ १.१०७.२२  
 प॒वस्व॑ वा॒जसा॑तयेऽभि॒ विश्वा॑नि॒ काव्या॑ ।  
 त्वं स॒मु॒द्रं प्र॑थ॒मो वि॑ धा॒रयो॑ दे॒वेभ्यः॑ सो॒म म॑त्स॒रः ॥ १.१०७.२३  
 स तू॑ प॒वस्व॑ परि॒ पा॒थि॒वं र॒जो दि॒व्या च॑ सो॒म ध॑र्मभिः ।  
 त्वां वि॒प्रासो॑ म॒तिभि॑र्वि॒चक्ष॑ण॒ शु॒भ्रं हि॒न्वन्ति॑ धी॒तिभिः॑ ॥ १.१०७.२४  
 प॒वमा॑ना अ॒सृक्ष॑त॒ पवि॑त्र॒मति॑ धा॒रया॑ ।  
 म॒रु॒त्वन्तो॑ म॒त्स॒रा इ॒न्द्रिया॑ ह॒या मे॒धाम॑भि॒ प्रया॑सि च ॥ १.१०७.२५  
 अ॒पो व॒सानः॑ परि॒ को॒शम॑र्षती॒न्दुर्हि॑यानः॒ सो॒तृभिः॑ ।  
 ज॒नय॑ञ्ज्योति॒र्म॒न्दना॑ अ॒वीव॑श॒द्वाः कृ॑ण्वानो न नि॒र्णि॑जम् ॥ १.१०७.२६  
 प॒वस्व॑ म॒धुम॑त्त॒म इ॒न्द्राय॑ सो॒म ऋ॑तु॒वित्त॑मो॒ मदः॑ ।

महि॑ द्यु॒क्षत॑मो॒ मदः॑ ॥ ९.१०८.०१  
यस्य॑ ते पी॒त्वा वृष॑भो वृषाय॑तेऽस्य पी॒ता स्व॑र्विदः ।  
स सु॒प्रके॑तो अ॒भ्य॒क्र॒मी॒दिषो॑ऽच्छा वाजं॑ नैतशः ॥ ९.१०८.०२  
त्वं ह्य॑ऽङ्ग दैव्या॑ पव॒मान॑ जनि॒मानि॑ द्यु॒मत्त॑मः ।  
अमृ॑त॒त्वाय॑ घोष॒यः ॥ ९.१०८.०३  
येना॑ नव॒ग्वो द॒ध्यङ्कु॑पोर्णु॒ते येन॑ वि॒प्रास॑ आपि॒रे ।  
दे॒वानां॑ सु॒प्ने अ॒मृत॑स्य चारु॒णो येन॑ श्रवा॒स्यान॑शुः ॥ ९.१०८.०४  
एष॑ स्य धार॒या सु॒तोऽव्यो॑ वारेभिः पव॒ते म॒दिन्त॑मः ।  
क्रीळ॑न्नु॒र्मि॒र॒पामि॑व ॥ ९.१०८.०५  
य उ॒स्त्रिया॑ अप्या॒ अन्त॑रश्म॒नो निर्गा॑ अकृ॒न्त॒दोज॑सा ।  
अ॒भि ब्र॑जं त॒त्त्रिषे॑ गव्य॒मश्व्यं॑ वर्मी॒व धृ॑ष्णवा रु॒ज ॥ ९.१०८.०६  
आ सौ॒ता परि॑ पि॒ञ्चता॑श्वं न स्तो॒मम॑सुर॒ रज॑स्तुरम् ।  
वन॑क्र॒क्षमु॑दप्रु॒तम् ॥ ९.१०८.०७  
सह॑स्र॒धारं वृष॑भं पयो॒वृध॑ प्रि॒यं दे॒वाय॑ जन्म॒ने ।  
ऋ॒तेन॑ य ऋ॒तजा॑तो वि॒वावृ॑धे राजा दे॒व ऋ॒तं बृ॑हत् ॥ ९.१०८.०८  
अ॒भि द्यु॑म्रं बृह॒द्यश॑ इष॒स्पते॑ दि॒दीहि॑ दे॒व दे॒वयुः॑ ।  
वि॒ कोशं॑ मध्य॒मं यु॑व ॥ ९.१०८.०९  
आ व॑च्यस्व सु॒दक्ष॑ च॒म्बोः सु॒तो वि॑शां व॒ह्निर्न॑ वि॒श॒पतिः॑ ।  
वृ॒ष्टिं दि॒वः प॑वस्व री॒तिम॑पां जि॒न्वा ग॑विष्ट॒ये धि॑यः ॥ ९.१०८.१०  
ए॒तमु॑ त्यं म॒दच्यु॑तं सह॑स्र॒धारं वृष॑भं दि॒वो दु॑हुः ।  
वि॒श्वा व॑सू॒नि बि॒भ्रत॑म् ॥ ९.१०८.११  
वृषा॑ वि॒ जज्ञे॑ जन॒यन्न॑म॒र्त्यः प्र॑तप॒ञ्चोति॑षा तमः ।  
स सु॒ष्टुतः॑ क॒विभि॑र्नि॒र्णिजं॑ दधे त्रि॒धात्व॑स्य दंस॒सा ॥ ९.१०८.१२  
स सु॒न्वे यो व॑सू॒नां यो रा॑या॒माने॑ता य इ॒ळाना॑म् ।  
सोमो॑ यः सु॒क्षिती॑नाम् ॥ ९.१०८.१३  
यस्य॑ न इन्द्रः॑ पि॒बाद्य॑स्य म॒रुतो॑ यस्य॑ वार्य॒मणा॑ भगः ।  
आ येन॑ मि॒त्राव॑रुणा॒ कराम॑ह॒ एन्द्र॑मवसे॒ महे ॥ ९.१०८.१४

इन्द्राय सोम पातवे नृभिर्यतः स्वायुधो मदिन्तमः ।  
 पवस्व मधुमत्तमः ॥ १.१०८.१५  
 इन्द्रस्य हार्दि सोमधानमा विश समुद्रमिव सिन्धवः ।  
 जुष्टो मित्राय वरुणाय वायवे दिवो विष्टम्भ उत्तमः ॥ १.१०८.१६  
 परि प्र धन्वेन्द्राय सोम स्वादुर्मित्राय पूष्णे भगाय ॥ १.१०९.०१  
 इन्द्रस्ते सोम सुतस्य पेयाः ऋत्वे दक्षाय विश्वे च देवाः ॥ १.१०९.०२  
 एवामृताय महे क्षाय स शुक्रो अर्ष दिव्यः पीयूषः ॥ १.१०९.०३  
 पवस्व सोम महान्समुद्रः पिता देवानां विश्वाभि धाम ॥ १.१०९.०४  
 शुक्रः पवस्व देवेभ्यः सोम दिवे पृथिव्यै शं च प्रजायै ॥ १.१०९.०५  
 दिवो धर्तासि शुक्रः पीयूषः सत्ये विधर्मन्वाजी पवस्व ॥ १.१०९.०६  
 पवस्व सोम द्युम्नी सुधारो महामवीनामनु पूर्यः ॥ १.१०९.०७  
 नृभिर्येमानो जज्ञानः पूतः क्षरद्विश्चानि मन्द्रः स्वर्वित् ॥ १.१०९.०८  
 इन्दुः पुनानः प्रजामुराणः करद्विश्चानि द्रविणानि नः ॥ १.१०९.०९  
 पवस्व सोम ऋत्वे दक्षयाश्वो न नित्तो वाजी धनाय ॥ १.१०९.१०  
 तं ते सोतारो रसं मदाय पुनन्ति सोमं महे द्युम्नाय ॥ १.१०९.११  
 शिशु जज्ञानं हरिं मृजन्ति पवित्रे सोमं देवेभ्य इन्दुम् ॥ १.१०९.१२  
 इन्दुः पविष्ट चारुर्मदायापामुपस्थे कविर्भगाय ॥ १.१०९.१३  
 बिभर्ति चार्विन्द्रस्य नाम येन विश्वानि वृत्रा जघान ॥ १.१०९.१४  
 पिबन्त्यस्य विश्वे देवासो गोभिः श्रीतस्य नृभिः सुतस्य ॥ १.१०९.१५  
 प्र सुवानो अक्षाः सहस्रधारस्तिरः पवित्रं वि वारमव्यम् ॥ १.१०९.१६  
 स वाज्यक्षाः सहस्ररेता अद्विर्मृजानो गोभिः श्रीणानः ॥ १.१०९.१७  
 प्र सोम याहीन्द्रस्य कुक्षा नृभिर्येमानो अद्रिभिः सुतः ॥ १.१०९.१८  
 असर्जि वाजी तिरः पवित्रमिन्द्राय सोमः सहस्रधारः ॥ १.१०९.१९  
 अञ्जन्येनं मध्वो रसेनेन्द्राय वृष्ण इन्दुं मदाय ॥ १.१०९.२०  
 देवेभ्यस्त्वा वृथा पाजसेऽपो वसानं हरिं मृजन्ति ॥ १.१०९.२१  
 इन्दुरिन्द्राय तोशते नि तोशते श्रीणन्नुग्रो रिणन्नपः ॥ १.१०९.२२

पर्यु॑ षु प्र धन्व॑ वाज॑सातये॒ परि॑ वृत्राणि॑ स॒क्षणिः॑ ।  
 द्विष॑स्तर॒ध्या ऋ॑णया न ईयसे ॥ ९.११०.०१  
 अनु॑ हि त्वा सु॒तं सोम॑ म॒दाम॑सि म॒हे सम॑र्य॒राज्ये॑ ।  
 वाजाँ॑ अ॒भि प॑वमान॒ प्र गा॑हसे ॥ ९.११०.०२  
 अजी॑जनो हि प॒वमान॑ सूर्य॒ विधा॑रे श॒क्मना॑ पयः ।  
 गो॒जीर॑या रंह॒माणः पुर॑ध्या ॥ ९.११०.०३  
 अजी॑जनो अमृत॒ मर्त्ये॑ष्वँ ऋ॒तस्य॑ धर्म॒न्नमृत॑स्य चारुणः ।  
 सदा॑सरो वाज॒मच्छा॑ सनिष्यदत् ॥ ९.११०.०४  
 अ॒भ्यभि॑ हि श्रवसा॒ ततर्दि॑थोत्सं न कं चि॒ञ्जन॑पान॒मक्षित॑म् ।  
 शर्या॑भिर्न भर॒माणो ग॑भस्त्योः ॥ ९.११०.०५  
 आदीं॑ के चि॒त्पश्य॑मानास॒ आप्यं॑ वसुरु॒चो दि॒व्या अ॒भ्यनू॑षत ।  
 वारं॑ न देवः स॒विता॑ व्यूर्णुते ॥ ९.११०.०६  
 त्वे सोम॑ प्रथ॒मा वृ॒क्तब॑र्हिषो म॒हे वाजा॑य श्रव॒से धिय॑ दधुः ।  
 स त्वं नो॑ वीर वी॒र्याय॑ चोदय ॥ ९.११०.०७  
 दिवः॑ पी॒यूषं॑ पू॒र्व्यं यदु॑क्थ्यं म॒हो गा॑हाद्वि॒व आ निर॑धुक्षत ।  
 इन्द्र॑म॒भि जा॑यमानं॒ सम॑स्वरन् ॥ ९.११०.०८  
 अध॑ यद्विमे प॒वमान॑ रोदसी इ॒मा च॑ विश्वा भुव॒नाभि॑ म॒ज्मना॑ ।  
 यूथे॑ न नि॒ष्ठा वृ॑षभो वि तिष्ठसे ॥ ९.११०.०९  
 सोमः॑ पु॒नानो॑ अ॒व्यये॑ वारे शिशु॒र्न क्री॑ळन्प॒वमानो॑ अक्षाः ।  
 स॒हस्र॑धारः श॒तवा॑ज इन्द्रुः ॥ ९.११०.१०  
 एष॑ पु॒नानो॑ मधु॒माँ ऋ॒तावेन्द्रा॑येन्द्रुः पवते स्वादु॒रूर्मिः॑ ।  
 वा॒जस॑निर्व॒रिवो॑विद्वयो॒धाः ॥ ९.११०.११  
 स प॑वस्व स॒हमानः॑ पृ॒तन्यू॒न्सेध॑त्रक्षांस्यप दु॒र्गहा॑णि ।  
 स्वा॒युधः॑ सा॒सह्वा॑न्सोम शत्रून् ॥ ९.११०.१२  
 अ॒या रु॒चा हरि॑ण्या पु॒नानो॑ विश्वा द्वेषा॑सि तरति स्व॒युग्व॑भिः सूर॒ो न स्व॒युग्व॑भिः ।  
 धारा॑ सु॒तस्य॑ रोचते पु॒नानो॑ अरु॒षो हरिः॑ ।

विश्वा यद्रूपा परिजात्यृक्कभिः सप्तास्येभिर्ऋक्कभिः ॥ ९.१११.०१  
 त्वं त्यत्पणीनां विदो वसु सं मातृभिर्मर्जयसि स्व आ दम ऋतस्य धीतिभिर्दमे ।  
 परावतो न साम तद्यत्रा रणन्ति धीतयः ।  
 त्रिधातुभिररुषीभिर्वयो दधे रोचमानो वयो दधे ॥ ९.१११.०२  
 पूर्वामनु प्रदिशं याति चेकितत्सं रश्मिभिर्यतते दर्शतो रथो दैव्यो दर्शतो रथः ।  
 अग्मन्नुक्थानि पौंस्येन्द्रं जैत्राय हर्षयन् ।  
 वज्रश्च यद्भवथो अनपच्युता समत्स्वनपच्युता ॥ ९.१११.०३  
 नानानं वा उ नो धियो वि व्रतानि जनानाम् ।  
 तक्षा रिष्टं रुतं भिषगब्रह्मा सुन्वन्तमिच्छतीन्द्रायेन्दो परि स्रव ॥ ९.११२.०१  
 जरतीभिरोषधीभिः पर्णेभिः शकुनानाम् ।  
 कार्मारो अश्मभिर्द्युभिर्हिरण्यवन्तमिच्छतीन्द्रायेन्दो परि स्रव ॥ ९.११२.०२  
 कारुरहं ततो भिषगुपलप्रक्षिणी नना ।  
 नानाधियो वसूयवोऽनु गा इव तस्थिमेन्द्रायेन्दो परि स्रव ॥ ९.११२.०३  
 अश्वो वोक्त्वा सुखं रथं हसनामुपमन्त्रिणः ।  
 शेषो रोमण्वन्तौ भेदौ वारिन्मण्डूक इच्छतीन्द्रायेन्दो परि स्रव ॥ ९.११२.०४  
 शर्यणावति सोममिन्द्रः पिबतु वृत्रहा ।  
 बलं दधान आत्मनि करिष्यन्वीर्यं महदिन्द्रायेन्दो परि स्रव ॥ ९.११३.०१  
 आ पवस्व दिशां पत आर्जीकात्सोम मीढ्वः ।  
 ऋतवाकेन सत्येन श्रद्धया तपसा सुत इन्द्रायेन्दो परि स्रव ॥ ९.११३.०२  
 पर्जन्यवृद्धं महिषं तं सूर्यस्य दुहिताभरत् ।  
 तं गन्धर्वाः प्रत्यगृण्णन्तं सोमे रसमादधुरिन्द्रायेन्दो परि स्रव ॥ ९.११३.०३  
 ऋतं वदन्नृतद्युम्न सत्यं वदन्सत्यकर्मन् ।  
 श्रद्धां वदन्सोम राजन्धात्रा सोम परिष्कृत इन्द्रायेन्दो परि स्रव ॥ ९.११३.०४  
 सत्यमुग्रस्य बृहतः सं स्रवन्ति संस्रवाः ।  
 सं यन्ति रसिनो रसाः पुनानो ब्रह्मणा हर इन्द्रायेन्दो परि स्रव ॥ ९.११३.०५  
 यत्र ब्रह्मा पवमान छन्दस्यां३ वाचं वदन् ।

ग्रा॒व्या सो॒मे म॒ही॒यते॑ सो॒मे॒ना॒न॒न्दं॑ ज॒न॒य॒न्नि॒न्द्रा॒ये॒न्दो॒ परि॑ स्रव ॥ ९.११३.०६  
 यत्र॑ ज्योति॒रज॑स्रं॒ यस्मिँ॑ल्लोके॒ स्वर्हि॑तम् ।  
 तस्मिन्मां॑ धेहि॒ पव॑मानामृते॒ लोके॑ अक्षित॒ इन्द्रा॒ये॒न्दो॒ परि॑ स्रव ॥ ९.११३.०७  
 यत्र॑ राजा॒ वैव॑स्वतो॒ यत्रा॑वरोधनं॒ दिवः॑ ।  
 यत्रा॑मूर्य॒ह्वती॑रापस्तत्र॒ माम॑मृतं॒ कृधी॑न्द्राये॒न्दो॒ परि॑ स्रव ॥ ९.११३.०८  
 यत्रा॑नुकामं॒ चरणं॑ त्रि॒नाके॑ त्रि॒दिवे॑ दिवः ।  
 लोका॑ यत्र॒ ज्योति॑ष्मन्तस्तत्र॒ माम॑मृतं॒ कृधी॑न्द्राये॒न्दो॒ परि॑ स्रव ॥ ९.११३.०९  
 यत्र॑ कामा॒ निकामा॑श्च॒ यत्र॑ ब्र॒ध्नस्य॑ विष्टपम् ।  
 स्वधा॑ च॒ यत्र॑ तृ॒प्तिश्च॑ तत्र॒ माम॑मृतं॒ कृधी॑न्द्राये॒न्दो॒ परि॑ स्रव ॥ ९.११३.१०  
 यत्रा॑नन्दाश्च॒ मोदा॑श्च॒ मुदः॑ प्र॒मुद॑ आसते ।  
 काम॑स्य॒ यत्रा॑प्ताः कामा॒स्तत्र॑ माम॑मृतं॒ कृधी॑न्द्राये॒न्दो॒ परि॑ स्रव ॥ ९.११३.११  
 य इ॒न्दोः प॑वमानस्यानु॒ धामान्य॑क्रीत् ।  
 तमा॑हुः सु॒प्रजा॑ इति॒ यस्ते॑ सो॒मावि॑धन्मन॒ इन्द्रा॒ये॒न्दो॒ परि॑ स्रव ॥ ९.११४.०१  
 ऋ॒षे म॑न्न॒कृतां॑ स्तो॒मैः क॑श्यपो॒र्ध्वय॑न्गिरः ।  
 सोमं॑ नमस्य॒ राजानं॑ यो ज॒ज्ञे वी॑रुधां॒ पति॑रिन्द्राये॒न्दो॒ परि॑ स्रव ॥ ९.११४.०२  
 सप्त॑ दि॒शो नाना॑सूर्याः सप्त॒ होतार॑ ऋ॒त्विजः॑ ।  
 दे॒वा आ॑दि॒त्या ये सप्त॑ तेभिः॒ सोमा॑भि र॒क्ष न॒ इन्द्रा॒ये॒न्दो॒ परि॑ स्रव ॥ ९.११४.०३  
 यत्ते॑ राजञ्छ्रु॒तं ह॑विस्तेन॒ सोमा॑भि र॒क्ष नः॑ ।  
 अ॒राती॑वा मा॒ नस्तारी॑न्मो च॒ नः किं॑ च॒नाम॑दिन्द्राये॒न्दो॒ परि॑ स्रव ॥ ९.११४.०४

Last updated July 2, 2013

Special mention : Initial processing and help by Avinash and Shashi Sathaye,  
 Avinash Chopde, Shree Devi Kumar, Sunder Hattangadi, John Gardner.  
 Reprocessed from Original in final form by Detlef Eichler with additional  
 corrections.

See Detlef's site <http://www.detlef108.de/Rigvedatm>  
 for other details and formats.

The text is shown with accents (Anudattas, dependent Svaritas, and independent Svaritas including Kampas). Words are connected (agnimILe).

Ch is doubled as in gachChati according to the rules of Rigveda-Pratishakhya. At the end of a word m is replaced by Anusvara M if the initial letter of the following word is a labial stop consonant (p, ph, b, bh, m).

Visarga H before sh, Sh or s followed by a voiceless consonant has been restored.

Source : The Aufrecht/van Nooten/Holland (Samhita) version of the Rigveda (<http://www.people.fasarvard.edu/witzel/onlineRVtm>).

In this text accented vowels have Udatta or 'independent Svarita' markers. Kampas are not shown. Words are separated (agnim ILe).

Ch is not doubled as in gaChati. At the end of a word we find m before a following labial stop consonant (p, ph, b, bh, m).

Visarga H before sh, Sh or s followed by a voiceless consonant has been dropped according to a rule of Rigveda-Pratishakhya.

Send corrections to : [detlefeichler@googlemail.com](mailto:detlefeichler@googlemail.com), [sanskrit@cheerful.com](mailto:sanskrit@cheerful.com)

---

—  
.. *Rigveda Mandala 9* ..

pdf was created on November 12, 2017

—  
Please send corrections to [sanskrit@cheerful.com](mailto:sanskrit@cheerful.com)

